


323


1784



ПРЕЗИДЕНТГА МАКТУБЛАР



ПРЕЗИДЕНТГА МАКТУБЛАР



Toshkent Axborot Texnologiyalar Universiteti

375208

Axborot Resurs Markazi

УЎК 32(575.1)
КБК 66.3(5Ў)6
П 84

«Президентга мактублар» китобининг навбатдаги – тўртинчи жилдидан Ўзбекистон Республикаси Президенти Ислом Каримов номига 2013–2016 йиллар мобайнида келган хатлар ва уларга жавоб мактубларидан айрим намуналар ўрин олган бўлиб, уларнинг барчасида Ватанимиз ва халқимизга, давлатимиз раҳбарига юксак меҳр, ҳурмат-эҳтиром, эл-юртимиз қўлга киритаётган улкан ютуқ ва марралардан фахрланиш, эртанги кунга ишонч ҳисси, жамиятимиздаги улкан ўзгариш ва янгиланишларга дахлдорлик, бугунги озод ва фаровон кунларга етганимиз учун шукроналик туйғулари яққол сезилиб туради.

УЎК 32(575.1)
КБК 66.3(5Ў)6

П 84 **Президентга мактублар** [Матн]: К. 4 / тўпловчи З. Мирзакулов; муҳаррир М. Қаршибоев; нашр учун масъул Х. Султонов. – Тошкент: «Маънавият», 2016. – 296 б.

СЎЗБОШИ ЎРНИДА

Ҳурматли китобхон, «Президентга мактублар» китобининг ушбу янги – тўртинчи жилдига Ўзбекистон Республикаси Президенти Ислам Каримов номига 2013–2016 йиллар давомида келган хатлар ва уларга жавоб мактубларидан айрим намуналар киритилган.

Маълумки, мазкур туркумдаги китобларнинг биринчи жилди 2006 йилда, иккинчи жилди 2009 йилда, учинчи жилди эса 2013 йилда нашрдан чиқарилган ва уларнинг барчаси кенг жамоатчилик ўртасида катта қизиқиш уйғотган эди.

Халқимиз томонидан «Мактуб – кўнгил кўзгуси, дил изҳори» деган иборалар бежиз айтилмаган. Ҳақиқатан ҳам, ушбу китобдан ўрин олган хатларни ўқир эканмиз, турли соҳа ва тармоқларда меҳнат қилаётган, ёши, касбу кори, миллати ва дунёқарашига кўра бир-биридан фарқ қиладиган мактуб эгаларининг ўй-фикрлари, орзу-интилишлари нақадар холис ва самимий экани, уларни умумий бир хусусият – она Ватанимизга, халқимизга, Президентимизга меҳр ва ишонч бирлаштириб турганини яққол сезамиз, ҳис қиламиз.

Бугунги кунда ҳар бир ватандошимиз, миллион-миллион одамларимиз қатори, мустақиллик

йилларида мамлакатимизнинг илгариги қолоқ, иқтисодиёти бирёқлама ривожланган, пахта як-каҳоқимлиги ҳалокатли тус олган ўлкадан саноати жадал тараққий этаётган замонавий давлатга айлангани, иқтисодиётимизнинг кейинги ўн бир йил давомида 8 фоиздан кам бўлмаган суръатлар билан барқарор ўсиб келаётгани, юртимиз, шаҳар ва қишлоқларимиз тобора гўзал ва обод бўлиб бораётганини – ана шундай улкан ютуқ ва марраларимизнинг амалий натижасини ўзи, оиласи, фарзандларининг ҳаёти мисолида аниқ кўраётганини, бир сўз билан айтганда, истиқлолимизнинг энг муҳим натижаларини бу хатлар бамисоли кўзгудек ёрқин намоён этади.

Бу ҳақиқатни айнан инсоннинг ҳаёт кўрсаткичларини аниқлаш бўйича ўтказилаётган халқаро рейтингларда Ўзбекистонимиз энг нуфузли ўринларни эгаллаб келаётгани ҳам тасдиқлайди.

Масалан, Бирлашган Миллатлар Ташкилоти ҳомийлигида 2015 йилда «Дунёнинг энг бахтли мамлакатлари» деган мавзуда ўтказилган тадқиқот натижасига кўра, Ўзбекистон 158 та давлат орасида 44-ўринни, Мустақил Давлатлар Ҳамдўстлигига аъзо мамлакатлар ўртасида эса 1-ўринни эгаллади.

Ёки яна бир нуфузли халқаро ташкилот – Жаҳон иқтисодий форуми томонидан тузилган рейтинг бўйича, Ўзбекистон 2014–2015 йиллардаги

ривожланиш якунлари ва 2016–2017 йилларда иктисодий ўсиш прогнозларига кўра дунёдаги энг тез ривожланаётган бешта мамлакат қаторидан жой эгаллаган.

Бундан ташқари, 2015 йилда мамлакатимиз Бирлашган Миллатлар Ташкилотининг Озиқ-овқат ва қишлоқ хўжалиги ташкилотига аъзо давлатларнинг озиқ-овқат хавфсизлигини таъминлаш бўйича Мингйиллик ривожланиш мақсадларига эришгани учун бериладиган мукофотига сазовор бўлган 14 та давлатдан бири сифатида эътироф этилди.

Яна бир муҳим мисолга эътибор берайлик. АҚШдаги нуфузли Гэллап институти томонидан «Қонуний тартибларга итоат қилиш индекси» деган мавзуда ижтимоий сўров ўтказилган. Сўровномада 3 та савол бўйича одамларнинг фикри ўрганилган. Яъни, «Сиз ўзингиз яшаётган шаҳар ёки тумандаги маҳаллий полицияга ишонасизми?», «Сиз ўзингиз яшаётган шаҳар ёки туманда кечаси хавф-хатардан қўрқмасдан ёлғиз юра оласизми?», «Охирги ўн икки ойда сиз ва оила аъзоларингизнинг пул ва мол-мулки ўғирланган ҳолат содир бўлганми?» деган саволлар сўров қатнашчилари эътиборига ҳавола қилинган.

Ана шу сўровнома натижаларига кўра, мамлакатимиз 141 та давлат ўртасида 2-ўринни эгаллаган.

Йилларида мамлакатимизнинг илгариги қолоқ, иқтисодиёти бирёқлама ривожланган, пахта як-каҳокимлиги ҳалокатли тус олган ўлкадан саноати жадал тараққий этаётган замонавий давлатга айлангани, иқтисодиётимизнинг кейинги ўн бир йил давомида 8 фоиздан кам бўлмаган суръатлар билан барқарор ўсиб келаётгани, юртимиз, шаҳар ва қишлоқларимиз тобора гўзал ва обод бўлиб бораётганини – ана шундай улкан ютуқ ва марраларимизнинг амалий натижасини ўзи, оиласи, фарзандларининг ҳаёти мисолида аниқ кўраётганини, бир сўз билан айтганда, истиқлолимизнинг энг муҳим натижаларини бу хатлар бамисоли кўзгудек ёрқин намоён этади.

Бу ҳақиқатни айнан инсоннинг ҳаёт кўрсаткичларини аниқлаш бўйича ўтказилаётган халқаро рейтингларда Ўзбекистонимиз энг нуфузли ўринларни эгаллаб келаётгани ҳам тасдиқлайди.

Масалан, Бирлашган Миллатлар Ташкилоти ҳомийлигида 2015 йилда «Дунёнинг энг бахтли мамлакатлари» деган мавзуда ўтказилган тадқиқот натижасига кўра, Ўзбекистон 158 та давлат орасида 44-ўринни, Мустақил Давлатлар Ҳамдўстлигига аъзо мамлакатлар ўртасида эса 1-ўринни эгаллади.

Ёки яна бир нуфузли халқаро ташкилот – Жаҳон иқтисодий форуми томонидан тузилган рейтинг бўйича, Ўзбекистон 2014–2015 йиллардаги

ривожланиш якунлари ва 2016–2017 йилларда иктисодий ўсиш прогнозларига кўра дунёдаги энг тез ривожланаётган бешта мамлакат қаторидан жой эгаллаган.

Бундан ташқари, 2015 йилда мамлакатимиз Бирлашган Миллатлар Ташкилотининг Озиқ-овқат ва қишлоқ хўжалиги ташкилотига аъзо давлатларнинг озиқ-овқат хавфсизлигини таъминлаш бўйича Мингйиллик ривожланиш мақсадларига эришгани учун бериладиган мукофотига сазовор бўлган 14 та давлатдан бири сифатида эътироф этилди.

Яна бир муҳим мисолга эътибор берайлик. АҚШдаги нуфузли Гэллап институти томонидан «Қонуний тартибларга итоат қилиш индекси» деган мавзуда ижтимоий сўров ўтказилган. Сўровномада 3 та савол бўйича одамларнинг фикри ўрганилган. Яъни, «Сиз ўзингиз яшаётган шаҳар ёки тумандаги маҳаллий полицияга ишонасизми?», «Сиз ўзингиз яшаётган шаҳар ёки туманда кечаси хавф-хатардан қўрқмасдан ёлғиз юра оласизми?», «Охирги ўн икки ойда сиз ва оила аъзоларингизнинг пул ва мол-мулки ўғирланган ҳолат содир бўлганми?» деган саволлар сўров қатнашчилари эътиборига ҳавола қилинган.

Ана шу сўровнома натижаларига кўра, мамлакатимиз 141 та давлат ўртасида 2-ўринни эгаллаган.

Бизнинг ана шундай ўта муҳим ҳаётий масалалар бўйича дунё микёсида юкори даражаларга кўтарилганимиз, бу соҳада олиб бораётган ишларимиз халқаро микёсда кенг эътироф этилаётгани, ҳеч шубҳасиз, барчамизга ғурур ва ифтихор бағишлайди.

Албатта, одам кўпинча кундалик ташвишлар билан банд бўлиб, бундай ютуқларни сезмаслиги, уларга эътибор бермаслиги, уларни табиий ҳол деб қабул қилиши мумкин. Лекин «Кеча ким эдигу бугун ким бўлдик?» деган қиёсий савол, мантикий ёндашув билан ҳаётга қарайдиган бўлсак, бундай улкан ўзгариш ва натижаларнинг маъно-моҳияти яққол намоён бўлади.

Ўзбекистоннинг тарихан қисқа бир даврда юз йилларга тенг таракқиёт йўлини босиб ўтгани, бугунги кундаги барқарор ўсиш ва юксалиш суръатларини таҳлил қилар экан, кўплаб хорижий давлат арбоблари, таниқли олим ва экспертлар, умуман, холис фикр юритадиган барча одамлар халқимиз эришаётган ютуқларни тан олмоқда, бу ютуқларнинг негизида турган омиллар ҳақида ҳаққоний фикр юритмоқда.

Айни вақтда биз учун энг муҳими – ана шундай ютуқларнинг ижодкори ва бунёдкори бўлган халқимиз, эл-юртимиз вакиллари бўлган оддий инсонларнинг бу борада ғурур ва ифтихор билан сўз юритиши, эришилган ана шу натижалар-

да уларнинг ҳам меҳнати, муносиб ҳиссаси борлигидир.

Бир қарашда юртимизнинг олис ва чекка ҳудудларида яшайдиган, баъзан кундалик турмуш ташвишлари билан бўлиб, ижтимоий ҳаёт ўзгаришларидан йироқ бўлиб туюладиган бу одамларнинг мазкур тўпламдан ўрин олган хатларидаги самимиятни, халқимиз, давлатимиз тақдири учун куюнчакликни кўриб, киши албатта қувонади.

Ушбу хатларнинг асосий қисмида кўрсатилган меҳр-оқибат ва яхшилик, эътибор ва ғам-хўрлик учун давлатимизга, халқимизга, Президентимизга самимий миннатдорлик туйғулари ифода этилган. Бу бежиз эмас. Одамзод доимо яхшиликка интилиб, эзгу ниятлар билан яшайди. Ҳаётда яхшилик ва адолат тантанасини, қандай оғир синовлардан ўтиб бўлса-да, кўришни орзу қилади. Нега деганда, муқаддас китобларимизда айтилганидек, яхшиликнинг мукофоти — фақат яхшиликдир. Шунинг учун ҳам яхшилик қилганга албатта яхшилик қайтади, ўзига қайтмаса, болаларига, набираларига қайтади.

Яна бир эътиборга лойиқ жиҳати шундаки, хат муаллифлари ўз ҳаётини жамиятимизда тобора кучайиб бораётган ўзаро ҳурмат, аҳиллик ва ҳамжиҳатлик муҳитидан, бугунги эркин ва обод ҳаётимиздан, Ўзбекистонимиз эришаётган

ютуқлардан айри ҳолда тасаввур қилолмаслиги ҳар бир мактубда аниқ сезилиб туради.

Мухтасар айтганда, бу хатлар юртдошларимизнинг дунёқараши, онгу тафаккурида илгари тасаввур ҳам қилиб бўлмайдиган улкан ижобий ўзгаришлар юз бераётганини ёрқин намоён этади.

Бугунги кунда шиддат билан ўзгариб бораётган замоннинг ўзи шуни кўрсатмоқдаки, одамларимиз аввало ўзига, оиласига бевосита дахлдор бўлган воқеа-ҳодисалардан, ўзгаришлардан тўғри хулоса чиқариб, бу жараёнда ўзининг ўрни ва таъсири қандай эканини тушуниб, англаб, ҳаётга, келажакка катта ишонч билан яшамокда. Айни мана шу хусусият барча мактубларнинг бош ғояси, бош мавзуси, десак, хато бўлмайди.

Хат муаллифларининг юртимиздаги ҳар бир ўзгаришни мана шундай кайфият билан қабул қилиши, ўзи ва яқинларининг ҳаётидаги унутилмас воқеа ва ҳодисалар ҳақида, орзу-ниятларининг ушалиши, бахтли дамлар ҳақида кўнглидан ўтаётган кечинмалари, бу қувонч ва шодликларни бошқалар билан, жумладан, давлат раҳбари билан ҳам баҳам кўришга интилиши – бу ҳақиқатан ҳам, жамиятимиздаги ўзаро ҳурмат ва ишонч муҳити, одамларимизнинг гражданлик позицияси тобора мустаҳкамланиб бораётганидан дало-

лат беради. Бу айти пайтда халқимиз ижтимоий кайфиятининг муҳим устувор кўрсаткичидир.

Мазкур китобда жам бўлган хатларда оддий мактаб ўқувчисидан тортиб кўпни кўрган тажрибали инсонларгача, ишчи ва муҳандислар, деҳқон ва фермерлар, тадбиркор ва ишбилармонлардан тортиб шифокор, муаллим ва мураббийларгача, илмий-ижодий соҳа вакилларида тортиб ҳарбий хизматчиларгача, қисқача қилиб айтганда, бутун халқимизнинг овози баралла эшитилиб туради, десак, муболаға бўлмайди.

Ушбу хатларни ўқир эканмиз, мамлакатимиз фуқароларининг юртимизда амалга оширилаётган кенг кўламли ислохотларни нафақат кўллаб-қувватлаши, - балки Президент Ислон Каримов томонидан ишлаб чиқилган ва ҳаётга жорий этилаётган тараққиёт йўли нақадар тўғри эканига, айти шу йўл билан биз ўз олдимизга қўйган юксак мақсадларимизга эриша олишимизни тобора чуқур англаб бораётганига ишонч ҳосил қиламиз.

Мактуб муаллифлари орасида хорижий давлатларнинг фуқаролари, атоқли давлат ва сиёсат арбоблари ҳам борлиги Президентимизнинг серқирра фаолияти халқаро миқёсда, чет элларда ҳам катта қизиқиш уйғотаётгани – мамлакатимиз кўлга киритаётган улкан марралар жаҳонда тан олинаётгани ва кенг эътироф этилаётганининг яна бир амалий ифодасидир.

ютуқлардан айри ҳолда тасаввур килолмаслиги ҳар бир мактубда аниқ сезилиб туради.

Мухтасар айтганда, бу хатлар юртдошларимизнинг дунёқараши, онгу тафаккурида илгари тасаввур ҳам қилиб бўлмайдиган улкан ижобий ўзгаришлар юз бераётганини ёрқин намоён этади.

Бугунги кунда шиддат билан ўзгариб бораётган замоннинг ўзи шуни кўрсатмоқдаки, одамларимиз аввало ўзига, оиласига бевосита дахлдор бўлган воқеа-ҳодисалардан, ўзгаришлардан тўғри хулоса чиқариб, бу жараёнда ўзининг ўрни ва таъсири қандай эканини тушуниб, англаб, ҳаётга, келажакка катта ишонч билан яшамокда. Айни мана шу хусусият барча мактубларнинг бош ғояси, бош мавзуси, десак, хато бўлмайди.

Хат муаллифларининг юртимиздаги ҳар бир ўзгаришни мана шундай кайфият билан қабул қилиши, ўзи ва яқинларининг ҳаётидаги унутилмас воқеа ва ҳодисалар ҳақида, орзу-ниятларининг ушалиши, бахтли дамлар ҳақида кўнглидан ўтаётган кечинмалари, бу қувонч ва шодликларни бошқалар билан, жумладан, давлат раҳбари билан ҳам баҳам кўришга интилиши – бу ҳақиқатан ҳам, жамиятимиздаги ўзаро ҳурмат ва ишонч муҳити, одамларимизнинг гражданилик позицияси тобора мустаҳкамланиб бораётганидан дало-

лат беради. Бу айни пайтда халқимиз ижтимоий кайфиятининг муҳим устувор кўрсаткичидир.

Мазкур китобда жам бўлган хатларда оддий мактаб ўқувчисидан тортиб кўпни кўрган тажрибали инсонларгача, ишчи ва муҳандислар, деҳқон ва фермерлар, тадбиркор ва ишбилармонлардан тортиб шифокор, муаллим ва мураббийларгача, илмий-ижодий соҳа вакилларида тортиб ҳарбий хизматчиларгача, қисқача қилиб айтганда, бутун халқимизнинг овози баралла эшитилиб туради, десак, муболаға бўлмайди.

Ушбу хатларни ўқир эканмиз, мамлакатимиз фуқароларининг юртимизда амалга оширилаётган кенг кўламли ислохотларни нафақат қўллаб-қувватлаши, балки Президент Ислон Каримов томонидан ишлаб чиқилган ва ҳаётга жорий этилаётган тараққиёт йўли нақадар тўғри эканига, айни шу йўл билан биз ўз олдимизга қўйган юксак мақсадларимизга эриша олишимизни тобора чуқур англаб бораётганига ишонч ҳосил қиламиз.

Мактуб муаллифлари орасида хорижий давлатларнинг фуқаролари, атоқли давлат ва сиёсат арбоблари ҳам борлиги Президентимизнинг серқирра фаолияти халқаро миқёсда, чет элларда ҳам катта қизиқиш уйғотаётгани – мамлакатимиз кўлга киритаётган улкан марралар жаҳонда тан олинаётгани ва кенг эътироф этилаётганининг яна бир амалий ифодасидир.

Бундай хатларда тинчлик ва хавфсизликни сақлаш, Ўзбекистон билан чет давлатлар ҳамкорлигининг турли қирралари, халқимизнинг қадимий ва бой тарихи, унинг жаҳон цивилизацияси ривожига қўшган ҳиссаси, Марказий Осиё минтақаси ва жаҳон миқёсидаги долзарб масалалар ечими бўйича Президент Ислам Каримов томонидан илгари сурилаётган амалий таклиф ва хулосаларнинг аҳамияти ҳақида сўз боради.

Ўйлаймизки, бу тўплам Ўзбекистон Президентининг мустақил тараққиётимизнинг ўта мураккаб ва юксак масъулиятли давридаги самарали фаолияти, мамлакатимизда янги ҳаёт, янги жамият қуриш йўлида халқимиз қўлга киритаётган тарихий ютуқ ва марралар, фуқароларимизнинг жамият ҳаётидаги ўзгариш ва янгиланиш жараёнларига дахлдорлик ҳисси ва бурчи, шу билан бирга, давлатимиз раҳбари томонидан халқаро жамоатчилик вакиллари билан олиб борилаётган самимий ва амалий мулоқотлар ҳақида китобхонларимиз тасаввурларини янада кенгайтиришга хизмат қилади.

МИННАТДОР ҚАЛЬЛАР ШУКРОНАСИ

Халқимиз – меҳр-оқибатли, яхшиликнинг қадрини биладиган, тинч-осуда, файзу барокатли ҳаёт, ҳалол меҳнат билан топилган ризқу насиба учун шукр қилиб яшайдиган халқ. Мустақиллик йилларида эл-юртимизнинг ана шу фазилатлари янада кучайиб, янгича маъно-мазмун касб этиб бораётгани барчамизга яхши маълум. Боси – ҳаётимиз тобора гўзаллашиб, эски замондан мерос бўлиб қолган адолатсизликлар, қолип ва мезонлар бутунлай барҳам топмоқда, одамларимиз ўз юрти ва тақдирининг ҳақиқий эгасига айланиб бормоқда.

Одамлар мана шундай эркин ва обод ҳаёт неъматларидан баҳраманд бўлар экан, уларнинг барчаси учун шукроналик ва миннатдорлик билдиришни ўзининг инсоний бурчи деб билади.

Бугунги улкан имкониятларнинг замирида аввало Ватанимиз мустақиллиги, давлатимиз раҳбари томонидан олиб борилаётган, ҳар томонлама чуқур ўйланган сиёсат мустаҳкам пойдевор бўлиб турганини кўпни кўрган халқимиз бутун қалби, вужуди билан теран ҳис этмоқда.

Шунинг учун ҳам самимий миннатдорлик сўзларини биринчи навбатда Президент Ислом Каримов номига йўлламоқда.

Бу хатларни ўқир эканмиз, уларнинг ҳар бири «Кеча ким эдигу бугун ким бўлдик?» деган, ҳаётимизда ўта долзарб бўлиб бораётган саволга ҳаққоний жавоб эканини кўриш, кузатиш қийин эмас.

Мухтарам Ислом Абдуғаниевич!

Ҳар бир инсон дунёга келибдики, ҳаёти давомида ҳар хил кунларни бошидан ўтказади. 2015 йили чоп этилган «Она юртимиз бахту иқболи ва буюк келажаги йўлида хизмат қилиш – энг олий саодатдир» китобингиз шу мактубни ёзишимга туртки бўлди.

Сиз бир пайтлар аросатда қолган биз қашқадарёлик аёлларни обком залига тўплаб, биз билан қилган суҳбатингизни, қимматли маслаҳатлар бериб, кайфиятимизни кўтарган, бизни руҳлантирган сўзларингизни шу китобда битибсиз.

Ўшанда болаларим жуда ёш эди. 5 нафар фарзандимнинг ёнига қайноғамнинг бевақт вафотидан сўнг етим қолган 3 нафар бола ҳам кўшилди, барчасини ўз қарамоғимизга олдик. Сиз «Пахта иши» билан ноҳақ қамалганларни озод қилдираман» деб бизни ишонтирдингиз. Айтганингиздек, уларнинг ҳаммаси озод бўлди. Аммо ғурури, ўзлиги таҳқирланган одамларнинг кўпи қамокхоналардан касалманд бўлиб қайтди, умри узоққа чўзилмади. Сизнинг ҳар бир айтган сўзингиз, ўғитларингиз қулоғим остида жаранглаб, мени яшашга, болаларимни тарбиялаб, вояга етказишга ундади. Яратганга шукур, ўғилларим

– фермер, тадбиркор, кизларим – ўқитувчи, ҳисобчи бўлиб, жамиятда ўз ўрнини топишган. 2004 йилда нафақага чиқдим. 2005 йилдан буён Ғузор туманидаги «Мустақиллик» маҳалла фуқаролар йиғини маслаҳатчиси бўлиб ишлаб келмоқдаман.

2015 йил 8 декабрда 65 ёшга тўлдим. Инсон нимадандир эзилиб ёки хурсандчилигидан йиғлаши мумкин. Мен ҳам йиғладим, аммо аламдан эмас, аксинча, қувонганимдан, хурсандлигимдан йиғладим. Юртимиздаги ҳар бир инсонни ўзига қадрдон билгувчи Сиздек азиз, меҳрибон инсон Ватанимизга бош бўлгани учун Тангрига беҳисоб шукроналар айтдим. Худойим умрингизни зиёда қилсин. Сиз туфайли муқаддас ҳаж сафарига бориб, хожи она бўлиш бахтига муяссар бўлдим.

Сизга Оллохдан узоқ умр, тоғдек куч-қувват, булоқ сувидек тиниқ ва осуда ҳаёт тилайман. Ҳар сафар қўлларим дуога очилганида Яратгандан ўзингиз ва оилангизга бахту саодат, сиҳат-саломатлик, юз ёшдан ҳам ошиб юришингизни сўрайман.

Сизнинг ҳақингизга дуода бўлаётган:

**Маҳбуба Расулова,
Қашқадарё вилояти, Ғузор тумани,
«Мустақиллик» маҳалла фуқаролар
йиғини маслаҳатчиси**

2016 йил 26 январь

Ассалому алайкум, ҳурматли Ислом Абдуғаниевич!

Сизга олис Қорақалпоғистон диёридан меҳрибон оналарнинг олқиши, миннатдорлигини йўлламоқдаман. Атоқли шоирамиз Зулфия таваллудининг 100 йиллиги муносабати билан қабул қилган қарорингиз юртимиздаги барча оналар, жумладан, биз – қорақалпоқ оналарининг ҳам қалбига чексиз қувонч бахш этганини сўз билан ифодалашнинг ўзи қийин.

Мен Тошкентга борганимда Зулфияхонимнинг муаззам ҳайкали олдида туриб барча оналар ҳақида ўйладим. Қаҳрамон оналар қаҳрамон фарзандларни дунёга келтиради. Ҳаётда она учун фарзандининг бахту иқболини кўришдан ортик муқаддас орзу-ният йўқ.

Сизнинг «Аёлни улуғламоқ – оилани, Ватанни, ҳаётни улуғламоқ демақдир» деган сўзларингиз бизга ҳар қадамда руҳий куч ва мадад беради.

Мен ҳам онаман. Тўнғич фарзандим – қизимизни узатганмиз, неварамиз ҳам бор, шукур. Икки ўғлим талаба. Ажиниёз – Ўзбекистон давлат санъат ва маданият институтининг Нукус филиалида 4-курсда ўқимоқда, Бахберген Тош-

кент ахборот технологиялари университетининг Нукус филиалида 3-курсада таҳсил олмоқда.

Кичик ўғлим Бахберген Нуримбетов «Юрт келажаги – 2014», «Ёш тадбиркор – юртга мадаккор» танловлари ғолиби бўлди. 2015 йилда «Камолот» ёшлар ижтимоий ҳаракатининг стипендиясига лойиқ деб топилди.

Ўғилларимнинг бу ютуқ ва муваффақиятларидан жуда-жуда хурсанд бўламан. Ёш авлодимизнинг ҳеч кимдан кам бўлмасдан вояга етиши учун барча шароит ва имкониятларни яратиб бераётганингиз учун Сизга ташаккурларимни билдираман.

Бахтимизга ҳамиша соғ-саломат бўлгайсиз!
Сизга минг бора раҳмат!

**Алтингул Утениязова,
шоира,
Қорақалпоғистон Республикаси,
Нукус шаҳри, Саманбай маҳалласи,
Тошкент кўчаси, 39-уй**

2015 йил 22 январь

Ассалому алайкум, мухтарам Ислом Абдуғаниевич!

Мен бир умр қишлоқда яшадим. Қишлоқ хўжалиги соҳасида эллик йилдан ортиқ ишладим. Бугун 80 ёшни қоралаб турибман. Мен фаолиятимни бошлаган собиқ шўро давридаги иш ва турмуш шароитларимизни бугунги дориламон ҳаётимизга қиёслаб, Яратганга мингдан-минг шукроналар айтаман.

Ўша пайтлар қилган меҳнатимиз учун раҳмат эшитиш у ёқда турсин, ҳатто ўз уйимизда, ётган ўрнимизда ҳам кўнглимизни ҳадик, кўрқув тарк этмасди. Арзимаган баҳоналар билан одамларни қатағон қилиш ёки ҳеч қандай қонуний асоссиз жиноятчи сифатида жазолаш одатий ҳол эди. Мен ҳам «пахта иши» сабаб асоссиз маломатга қолганман. Бир умр ишлаб, янги ҳовли қуриш, енгил машина олиш тугул, ҳатто оддий мебель ҳам сотиб ололмаганман.

Ўшанда Москванинг «буюртма»си билан қанчадан-қанча бегуноҳ инсонлар жабру ситам кўрди. Айбсиз айбдорларнинг кўпи бу иснодни кўтаролмасдан

Тошкент давлати Технологиялари Университети
375208
17
Axborot Resurs Markazi

Шундай қалтис вазиятда халқимизни, шахсан мени ҳам бундай тухматдан Сиз, Ислом Абдуғаниевич, факат Сиз мардларча ҳимоя қилдингиз. Бунинг учун Сиздан бир умр миннатдорман, бошим ерга теккунча таъзим қиламан.

Сиз аввал-бошдан эл дастурхонини тўкин қилиш, халқимизнинг фаровонлигини таъминлашни ўз олдингизга асосий вазифа қилиб қўйганингизни матбуот ва телевидение орқали чиқишларингизда кўп кузатганман. Бугунги кунда бозорга борган киши бир-биридан сара маҳсулотларни кўриб, қай бирини олишни билмай қолади.

Тўғриси, бугунги фермерларга роса хавасим келади. 6 миллион тонна пахта режасини 3 миллион 350 минг тоннагача камайтириб, ўрнига полиз ва боғдорчилик маҳсулотлари етиштиришни вазифа қилиб қўйганингиз ва яқинда Вазирлар Маҳкамасидаги йиғилишда пахтани яна 350 минг тоннагача камайтириш керак, деб берган топширигингиз фермерлар учун яна бир имконият бўлди.

Ўзбекистон ғалла мустақиллигига эришиши керак, деган қатъий талаб асосида истиқлолнинг дастлабки йилларида деҳқон ва олимларни йиғиб, юртимиз иқлимига мос ғалла навларини яратиш борасидаги саъй-ҳаракатларингиз бугун ижобат бўлди. Ўтган асрнинг саксонинчи-тўқсонинчи йилларида ғалладан кўпи билан 20–30 центнер

хосил олган бўлсак, бугунги фермерлар 80–90 центнердан хирмон кўтармоқда.

Сиз яратиб берган имконият туфайли муборак хаж зиёратига бориб келдим. Нуруний кайвони сифатида тўй-маъракаларда катнашганимда бир ҳолатга кўп бора гувоҳ бўламан. Гапнинг рости, ёшу қари, барча-барча бугунги тинч, фаровон ҳаётимизни таъминлаб берганингиз учун Сизни доим дуо қилади.

Қадрли Ислом Абдуғаниевич! Бахтимизга доимо соғ-омон бўлинг. Барча оила аъзоларим, ҳамқишлоқларим номидан Сизга мустаҳкам соғлик, узок умр тилайман.

**Барот Нодиров,
меҳнат фахрийси,
Самарқанд вилояти,
Жомбой тумани**

2015 йил 18 ноябрь

Ассалому алайкум, мухтарам Президентимиз Ислом Абдуғаниевич!

Юртимизда амалга оширилаётган улкан ишлар орасида мен каби ёрдамга мухтож инсонларга бахт улашишга қаратилган ижтимоий ислохотлар, уларнинг ҳаётдаги рўёби учун Сизга ҳадсиз-ҳисобсиз миннатдорлик билдираман. Ногирон фарзандимни соғлом болалар сафига олиб кирган Республика педиатрия илмий-амалий тиббиёт маркази ходимларига ташаккурлар айтаман.

2010 йилда туғилган қизим Сарсенбаева Асима Серик қизига туғма аномалия деб диагноз қўйилганидан кейин уни бир умрга ногирон болалар сафида, келажаги кемтик ҳолда тасаввур этиб, олам кўзимга қоронғи бўлиб қолган эди. Турмуш ўртоғим билан орамизга совуқчилик тушди, оиламиз аста-секин пароканда бўла бошлади. Бироқ яқинларимизнинг маслаҳати билан уни Тошкентдаги Республика педиатрия илмий-амалий тиббиёт марказида тўлиқ текширувдан ўтказдик. Унинг дардига даво мавжудлиги қалбимизга ёруғлик олиб кирди. Аммо жарроҳлик операцияси катта тўловни талаб этарди.

Оллоҳнинг марҳамати кенг, бир эшик ёпилса, иккинчиси очилар экан. Республика педиатрия илмий-амалий тиббиёт маркази маъмурияти давлат ҳомийлиги асосида қизимни имтиёзли операция қилиш мумкинлиги тўғрисида хабар берди. Яратган эгамнинг қарами ва тиббиёт ходимларининг жонкуярлиги натижасида қизим оламдаги энг гўзал ва латиф товушларни эшитиш бахтига муяссар бўлди. Мендаги бу бахтни, миннатдорлик туйғусини таърифлашга қалам, сўзлашга тил ожиз.

Бу – юртимизда «Соғлом она ва бола йили»да амалга ошириладиган улкан ишларнинг дебочаси, деб ўйлайман. Ўзбекистон шифохоналарида юксак технологиялар асосида малакали тиббий операциялар ўтказилаётгани соғлиқни сақлаш соҳасида катта ўзгаришлар юз бераётганидан далолатдир.

Ҳар бир ёрдамга муҳтож оила фарзандининг дардини эътиборсиз қолдирмасдан, беқиёс ғамхўрлик кўрсатаётган Юртбошимиз олдида таъзимдаман.

**Серик Байбосинов,
Қорақалпоғистон Республикаси,
Нукус шаҳри**

2016 йил 10 февраль

Ассалому алайкум, ҳурматли Ислом Абдуғаниевич!

Сизнинг саъй-ҳаракатингиз, фидойилигингиз билан бугун Ўзбекистон тараққий этган давлатлар қаторидан ўрин олмоқда. Юртимизни обод қилиш, айникса, шаҳарсозлик бўйича олиб бораётган ишларингизни биз – нурунийлар доимо юксак қадрлаймиз. Жумладан, бош режа асосида Қарши ва Шаҳрисабз шаҳарларида барпо этилаётган замонавий иншоотлар, кенг ва равшон кўчалар, турар-жой бинолари, маданий ва маиший бинолар, коллежлар, мусиқа мактаблари, спорт масканлари, стадионлар кўрган кўзни қувонтиради.

Қадрли Ислом Абдуғаниевич,

Ҳисор тоғи этагида жойлашган Чоршанба қишлоғимиздан Азизбек Саматов, Ёркиной Жуманова каби Ўзбекистон чемпионлари етишиб чиқди. Бу, аввало, Сизнинг ёш авлодга кўрсатаётган эътибор ва ғамхўрлигингиз самарасидир.

Шунингдек, мўъжазгина Чоршанбада Ўзбекистон ҳарбий ҳаво кучларида хизмат қилаётган полковник Ғолиб Қурбонов, майор Турғун Қурбонов каби само лочинлари туғилиб вояга етгани билан биз доимо фахрланамиз. Ахир, бир вақтлар Қашқадарёнинг чекка бир қишлоғидан чемпион

ёки ҳарбий учувчи чиқади, деса ким ишонарди? Албатта, бу – мустақиллигимиз шарофатидан, деб биламиз. Илгариги замонда оддий маҳалла гузарига ҳам эга бўлмаган қишлоғимизда бугун тўртта замонавий тўйхона бор. Бу масканларда ҳар куни тўй.

Конституциямизнинг 22 йиллигига бағишланган маросимда 2015 йилни юртимизда «Кексаларни эъзозлаш йили» дея эълон қилганингиз биз – нурунийларни жуда хурсанд қилди.

Қадрли Ислом ака, Сиз Термиз шаҳрига Амир Темур орденини топшириш маросимида сўзлаган нутқингизда айтган мана бу сўзлар бизнинг қалбимизни тўлқинлантириб юборди: «Мен Қашқадарёга борар эканман, ўзимни худди ўз уйимга боргандек ҳис қиламан».

Сизнинг қатъият билан олиб бораётган сиёсатингиз туфайли, минг шукурки, замонимиз тинч, юртимиз фаровон, қариялар ҳурмат-иззатда. Сиз бизга тинчлик, оилавий бахт тақдим этганингизни қадрламасдан бўладими? Сиз бизни доимо қўллаб-қувватлаб келдингиз, биз доимо Сиз билан биргамиз.

Дунё тургунча турунг, бошингиз омон бўлсин!

**Абдурахим Абдусаматов,
Ўзбекистон халқ таълими аълочиси,
Қашқадарё вилояти, Шаҳрисабз тумани,
Чоршанба маҳалла фуқаролар йиғини
Нурунийлар жамоатчилиқ маркази раиси**

2015 йил 15 январь

Мухтарам Ислом Абдуғаниевич!

Ушбу хатни Сизга йўллашдан мақсадим – бир она сифатида ўз ҳаётимдан, фарзандларим камолидан розилигим, хурсандлигимни Сиз билан бўлишишдир.

Мен – Инжигул Сабурова Қорақалпоғистонда туғилиб ўсдим, оила қуриб, турмуш ўртоғим билан тўрт ўғил ва икки қизни тарбиялаб келмоқдамиз.

Сизнинг 2015 йил 5 декабрда Конституциямиз қабул қилинганининг 23 йиллигига бағишланган тантанали йиғилишда она ва бола саломатлиги ҳақида алоҳида тўхталиб, «Она ва бола соғлом бўлса, оила бахтли, оила бахтли бўлса, жамият мустаҳкам бўлади», деб айтган сўзларингиз қалбимга муҳрланиб қолди. Мен бу фикрларнинг тасдиғини оилам, фарзандларим, она юртим – Ўзбекистоним мисолида кўриб яшаётган бахтиёр онаман.

Ватанимизнинг барча жойларида бўлгани каби, Қорақалпоғистонда ҳам ёшларимиз учун билим олиш, касб-ҳунар ўрганиш, спорт, санъат билан шуғулланиш, хоҳлаган соҳасида ўз иқтидорини намоён қилиш учун барча шароитлар

яратилган. Бизнинг болаларимиз ҳам бу имкони-
ятлардан фойдаланиб, камолга етмоқда. Масалан,
учта ўғлим санъат соҳасида ўз ўрнини топиб, эл-
юртимизга хизмат қилиб, бизни қувонтирмоқда.

Иккинчи ўғлим Женисбек Пиязов 2007 йили
«Ниҳол» мукофоти совриндори бўлди. 2010
йили эса, ёш бўлишига қарамасдан, «Шухрат»
медали билан тақдирланди. 2014 йили 26 ёшида
«Ўзбекистон Республикасида хизмат кўрсатган
артист» деган фахрий унвонни олганини эши-
тиб, кўзимга беихтиёр қувонч ёшлари келди ва
қалбим чексиз ғурурга тўлди.

Женисбек ўғлим уй-жойдан қийналмасдан,
асосий вақти, куч-ғайрати ва истеъдодини санъ-
атга, юртимиз хизматига бағишласин, деб, Сиз-
нинг топшириғингиз билан Тошкент шаҳрининг
қоқ марказидан замонавий, барча қулайликларга
эга бўлган янги квартира берилганини эшитиб,
биз бутун оиламиз билан бирга Сиздан беҳад
миннатдор бўлдик. Инсонга, санъат аҳлига бун-
дай катта эътиборни илгари, совет даврида ту-
шимизда ҳам кўрмас эдик.

Яна бир ўғлим – Жанибек миллий жиров йў-
налишида ижод қилиб, нуфузли халқаро танлов-
лар ғолиби бўлиб келмоқда. У 2010 йили «Ниҳол»
мукофотига сазовор бўлди. 2015 йилда Франция-
нинг Париж шаҳрида ЮНЕСКОнинг 70 йилли-
гига бағишлаб ўтказилган танловда «Энг яхши
анъанавий ижрочи» йўналиши бўйича «Олтин

кўбиз» совринини кўлга киритди. Бугунги кунда у Нукус шаҳридаги 1-болалар мусиқа ва санъат мактабида ёшларга таълим бермоқда.

Нукус маданият ва санъат коллежида таълим олаётган кенжа ўғлим Ақилбек ҳам акаларининг йўлидан бормоқда. У жахон мумтоз опера санъати йўналишида ижод қилиб, 2014 ва 2015 йилларда Тошкент шаҳрида, Москва шаҳрида ўтказилган танловларда юқори ўринларни эгаллади. 2015 йилнинг октябрь ойида Қозоғистон Республикасининг Чимкент шаҳрида ёш опера ижрочилари танловида ўз номинацияси бўйича голиб бўлди.

Сиз доим ёшларимизга қарата «Сизларнинг ютуғингиз – бу бутун Ўзбекистонимизнинг ютуғи, маррани ҳамisha баланд олинг, эртанги кун – сизники, марра – сизники!» деб уларни буюк ишларга даъват этасиз. Мен бу гапларингизни ҳамма вақт болаларимга эслатиб тураман. «Сизлар ҳали катта йўлнинг бошида турибсизлар. Эл-юртимизнинг, Президентимизнинг ишончини оқлаш учун доимо изланиб, меҳнат қилишингиз, ҳали жуда катта марраларни эгаллашингиз керак», деб айтаман.

Шу йил 11 февраль куни Болалар спортини ривожлантириш жамғармаси Ҳомийлик кенгаши йиғилишидаги нутқингизда қишлоқ жойларда мусиқа ва санъат мактабларини қуриш бўйича берган топшириқларингиз менинг қалбимдаги,

барча қишлоқ аёлларининг кўнглидаги гап бўлди. Ўзим Қорақалпоғистоннинг Кегейли туманидаги чекка бир қишлоқда туғилиб ўсганман ва болалар учун, оналар учун бундай олис жойларда спорт ва санъат масканлари билан бирга янги мактаблар, лицей ва коллежлар, қишлоқ врачлик пунктлари, намунавий уй-жойлар барпо этилаётгани – буларнинг барчаси қанча-қанча ҳаётий масалаларни ҳал қилишга ёрдам беради. Энг муҳими, бундай қулай ва замонавий шароитларда катта бўлаётган болалар жуда интилувчан, қизиқувчан, кенг фикрлайдиган бўлади. Шунинг учун ҳам келгусида олис қишлоқларимиздан жуда кўплаб истеъдодли болалар етишиб чиқади, деб ўйлайман.

Бизнинг фарзандларимизга, оиламизга Сизнинг алоҳида меҳр кўрсатиб келаётганингизни доимо сезиб, ҳис қиламиз. Бунга яқинда, 2016 йил 16 февралда яна бир бор ишонч ҳосил қилдик. Ўша куни Қорақалпоғистон Республикаси Жўқорғи Кенгесидея Пиязовлар оиласи вакиллари Ўзбекистон Республикаси Президенти номидан қабул қилинди. Унда Жўқорғи Кенгес Раиси Муса Ерниязов Президентимизнинг ёшларга, айниқса, интилувчан истеъдод эгаларига эътибори ҳақида гапириб, Болалар спортини ривожлантириш жамғармаси Ҳомийлик кенгашининг юқорида зикр этилган мажлисида Президентимиз қорақалпоғистонлик йигит-қизларнинг санъ-

ат соҳасида эришаётган ютуқларига алоҳида тўхталиб, Пиязовлар оиласига ўзининг самимий саломи ва ҳурмат-эҳтиромини етказиб қўйишни сўраганини маълум қилди ва бизларга Сизнинг совғаларингизни топширди.

Оиламизга, фарзандларимизга кўрсатаётган бундай катта меҳрингиз, эътиборингизни биз ҳеч қачон унутмаймиз. Ака-ука Пиязовлар – ўғилларимнинг, умуман, оиламизнинг мана шундай ҳурмат-эътибор топишида Сизнинг Ватанимиздаги ялт этган ҳар бир истеъдод учқунини қадрлаб, уларга кўрсатаётган меҳрибонлигингиз асос бўлмоқда. Агар мустақиллигимиз бўлмаса, Сиздек бағрикенг, халқпарвар Президентимиз бўлмаса, бизни ким биларди, ким танирди, ким бошига кўтариб, шунчалар ардоқлар эди.

Доимо соғ-саломат бўлинг. Халқимизга, юртимизга бош бўлиб, Ўзбекистонимизни ўзингиз белгилаб берган марраларга олиб чиқишда Яратганнинг ўзи Сизга мададкор бўлсин.

Чуқур ҳурмат ва таъзим билан Пиязовлар оиласи номидан:

**Инжигул Сабурова,
Нукус шаҳри,
Ешимбетов кўчаси, 46-уй**

2016 йил 16 февраль

Ассалому алайкум, мухтарам Ислом Абдуғаниевич!

Бу мактубни Сизга қирқ йилдан ортиқ вақт мобайнида қишлоқ болаларига таълим ва тарбия берган, айти чоғда пенсияга чиқиб, қариллик гаштини суриб келаётган фахрий ўқитувчи ёзмокда. Кўп истиҳола қилдим. Биламан, Сизнинг ишларингиз жуда кўп, давлат юмушлари, элу юрт ташвишларидан бир зум бўшашга вақт тополмайсиз. Шуларни ўйлаб, ўз истакларим ва кечинмаларимни мактуб орқали изҳор этишни лозим деб топдим.

Ёшим саксонга яқинлашиб қолди. Дунёнинг аччиқ-чучугини кўп татиб кўришга тўғри келди. Лекин, очиғини айтсам, сўнгги йигирма йил мен учун ҳақиқий саодат даври бўлди. Чунки, мустақиллигимиз туфайли халқимизга кенг имкониятлар очилди, давлатимиз томонидан қанча-қанча хайрли ишлар қилинмокда. Сизнинг раҳбарлигингизда жамиятимиз тинчлик ва фаровонлик, дунёда ҳеч кимдан кам бўлмаслик, маърифатли, маънавиятли бўлиш йўлини танлади. Ўзбек халқи ўзининг ҳақиқий қудрати,

салоҳиятини бунёдкорлиги, аҳиллиги, илм ва маърифати билан намоиш эта бошлади.

Сизнинг сиёсатингиз муваққат обрў учун эмас, балки асрлар мобайнида эзилган ўзбек миллатини ҳеч кимга қарам бўлмайдиган, доимо кадрини баланд кўтариб яшайдиган, иймон-эътиқоди ҳам, вужуди ҳам соғлом, маънавияти юксак, келажаги порлоқ бир халқ сифатида шакллантиришга қаратилгани бугун ҳеч кимга сир эмас. Шунинг учун мен ҳам мамлакатимиз ривожига ўзимнинг камтарона ҳиссамни қўшиш ниятида 2007 йили қишлоғимизда ёшлар учун маънавият ва маърифат маркази қуриш учун ер ажратиб беришини сўраб, Қасби тумани ҳокимлигига мурожаат қилдим. Туман ҳокимлиги 30 сотих жой ажратиб берди. Боғдорчиликдан оладиган даромадимни кутубхона қурилишига сарфладим. У 2009 йилнинг 1 октябрида ишга туширилди. Кутубхонамиз фонди йиллар давомида ўзим тўплаган, турли мавзудаги 20 мингга яқин китоблар ва 2 мингдан ортиқ газета-журналлардан иборат. Кутубхонанинг 120 квадрат метрдан иборат ўқув заллари замонавий мебеллар, 3 комплект компьютер билан жиҳозланди, хоналарга ёзда салқин, қишда иссиқ қилиб турадиган кондиционерлар ҳам ўрнатилди. Ана шу кичиккина кутубхонамиз қишлоғимиз ёшларининг севимли масканларидан бирига айланди, десам, ҳеч қандай муболаға бўлмайди.

Агар Сиз ёшларга эътибор ва ғамхўрликни, маънавият ва маърифат масаласини давлат сиёсати даражасига кўтармасангиз, бир оддий ўқитувчи бундай ишларни қила олармиди?

Қадрли Ислом ака, бир ниятим бор: кутубхонамизда нодир китоблар фондиди яратмоқчиман. Унда мустақиллик даврида яратилган, илм-фан, адабиёт ва санъат, умуман олганда, миллатимиз маънавиятини юксалтиришга хизмат қилаётган асарларнинг энг сара намуналарини муаллифларнинг дастхатини туширган ҳолда тўпламоқчиман.

Илоҳим, Сиз танлаган йўл, биз ишонган йўл, Ўзбекистонимизнинг тараққиёт йўли ойдин ва чароғон бўлеин!

**Холбой Хонқулов,
Қашқадарё вилояти,
Касби тумани,
Қатағон қишлоғи**

2015 йил 29 апрель

Орзу қилган бахтга эришдим

Ассалому алайкум, муҳтарам Ислом Абдуғаниевич!

Ўзимни таништираман, мен Андижон вилояти, Шаҳрихон шаҳри, Муллавоё маҳалла фуқаролар йиғинига қарашли «Нурли келажак» маҳалласида яшайман. 1956 йили туғилганман. Сизнинг лойиҳангиз асосида қурилган намунавий уйларнинг биттаси менга ҳам насиб этиб, янги ҳовлига кўчиб кирганимиздаги қувончимни айтишга тилим ожиз, умр бўйи орзу қилиб яшаган улкан бахтга эришдим. Бунинг учун Сизга самимий ташаккуримни билдираман.

Тикувчилик ҳунарим бор, яна баҳоли қудрат қалам тебратиб тураман. Қайси йиғинга кирсам, мендан «Ёзганларингиздан ўқиб беринг», деб сўрашади. Жон деб уларга шеърлар ўқиб бераман. Юртимиздаги тинчлик ва осойишталик, дўстлик ва ўзаро меҳр-оқибат муҳитининг бош ташкилотчиси ва ҳимоячиси Президентимиз, дейман фахр билан.

Бизнинг бахтимизга, фарзандларимиз бахтига
доимо омон бўлинг!

Салом ва ҳурмат билан:

**Эргашхон Азимова,
Андижон вилояти,
Шаҳрихон шаҳри,
«Нурли келажак» кўчаси, 36-уй**

2015 йил 16 сентябрь

Хурматли Ислом Абдуғаниевич!

Мен Сизга ушбу мактубни йўллаётганимдан беҳад хурсандман. Шу кунларга етказгани учун Оллоҳга минг бор шукурлар қиламан.

Менинг уч нафар ўғлим бор. Иккинчи фарзандим – Аҳрорбек Акрамов тақдир тақозоси билан ногирон бўлиб туғилди. Бундай пайтда ҳаммадан ҳам кўра она қанчалик азоб чекиши, ўзини айбдордек ҳис этиб, қайғуга ботиши ҳеч кимга сир эмас, деб ўйлайман. Шифокорлар пастки жағида нуқсонни бор, деб диагноз қўйгач, ўғлимни кўрсатмаган шифокор, шифохона қолмади. Амалий натижа бўлмагач, тушкунликка тушиб, тақдирга тан бериб яшашдан бўлак чорам қолмаган эди.

Сизнинг юртимизда олиб бораётган ислохотларингиз натижалари, уларда инсон манфаатлари ҳамма нарсадан устун қўйилгани, болалар саломатлигига кўрсатилаётган катта эътибор туфайли мен учун дунё қоп-қоронғу бўлган шундай кунлар ёруғ дамларга айланди. 2013 йил фарзандим «Соғлом авлод учун» хайрия жамғармаси ёрдами билан Германияда бир йил давомида бепул даволаниб келди. Ҳозир унинг соғлиғи яхши.

Бундай ғамхўрлик мени, фарзандимни ва оила аъзоларимни қанчалик хурсанд этганини таърифлашга ожизман. Бундай эзгу ишларга бош-қош бўлиб турган Сиздек Юртбошимиз борлигидан беҳад миннатдоримиз.

Мана, бошимга тушган оғир синовлардан ўтдим, кўрган-кечирган ёмон кунларим ортда қолди.

Мен ўрта махсус маълумотга эгаман. Турмуш ўртоғим – олий маълумотли, қурилиш соҳасида меҳнат қилмоқда.

Мен Сиздек меҳрибон Юртбошимдан кўрган барча яхшиликларга жавобан келажак авлодга таълим-тарбия бериш, уларнинг мустақил Ўзбекистонимиз келажаги йўлида сидқидилдан меҳнат қиладиган, она Ватанимиз шаъну шавкати дунёга ёйишга қодир фарзандлар бўлиб улғайиши учун бор куч-ғайратимни аямайман.

Оллоҳдан сизга соғлик-омонлик, узок умр тилайман.

Ўхурмат билан:

**Мастура Тўраева,
Андижон вилояти, Марҳамат
тумани, Қорақўрғон қишлоқ
фуқаролар йиғини,
Қовунчи маҳалласи**

2015 йил 19 июль

Ассалому алайкум, азиз Президентимиз Ислом Каримов!

Мен – андижонлик фермер, оддий қишлоқ аёлиман.

Бир пайтлар ўзбек аёли учун бугунгидек шарт-шароит ва имкониятлар яратилиши етти ухлаб тушимизга кирмаган. Оддий бир мисол. Юртимизда биз – фермерларга яратиб берилган кенг имтиёзлар боис мен ҳам шу соҳанинг илғор вакилларидан бирига айландим. Сизнинг раҳнамолигингизда мамлакатимизда фақат қишлоқ хўжалиги эмас, барча соҳаларда ҳам эркин ишлаб, ҳалол даромад топиш ва фаровон ҳаёт кечириш имконияти яратилди.

Собиқ мустабид тузум даврида бир умр далада меҳнат қилиб, косаси оқармаган халқимиз Сиз олиб бораётган оқилона сиёсат туфайли ерга эгалик қилиш ва ундан фойдаланиш, мўл ҳосил олиб, ҳам давлат ғазнасини тўлдириш, ҳам ўзининг моддий манфаатдорлигини мустаҳкамлаш йўллари йўрганганидан ғурурга тўламан.

Дунё аҳли жадал ривожланиб бораётган, ўзига хос тараққиёт йўлига эга Ўзбекистонга ҳавас билан боқмоқда. Одамларимизнинг яшаш ша-

ройти юксалаётганини қишлоқлардаги бунёд-корлик ишлари, Сизнинг лойиҳаларингиз асосида қад ростлаётган замонавий уй-жойлар ҳам исботлаб турибди. Халқимиз бу уйларни меҳр билан «Президент уйлари» деб атаётгани ҳам бежиз эмас.

Она сифатида таъкидлашни истардимки, болаларим бағримда, улар соғ-омон, бахтиёр ва зеҳдли бўлиб камолга етишмоқда. Ахир, бундан фахрланмасдан бўладими!

Шундай экан, 29 мартда бўлиб ўтадиган Президент сайловида Сизга овоз бераман. Сизга Оллоҳимдан соғлик-саломатлик, узоқ умр сўрайман! Биз оналар бахтига дунё тургунча туринг!

**Донохон Туманова,
Андижон вилояти, Булоқбоши
тумани, «Донохон Холиқова»
фермер хўжалиги раҳбари**

2015 йил 5 март

Ассалому алайкум, Ўзбекистон Республикаси Президенти мухтарам Ислом Абдуғаниевич!

Мен – Ҳилола Даминова бундан 21 йил аввал, яъни 1994 йилда Сизга ўғлим, ёлғиз ёдгорим – Асилжон туғилганида мактуб йўллаб, Сиз каби элим деб, юртим деб ёниб яшайдиган ажойиб инсон бўлсин, деб ёзган эдим.

Оллоҳга шукур, ўғлим Асилжон Аъзамов Тошкент давлат юридик университети қошидаги академик лицейда таҳсил олиб, муддатли ҳарбий хизматни ўтаб, ўз йигитлик бурчини адо этди. Намунали аскар сифатида олий ўқув юртига имтиёзли асосда кириш ҳуқуқини берадиган тавсияномага эга бўлди. Сиз яратиб берган ана шу имконият туфайли яқинда Тошкент олий ҳарбий техника ўқув юрти курсанти бўлди. Бундан қувончим чексиз, мен – бахтли онаман.

Мухтарам Ислом Абдуғаниевич, Сизга катта раҳмат! Сизнинг ҳар ишда, ҳар доим эл-юртимиз манфаатини ҳамма нарсадан устун билиб амалга ошираётган тадбирларингиз бугунги кунда ҳар қадамда ўз самарасини яққол намоён этмоқда.

Раҳматли турмуш ўртоғим – Илҳом Усмонов «Худо хоҳласа, фарзандимиз ўғил бўлади, Пре-

зиденти ва Ватанига содиқ, юртини ҳимоя қиладиган ҳарбий бўлади», деб кўп айтарди.

Мана бугун, отасининг нияти амалга ошмоқда. Ўғлим отасининг орзу-истагини руёбга чиқариш учун астойдил ҳаракат қилмоқда. Бунда Сизнинг ҳам ҳиссангиз катта. Чунки Сиз ёшларга катта имкониятлар, шароитлар яратиб беряпсиз.

Муҳтарам Ислом Абдуғаниевич, мен Сизни яқинлашиб келаётган Мустақиллигимизнинг 24 йиллиги билан чин юракдан табриклайман.

Сизга узоқ умр, сиҳат-саломатлик, буюк ва масъулиятли ишларингизда улкан зафарлар тилайман. Оллоҳдан Сизга куч-қувват сўрайман, Ўзи паноҳида асрасин!

Доим бахт ва омад ҳамроҳ бўлсин!

Ҳурмат ва эҳтиром билан:

**Ҳилола Даминова,
Тошкент шаҳри, Чилонзор тумани,
8-мавзе, 38-уй, 61-хонадон**

2015 йил 2 август

Ташаккурнома

Ассалому алайкум!

Авваламбор, биз – фуқаролар бахтига, халқимиз бахтига ҳамиша соғ-омон бўлинг!

Сизнинг олиб бораётган оқилона сиёсатингиз, саъй-ҳаракатларингиз, кеча-кундуз халқ фаровонлиги йўлидаги хизматингиздан чексиз миннатдормиз. Менинг оила аъзоларимнинг барчаси Сизни жуда яхши кўради ва ҳурмат қилади.

Юртимиз кундан-кунга чирой очиб, обод бўлмоқда, барча-барчамиз ўзимизни кундан-кунга бахтли сезмоқдамиз.

Сизнинг номингизга ўғлим Рустамхўжа Аҳмедовни ишга киришида ёрдам кўрсатишни сўраб, мактуб ёзган эдим. Сизнинг кўмагингиз билан ўғлим ўзи ёқтирган ишга жойлашди.

Мен шахсан ўзим, онамиз Бодомой Эгамназарова ва оилам, ўғлим Рустамхўжа Аҳмедов номидан Сизга катта ташаккур айтаман. Мен – бахтли отаман. Чунки сиздек Юртбошим, Ватаним, Сизга хизмат қиладиган фарзандларим бор.

Отам – Аҳмедов Мелихўжа Иккинчи жаҳон уруши қатнашчиси бўлган, урушда бир оёғидан ажралган. Ота-онам, авлод-аждодимиз Ватан равнақиға хизмат қилиб келган. Бундан кейин ҳам

шундай бўлиб қолади. Ўзим 30 йил турли соҳаларда меҳнат қилдим. Салкам 10 йил Данғара туманидаги Тангрикул маҳалла фуқаролар йиғини раиси бўлиб ишлаганман.

Юртимиз ободлигига, унинг равнақига ҳисса қўшишга доимо тайёرمиз, ҳаракатдамиз. Аёлим ёш авлод тарбиясига ҳисса қўшиб, мактаб-интернатда тарбиячи бўлиб ишламоқда.

Ўғлим – Рустамхўжа Аҳмедовнинг ёшлигидаги ота-онамга, юртимиз осойишталигига, унинг равнақига, Президентимга хизмат қиламан, ички ишлар органларида ишлаб, ўқиб Сизларга Юртбошимдан раҳмат олиб бераман, деган орзулари бугун, мана, амалга ошиб турибди. Ўғлимиз ўқишни аъло баҳолар билан тугатиб, 2013 йилдан буён Фарғона вилояти ички ишлар бошқармасида хизмат қилиб келмоқда.

Бундай бахтли кунларни кўрсатган Оллоҳга шукурлар бўлсин, Сиз, азиз Юртбошимизга катта раҳматлар айтамиз. Яхши кунларда, болаларимизнинг тўйларида бош бўлинг, тўйларимизга келинг!

Сиздан бир умр миннатдор бўлиб, узоқ умр тилаб қолувчи:

**Муҳаммадхўжа Аҳмедов,
Фарғона вилояти, Данғара тумани,
Тангрикул маҳалла фуқаролар йиғини,
Тангрикул кўчаси, 103-уй**

2013 йил 13 август

Ҳурматли Ислом Абдуғаниевич, мен Сизга астойдил миннатдорлик билдириб, юртимиз мустақиллигининг 22 йиллик байрами билан чин кўнгилдан қутлайман.

Шу йил 18 мартда икки яшар неварамга нафақа тайинлаш юзасидан йўл-йўриқ сўраб, муурожаат қилган эдим. Мендек бир бева аёлнинг аризасига кулоқ тутиб, қимматли вақтингизни аямасдан, Қува тумани ҳокимлигига аризамни кўриб чиқиб, амалий ёрдам берилсин, деган мазмундаги кўрсатмангиз учун Сизга катта раҳмат! Сизнинг ана шу топшириғингиздан кейин менга «Иттифок» қишлоқ фуқаролар йиғини томонидан моддий ёрдам бериладиган бўлди.

Яна бир кўнглим яраси – бўйи етиб қолган, 1991 йилда туғилган Умида қизим бир неча йилдан буён аденома-гипофиза касали билан оғриб келади. Унинг дардига шифо излаб, бормаган жойимиз қолмади. Фарғона вилояти эндокринология шифохонаси раҳбарлари, шароитимизни тушунган ҳолда, ордер билан Тошкент шаҳридаги Республика эндокринология марказига операцияга жўнатди. У ерда шифокорлар операцияни муваффақиятли ўтказишди.

Қишлоқда икки-уч ой туриб, ҳаво алмаштириб, соғлиғи тиклангач, қайта текширув учун яна Тошкентга келдик. Шифокорлар қизимнинг яна бироз шу ерда даволаниши кераклигини айтишди. Имкониятим йўқлиги учун яна вилоятимиз тиббиёт бошқармасига мурожаат қилдим. Шифокорлар шароитим оғирлиги, боқувчимиз йўқлигини билиб, Тошкентдаги шифохонага тағин ордер ёзиб беришди. Шундай қилиб, қизим пойтахтимиздаги шифохонада даволанди.

Бизга ана шундай имкониятлар яратилгани учун мингдан-минг раҳмат, доимо соғ бўлинг.

**Маҳфузахон Рўзибоева,
Фарғона вилояти, Қува тумани,
«Бекобод» қишлоғи**

2013 йил 24 август

Ассалому алайкум, азиз Юртбошимиз Ислом Абдуғаниевич!

2015 йилни мамлакатимизда «Кексаларни эъзозлаш йили» деб эълон қилганингиз учун мингдан-минг раҳмат. Қўқон шаҳримизни обод қилиб, гуллатиб-яшнатиб берганингиз учун раҳмат.

Мен – Шоирахон Рўзиева 1958 йили 14 декабрда туғилганман. Қўқон шаҳри, Чортоқ кўчаси, 13-уйда яшайман. 1-шаҳар шифохонасида ҳамшира бўлиб ишлаганман. Уч ўғил, бир қизим бор. Турмуш ўртоғим 2011 йилда вафот этган. Уч фарзандим оилали, тинч-тотув, яхши яшайди.

Сизнинг эътиборингиз туфайли кўплар қатори менга ҳам дам олиш масканига бепул йўлланма совға қилинди. Фарғона вилояти Олтиариқ туманидаги фахрийлар санаториясида юртимизнинг турли худудларидан келган меҳмонлар билан бирга дам оляпман. Барча шифокору ҳамширалар ва ишчилар ширинсўз. Шинам хоналарда шифобахш муолажаларни оляпмиз, тўрт маҳал иссиқ овқат билан таъминлашяпти, бизга хизмат қилиб турган барча ишчиларнинг қўли дард кўрмасин.



Ҳамма-ҳаммаси бепул, биз – дам олувчиларнинг жонимизга ҳузур бўляпти.

Сизга кўпчилик номидан, санаториядаги 400 дан ортиқ отахону онахонлар номидан раҳматлар айтамиз. Ҳамма миннатдор. Меҳрибон шифокор ва ҳамшираларга ҳам узоқ умр, улуғ ризқ тилаймиз, қариликка етиб ардоқланиб юришларини Оллоҳдан илтижо қиламиз.

Дам олувчи фахрийлар номидан чуқур ҳурмат ва эҳтиром билан:

**Шоира Рўзиева,
Фарғона вилояти, Қўқон шаҳри,
Чортоқ кўчаси, 13-уй**

2015 йил 3 март

Муҳтарам Ислом Абдуғаниевич!

Мен Фарғона вилоятининг Яйпан шаҳри, Пастқўриқ қишлоғида 1925 йил 20 сентябрда деҳқон оиласида туғилганман. 18 ёшимда урушга кирганман. Биз кўрмаган азоб-уқубатлар қолмаган ҳисоб. Қишнинг совуқ кунларида зах окопларда ётиб, нимаики қийинчилик бўлса ҳам чидаб, оптимизда қолган ота-онамизни, Ўзбекистонимизни ўйлаб, фашистларга қарши курашганмиз. Илоҳим, бундай жаҳаннамни биз кўрдик, фарзандларимиз кўрмасин.

Москва яқинида бўлган жангларда оёғимдан яраланиб, ҳарбий госпиталда ётдим. Шукурки, умрим бор экан, юртимга, ота-онамнинг бағрига ёруғ юз билан қайтиб келдим. Эллик йил асал-аричилик билан шуғулландим. Қўлимдан келганча эл-юртимизга тоза асал етказиб бердим. Мени маҳалладагилар Абдурахмон ота эмас, «Асал ота» деб чақиривади. Ҳозир 90 ёшдаман. Сизнинг бошчилигингизда давлатимиздаги ҳозирги тинч-осойишта замонда кексалик гаштини сурмоқдаман. Ўғил-қизларим, невараларим, кўникўшнилари ардоғидаман.

Мен Сизга чукур эҳтиромимни билдираман. Юртимизнинг гуллаб-яшнаётгани Сиз туфайлидир. Биздек қарияларни йўқлаб, жуда савобли иш қиляпсиз. Шахсан менга ҳар байрамда совғалар, пул мукофотлари топширилмоқда. Бундан бутун оиламиз билан миннатдормиз. Мен сизга Оллоҳдан мустаҳкам соғлик, узоқ умр тилайман. Доимо ҳозиргидек шахдам юринг. Замонимиз тинч бўлсин, уруш бўлмасин!

Бу хатни чеварамга айтиб ёздирдим.

Камоли эҳтиром ила:

**Абдурахмон ота Қўқонбоев,
Фарғона вилояти, Ўзбекистон
тумани, Ғафур Ғулом
кўчаси, Яйпан – 3 а/б**

2015 йил 8 май

Ассалому алайкум, хурматли Ислом Абдуғаниевич!

Мен уч фарзанднинг онаси сифатида шундай бетакрор Ватанда – мустақил Ўзбекистонда болаларим, набираларим ва турмуш ўртоғим билан тинч-тотув ва хотиржамликда яшаётганимиз учун Оллоҳга минг шукур, дейман. Шу улуг юртимизни барқарор тараққиёт йўлидан бошлаб бораётган Сиздек азиз инсонга мамлакатимизга Президентлик қилишдек тақдирни раво кўрган Оллоҳга яна минг карра шукурлар, дейман. Яқинда бўлиб ўтган сайловда Сизнинг тани-жонингиз соғ бўлишини, бошлаган хайрли ишларингизни умрбод ўзингиз давом эттириб, роҳатини ҳам кўриш насиб этишини Яратгандан сўрадик. Минг шукурки, халқимиз бир овоздан яна ўзингизни ўзига бош этиб сайлади.

Биз икки қизимизни турмушга берганмиз. Набираларимиз бор. Ўғлимнинг ёши йигирма еттида, кичиклигидан математика, инглиз тилига қизиқиб яхши ўқиди. Пухта билимининг маҳсули сифатида 2012 йили Тошкентдаги Турин политехника университетининг машина-муҳан-

дислик факультети талабаси бўлди. Ҳозир учинчи босқичда таҳсил олаётган ўғлим Азизбек Ураимжонов Сиз яратиб берган имкониятлардан фойдаланиб, немис ва италян тилларини ҳам ўрганияпти.

Мен ўғлимнинг келажагидан бежавотир бўлганимнинг боиси шундаки, дадаси билан уни кўргани Тошкентга бориб, университетдаги шароитлар билан танишиб, ҳавасимиз келди: турли китобларга бой жуда катта кутубхона, спорт майдонлари, сузиш ҳавзалари, Интернетга уланган компьютерлар... Талаба учун барча имкониятлар муҳайё.

Шунда, қанийди, мен ҳам яна қайтадан ёш бўлиб қолсаму шундай замонавий таълим масканларида ўқисам, дейман. Сизнинг такрор-такрор айтадиган гапингиз қулоғим остида жаранглайди. Ҳа, бизнинг ёшлар ҳеч кимдан кам эмас, жаҳондаги исталган мамлакатдаги тенгдошлари билан билимда, спортда ҳамда одобу ахлоқда беллаша олади!

Ўғлимнинг келажақдаги орзуси – чет мамлакатларда малака ошириб, ўз танлаган соҳасига доир илғор тажрибаларни ўрганиб келиб, халқимизга яхши хизмат қилиб, она Ватанимизнинг янада гуллаб-яшнашига ўзининг муносиб ҳиссасини қўшишдан иборат.

Мен бир она сифатида ўғлимнинг университетни аъло баҳоларга битириб, халқимизга фойдаси тегадиган инсон бўлиб етишиши, Сиз билан кучоқ очиб кўришишини Оллохдан тилаб, сўраб қоламан.

**Фарида Якубова,
Фарғона шаҳри, Махмур
кўчаси, 42-уй**

2015 йил 7 апрель



Раҳматнома

Ассалому алайкум, азиз ва мухтарам Президентимиз Ислом Абдуғаниевич!

Мен бундан уч йил аввал Сизга Фарғона нефтни қайта ишлаш заводига ишга кира олмаётганим ҳақида ёзиб, шу масалада ёрдам сўраган эдим. Мана, бу йил Сизнинг кўмагингиз билан ишга жойлашганимга ҳам 3 йил бўлмоқда. Ҳозир ҳаётим яхши, Сизнинг ёрдамингиз натижасида изга тушиб кетди. Мени кўрмаган бўлсангиз ҳам, менга кўрсатган ёрдамингиз учун Сизга миннатдорлик билдираман, раҳмат.

Ватанимизнинг, халқимизнинг ва ёшларимизнинг бахтига ҳамиша соғ-омон бўлинг, умрингиз зиёда бўлсин, дунё тургунча туринг!

Мен тилайман, дунёда мавжуд
Бахтли кунлар Сизга ёр бўлсин.
Келажакда нурли юзингиз
Яна минг бор баҳорни кўрсин!

Сиз билан доимо фахрланиб, ғурурланиб юрамиз, ҳамиша омон бўлинг!

**Умидахон Маҳмудова,
Фарғона вилояти, Олтиариқ
тумани, Тинчлик шаҳарчаси,
Қори Ниёзий кўчаси, 1-уй**

2014 йил 26 декабрь

Мухтарам Ислом Абдуғаниевич!

Ушбу мактубимизни Фарғона вилоятининг Бувайда туманида яшаётган бир гуруҳ Иккинчи жаҳон уруши қатнашчиларининг чексиз шукроналиги ва миннатдорлиги сифатида қабул этгайсиз. 1941–1945 йилларда фашизмга қарши урушда қозонилган Ғалабанинг 70 йиллиги арафасида бутун юртимизда бўлганидек, Бувайда туманида ҳам бир-биридан мазмунли тадбирлар бўлиб ўтди.

Жорий йилнинг «Кексаларни эъзозлаш йили» деб эълон қилиниши, шу номда давлат дастури қабул қилингани ва биз кексаларга кўрсатилаётган эътибор ва ғамхўрликлар кўнгилларимизни тоғдек кўтарди. Кексалари улуғланган юрт, албатта, обод, унинг келажаги ёруғ бўлади.

Яқинда вилоят ва туман ҳокимлиги вакиллари биз – уруш қатнашчиларининг хонадонларимизда бўлиб, Сизнинг фармонингизга мувофиқ пул мукофотлари, «Иккинчи жаҳон урушидаги Ғалабанинг 70 йиллиги» эсдалик юбилей нишони, вилоят ва туман ҳокимлигининг қимматбаҳо совғаларини топширишди. Оилавий шароитларимиз билан танишиб, мавжуд муаммо ва кам-

чиликларимизни бартараф қилиб беришди. Шунингдек, байрам олдидан ҳаммамизнинг уйларимиз таъмирлаб берилди. Биз доимо давлат ва маҳаллий ҳокимлик ҳамда жамоат ташкилотлари эътиборини ҳис қилиб яшамоқдамиз.

Чексиз шукроналигимизнинг боиси фақат берилган мукофот ва совғаларда эмас. Юртимиздаги тинчлик-осойишталик, осмонимиз мусаффолиги, турмуш фаровонлиги, бозорларимиз тўкинлиги, дастурхонларимиз баракоти ҳар қанча шукроналик учун арзийди. Сизнинг бошчилигингизда юртимизда амалга оширилаётган тинимсиз меҳнат, ижтимоий-иқтисодий ва сиёсий ислохотлар эришилаётган барча ютуқларимизнинг бош омили бўлаётгани ойнадек равшан. Мамлакатимиз пойтахти Тошкент шаҳри, вилоятлар марказлари, Фарғона, Қўқон ва бошқа шаҳар ҳамда қишлоқларда сўнгги йилларда амалга оширилган ободончилик ва бунёдкорлик ишлари барчани лол қолдирмоқда.

Мустақиллигимизнинг дастлабки кунларида-ноқ, аввало, Ўзбекистон, қолаверса, ён-атрофдаги давлатлар ва минтақамизда мустаҳкам тинчлик ва барқарор ҳаёт учун курашиб келмоқдасиз. БМТ сессиялари ва бошқа нуфузли халқаро анжуманлар, МДҲ саммитларида сўзлаган тарихий нутқларингиз, асарларингиз ҳамда бошқа чиқишларингизда илгари сурилган фикрлар, ғоялар бунинг исботидир.



Сизнинг янги муддатга Президентлик лавозимига киришишингиз муносабати билан бўлиб ўтган тантанали йиғилишдаги нутқингизда баён этилган мамлакатимиз ички ва ташқи сиёсатининг устувор йўналишлари ҳам халқимиз дилидан чуқур жой олди. Уруш ва нотинчликка қарши ҳар қандай сиёсатни, айниқса, биз уруш қатнашчилари юксак қадрлаймиз. Уруш азобини биз кўрдик, келажак авлод асло кўрмасин. 1941-1945 йилларда бўлган уруш ўтган аср тарихида қора доғ қолдирган энг мудҳиш воқеадир. Ҳалихануз дунё халқлари уруш асоратларидан азият чекмоқда, десак, хато бўлмайди.

Муҳтарам Ислом Абдуғаниевич, биз Сизни Президентлик лавозимига қайта сайланганингиз билан қизғин табриклаймиз. Юртимиз ободлиги, халқимиз фаровонлиги йўлида олиб бораётган фидокорона ишларингизда Сизга омад, мустаҳкам соғлик, янада катта ғайрат-шижоат тилаймиз.

Бувайдалик уруш ва меҳнат фахрийлари номидан:

**Бойқўзи ота Султонов,
Кенжабой Эгамкулов,
Зиятали Бозоров,
Фозилжон Тўйчибоев,
Фарғона вилояти, Бувайда тумани,
Янгикўрғон қишлоғи**

2015 йил 1 май

Раҳматнома

Бизнинг ўғлимиз – Юнусжон Охунов 2000 йили август ойида Сурхондарё вилоятининг Сариосиё туманига суқилиб кирган бир тўда террорчилар билан бўлган жангда, Ватан олдидаги муқаддас бурчини бажариш чоғида ҳалок бўлган.

Бўйи бўйимизга тенг фарзандимиздан ажралиш, унинг орзу-ҳавасларини кўролмаслик биз учун жуда оғир қисматдир. Аммо фарзандим бизнинг тинчлигимиз, юртимизнинг осойишталиги учун, мустақил Ватанимиз сарҳадларини ҳимоя қила туриб нобуд бўлди. Ўғлимизнинг хизматини муносиб тақдирлаб, «Жасорат» медали билан мукофотлаганингиз учун Сиздан миннатдормиз. Шу нарса юрагимизга таскин беради.

Мана, шу воқеаларга ҳам 15 йил бўлди. Ҳар байрам кунлари туман ҳокимлиги ва мудофаа бўлими мутасаддилари ҳолимиздан хабар олиб, кўнглимизни кўтаришади. Шунда ўғлимиз Юнусжон эл-юртимиз корига яраганидан, фар-

зандимизни муносиб инсон этиб тарбия қилганимиздан мамнун бўламиз. Сиз ҳар бир байрам ва тадбирларда раҳбарларга мурожаат қилиб, ўғлим сингари йигитларнинг оила аъзоларидан хабар олиб, уларни йўқлаб туриш лозимлигини таъкидлайсиз.

Мудофаа вазирлиги томонидан жойларда мардлик ва жасорат кўрсатган йигитларнинг суратлари ўрнатилиб, ҳарбий қисмларда «Хотира» бурчаклари ташкил этилганини эшитиб, кўнглимиз равшан тортди.

Туманимиздаги Шеробод қишлоғининг кўчаларидан бири Юнусжон Охунов номи билан аталадиган бўлди. Ҳозир ҳам турли байрам ва тадбирларда Учкўприк тумани ҳокимлиги ва мудофаа ишлар бўлими мутасаддилари ҳолимиздан хабар олиб, ҳам моддий, ҳам маънавий ёрдам бериб келишмоқда. Бизни сихатгоҳларга бепул йўлланма билан таъминлаб, даволаниб туришимизда амалий ёрдам кўрсатишмоқда.

Учкўприк тумани ҳокимлиги ва мудофаа ишлар бўлими кўмагида ўғлимизнинг қабрига мраммар тош ўрнатилиб, ўзи ўқиган мактабда хотира бурчаги ташкил этилди. Биз – Ватан, элу юрт тинчлиги йўлида жонини қурбон қилган ўғлимиз Юнусжон Охуновнинг оила аъзолари кул-



фат қаршисида ёлғиз қолмаганимизни ҳамиша ҳис этиб турамыз, Сизнинг ва жамоатчилигимизнинг кўмагидан, маҳалла-кўй меҳридан хурсандмыз.

**Носиржон Охунов,
Зулфинисохон Охунова,
Фарғона вилояти,
Учкўприк тумани,
Шеробод қишлоғи**

2015 йил 6 ноябрь

Хурматли Ислом Абдуғаниевич!

Анчадан бери шу мактубни ёзишни кўнглимга тугиб юрар эдим. Лекин айтганларим нокамтарлик, мактаниш бўлиб қолмасмикан, деб истиҳола қилардим. Кўлимга дадиллик билан қалам олишимда аждодларимизнинг «Кимки бировга яхшилик қилса, унутиши, яхшилик кўрган одам эса қилинган яхшиликни бир умр унутмаслиги керак» деган гаплари менга далда бўлди.

Турмуш ўртоғим – Рўзихон Авазова билан 3 ўғил, 1 қизни тарбия қилдик. Катта ўғлим – Отабек Тошкент молия институтини битириб, Тошкент вилояти иқтисодиёт бошқармасида, сўнгра Иқтисодиёт вазирлигида фаолият кўрсатди. 2011 йилда Корея Республикасининг KoGaz компанияси томонидан эълон қилинган грантда голиб бўлиб, Жанубий Корея Тараққиёт институтида икки йил ўқиб, халқаро магистрлик илмий даражасини олди. 2013 йилдан бошлаб, шу мамлакатнинг Сежонг университети Осиё бўлимида координатор бўлиб иш бошлади. 2014 йилнинг январидан бошлаб эса докторантурага қабул қилинди. Инглиз, корейс, рус тилларини яхши

билади. Корея журналларида илмий мақолалари босилган.

Корейс ҳамкорларимизнинг Ўзбекистонга ташрифида ҳамроҳ бўлиб уч марта келиб кетди. Москва, Санкт-Петербург, Владивосток, Жанубий Сахалин, Остона, Олмаота, Ар-Риёд шаҳарларида хизмат сафарларида бўлди. Корейсларнинг Ватанимизга бўлган қизиқиши кучли, дейди ўғлим. Ўзбекистонни улар ўзларининг энг ишончли ҳамкори деб билишар экан.

Ўғлимнинг турмуш ўртоғи – келинимиз Ирода Мухаммадиева ҳам Жанубий Кореянинг Woosong университети магистратурасини тугатган, икки нафар қизининг тарбияси билан машғул. Отабекнинг ишига маънавий ёрдам бериб, мадад бўлиб турибди.

Иккинчи ўғлим – Шавкат Тўраев ҳам Тошкент молия институтини тугатиб, Янгийўл туманидаги қўшма корхонада маркетинг бўлими бошлиғи ва молиявий масалалар бўйича директор муовини лавозимида ишламоқда. Корхона раҳбарлари ўғлимга ишдан ажралмаган ҳолда магистратурада ўқиш учун шароит яратиб беришди. Магистрлик диссертациясини инглиз тилида муваффақиятли ёқлади.

30 июнь куни Жанубий Кореянинг «KomSCO» компания президенти Ким Хва Донг Ўзбекистонга ташриф буюрганида ўғлим Шавкатга «Корхо-

на равнақиға кўшган ҳиссаси учун» деган ёрлик ва кумуш медаль топширди.

Қизимиз Инобат Жўраева Низомий номидаги Тошкент давлат педагогика университетининг инглиз тили назарияси факультетида таҳсил олиб, ҳозирги кунда тиббиёт коллежида инглиз тилидан дарс бeryпти. Турмуш ўртоғи – тадбиркор Шерзод Ҳасанов билан икки ўғилни тарбиялаб, меҳнат қилиб келишмоқда.

Акаларининг изидан бораётган учинчи ўғлимиз, кенжамиз Шуҳрат ҳам Тошкент молия институтининг 3-курсида ўқимоқда. Шуҳрат ўғлимиздан ҳам умидимиз катта. Шоиртабиат, унча-мунча шеърлар ҳам ёзиб туради. У ҳам инглиз тилини яхши билади.

Ҳурматли Ислom Абдуғаниевич, фарзандларимизнинг бундай зафарларга эришиши замирида уларнинг билиму меҳнати ётса-да, аслида бу муваффақиятларнинг бош сабаби мамлакатимиз мустақиллиги, Сизнинг «Бутун Ўзбекистон ёшлари – менинг болаларим» деб олиб бораётган изчил сиёсатингиздир.

Ёшларга берилаётган кенг имкониятлар, яратилаётган шароитлар, Сизнинг уларга қарата «Маррани баландроқ олинг, келажак – сизларники. Олға босинг, ортингизда мана, мен турибман», деб тоғдек суянч бўлиб келаётганингиз йигит-қизларимиз қалбига чўғ солмоқда, уларни юксак чўққилар томон рағбатлантирмоқда.

Сизнинг «Фарзандларимиз биздан кўра кучли, билимли, доно ва албатта бахтли бўлишлари шарт», деб айтган даъватларингиз бугунги кунда амалга ошганини фарзандларимиз мисолида кўриб турибмиз.

Хурматли Ислом Абдуғаниевич, отамиз, раҳматли Тожимурод бобо ҳам Сиз ҳақингизда «Юртбошимиз улуғ одам, Ўзбекистон халқининг бахтига мана шундай раҳбар келганига Оллоҳга шукур қилишимиз керак», деб қайта-қайта айтар эдилар. Яна бир нарсани таъкидлар эдиларки, Президентимизни Ўзбекистон манфаати йўлидан ҳеч бир куч чалғитолмайди, чунки Президентимизнинг ўзи кучли иқтисодчи-молиячи, дердилар. Отамиз ҳам колхозда ҳисобчи бўлиб ишлаб, пенсияга чиққан, ҳисоб-китоб, иқтисод соҳаси мутахассиси эдилар.

Мана энди билапмизки, жаҳонда содир бўлаётган иқтисодий инқирозларнинг Ўзбекистонни четлаб ўтиши, бу – Сизнинг иқтисодий ислохотларингизнинг самараси экан.

«Тафаккур» журналида Озод домла Шарафиддиновнинг «Мустақиллигимиз меъмори» деб номланган Сиз ҳақингиздаги мақоласини кўплар қатори мен ҳам ўқиб чиққанман. Ўшанда амин бўлдимки, ҳақиқатан ҳам Сизга ҳеч қачон осон бўлмаган. Сиз халқ орасидан чиқиб, халққа яқин бўлган, бутун умрини халқимизнинг бахти,

фаровонлиги, унинг ҳеч кимдан кам бўлмасдан, тўкин яшаши, тинчлиги учун бағишлаб келаётган фидойи инсонсиз. Тилимизни, маънавиятимизни янги, кенг маъноли сўзлар билан бойитдингиз.

Жанубий Кореянинг ўша пайтдаги президенти Тошкентга келиб, Сиз ҳақингизда «Корея тарихини мендан-да яхши билади» деб тан олганини ҳам эшитганмиз. Бу билан Ли Мён Бак Сизга бўлган чуқур ҳурматини ифода этган эди. Биз Сиз билан фахрланамиз, ғурурланамиз.

Ислом Абдуғаниевич, Сиз ҳар гал байрам табрикларингизда, юртдошларимизга мукофотлар топшираётганингизда, «Мен учун энг қувончли лаҳзалар сизларга ушбу мукофотларни топшириш. Қани энди, имкони бўлсаю бутун ўзбек халқини қучоғимга сиғдиролсам, ҳаммангизни бағримга босардим», дейсиз.

Ўзбекистоннинг ҳар бир фуқароси Сизнинг меҳрга тўла қалбингиздан жой олган, десам, муболаға бўлмайди.

Ҳурмат ва эҳтиром билан:

**Абдумалик Жўраев,
Сурхондарё вилояти,
Шўрчи тумани
«Бунёдкор» маҳалласи**

2015 йил 7 август

Азиз Ислом ака, мен бориға шукур қиладиган бахтли инсонлардан бириман. Чунки фарзандларим, невараларим, куёвларим – барча-барчаси чиройли ҳаёт кечиришяпти. Бунинг учун Сизга ташаккур айтаман.

Бизнинг она юртимизда турли миллат ва элат вакиллари бир тану бир жон бўлиб, ака-укадек яшаб келмоқда. Менинг миллатим қирғиз, лекин шу юртда туғилиб ўсдим. Ҳамма билан қариндошдек аҳил-иноқ яшаб келамиз. Бундай бўлишига Сизнинг меҳр-мурувватингиз ва олийжаноб фазилатларингиз сабабдир.

Менинг чап оёғим қорасонга йўлиқиб, 2000 йили кесиб ташланган эди, ўнг оёғим ҳам қон юрмасдан қурий бошлаганди. Шунда мени Наманган вилояти соғлиқни сақлаш бошқармаси йўлланма билан Тошкент шаҳрига юборди. Бу ерда шифокорлар обдон текшириб, оёқни асраб қолиш мумкинлиги, бунинг учун ўпка йўлидаги қон тўсиғини олиб ташлаш зарурлигини айтди. 2014 йилнинг сентябрь ойида Тошкент тиббиёт академиясининг иккинчи клиникаси қон-томир жарроҳлик бўлимида операция қилиб, ўша тў-




сикни очишди. Ҳозир оёғим яхши. Сиздан ва шифокорлардан миннатдорман.

Менинг соғайишимда Сизнинг хизматларингиз катта, деб биламан.

Сизга узок умр, сиҳат-саломатлик тилаб қоламан. Эл-юртимиз тинч, осмонимиз мусаффо, дастурхонимиз тўкин бўлсин, илоҳим!

**Тошмаҳаммад Ўразалиев,
Наманган вилояти, Уйчи тумани,
Ровот шаҳарча фуқаролар йиғини,
Зиёкор маҳалла фуқаролар йиғини,
Амир Темур кўчаси, 8-уй**

2014 йил 11 ноябрь



Мустақиллик ва эзгулик монументи




«Бундай саховатли замин яна қаерда бор?»



«Қани, бир эсдаликка расмга тушайлик...»



«Янги уй муборак бўлсин!»



Тошкент. Эски шаҳардан «эски» деган ном колди, холос.



«Омадингни берсин, Женисбек!»



Равшан Эрматов: «Юксак эътибор учун халқимиздан,
Юртбошимиздан миннатдорман!»



«Орзуингга ет, кизим!»



«Сенинг ютуғинг – бутун халқимизнинг ютуғи, болам!»



Мамлакатимиздаги 300 га яқин замонавий мусика ва санъат мактабларида қарийб 61 минг нафар ўқувчига 10 мингдан ортиқ ўқитувчи таълим бермоқда.

Мухтарам Ислом Абдуғаниевич!

Сизни аввало яқинлашиб келаётган муборак Рамазон ҳайити ва Мустақиллик байрами билан самимий табриклар, Сизга мустаҳкам соғлик-саломатлик, узоқ умр тилайман.

Бу хатни ёзишимга оиламиз тақдирига дахлдор бир воқеа сабаб бўлди. 1933 йилда таваллуд топган отамиз Сайидолимхон Сайидкаримов 1991 йилда автоҳалокатга учраб, тўшакка михланиб қолган эди. Оилада 5 фарзандмиз – 2 ўғил, 3 қиз. Отам 1950 йилдан бошлаб Чодак кони тасарруфидаги геология қидирув хизматида ишлаган. 1970 йилдан эътиборан шу ташкилотда ўт ўчириш инспектори бўлиб иш олиб борганлар.

Албатта, автоҳалокатга учраган отамни даволатиш осон бўлмади. Унинг кўп йиллик хизматларига панжа орасидан қараган айрим раҳбарлар ёрдам кўлини чўзишдан бош тортгани ҳам эсимда. Онам эса, нажотни Сиздан излаб, 1991 йилнинг декабрь ойида қабулингизга киргач, ишлар юришиб кетди. Онам Тошкентдан уйга етиб кел-

гунларича Тошкент тиббиёт институти шифоҳонасининг травматолог врачлари самолётда келиб, отамнинг аҳволини текшириб кўриб, Тошкентга олиб кетишди. Отамни Тошкентда малакали шифокорлар даволашди. Шундан сўнг унинг аҳволи яхшиланди.

Бир инсоннинг тақдирига бўлган юксак меҳр-эътиборни Сизда кўрдик. Ўшанда отам соғайиб уйга қайтгач, оиламизда ҳақиқий байрам бўлиб кетди. Отам ҳозир 81 ёшда. Шу муборақ кунларда шукрона айтиб, Сизга саломларини йўлламоқдалар, қўллари доимо дуода.

Мустақилликнинг ўтган даврида юртимизнинг қиёфаси тубдан ўзгарди. Буни бугун юртимизни кезган киши ҳар қадамда кўриши мумкин.

Мисол учун, ўзимиз истиқомат қиладиган Поп туманини оладиган бўлсак, янгитдан бунёд этилган тиббиёт коллежи, лицей ва мактаблар фарзандларимизнинг камолотига хизмат қилмоқда.

Шунингдек, Сизнинг бевосита ташаббусингиз билан Ангрен – Поп электрлаштирилган темир йўли қурилиши жадал суръатлар билан олиб борилмоқда. Бу улкан қурилиш тоғ орасидаги қишлоғимиз ёшларини иш билан банд этмоқда. Икки нафар фарзандим касб-ҳунар коллежини



битириб, иш билан таъминланди. Кичик қизим ҳам коллежни тугатиб, Олмалиқ кон-металлургия комбинатида фаолият юритмоқда. Буларнинг барчаси учун Сизга раҳмат. Мен каби оналар, келажагимиз бўлган ёшлар бахтига ҳамиша соғ бўлинг.

Сайидкаримовлар оиласи аъзолари номидан:

**Турдихон Сайидкаримова,
Наманган вилояти,
Поп тумани, Олтинкон
шаҳарчаси, Дўстлик
кўчаси, 1/9-уй**

2014 йил 11 август

Ассалому алайкум, мухтарам Юртбошимиз!

Мен Намангандаги оддий ўқитувчи Сизнинг ташаббусингиз билан намунавий лойиҳалар асосида қурилган уй-жойга эга бўлдим. Икки нафар фарзанднинг онасиман. Сиз туфайли тинч, осуда, тўкин ҳаёт кечирмоқдамиз. Борингизга шукур! Дунё тургунча туринг.

Бу дунё синовларга тўла экан. Яқинларимдан, боримдан айрилган кезларим фаровон ва бахтли ҳаёт кечириш мумкинлигига, очиғи, ишончимни йўқотган эдим. Яхши яшаётганларга шунчаки ҳавас қилардим, холос.

Мана, вақт ўтди, қанча сувлар оқиб кетди. Қалбимдаги ғам-андуҳ доғлари ювилди. Чунки мен Сизнинг гап-сўзларингиз, ҳикматга тўла фикрларингиз, жасорат ва матонатингиздан ибрат ола бошладим. Сиз юрагимга бир куч бердингиз. Ҳар сафар телевизор орқали Сизнинг ҳароратли сўзларингизни тинглаб, юрагим тўлқинланар, ҳаётга муҳаббатим ошар, Сизга ғойибона раҳматлар айтардим.

Тўғриси, бу мактубни йўллашдан олдин кўп ўйладим, иккиландим, журъат қилолмадим. Ле-

кин юрагимни жунбушга келтираётган бу шукроналик, миннатдорлик туйғуси токи Сизга етиб бормас экан, менга тинчлик бермаслигини англаб, қўлимга қалам олдим.

Инсон учун энг катта бахт – бу кўнгил хотиржамлиги экан. Ҳаёти тинч, уйлари шинам, фарзандлари бағрида ардоқланган аёлга дунёда бошқа зебу зийнат, хою ҳавас керакмас.

Ҳар тонг ширин орзулар, янги режалар билан уйғониб, ишга йўл олар эканман, ёш авлодга таълим-тарбия беришда Сизнинг ҳар бир фикрингиз менга куч-қувват ато этгандек бўлади. Нафақат мен, балки бутун Ўзбекистон халқи учун Сизнинг ибратли ҳаёт йўлингиз буюк китобдир!

Шуни таъкидлашни истардимки, тарихда улуғ аждодларимиз кўп бўлган. Уларнинг бебаҳо мероси жаҳон маънавий хазинасининг дурдоналарига айланиб, дунё цивилизацияси учун пойдевор бўлиб келмоқда.

Аждодларимиз орзу қилган фаровон ҳаёт, эркин ва озод диёр бугун бизга насиб этди.

Бу дил изҳоримни мендан, мен қатори барча фарзандларингиздан деб қабул қилишингизни истардим.

**Эътибор Камолова,
Наманган вилояти, Косонсой
тумани, Булоқ массиви, 66-уй**

2015 йил 26 январь

Миннатдорлик мактуби

Менинг отам 1990 йилда, онам 2006 йилда автоҳалокат туфайли вафот этган. Ота-онамнинг ўлиmidан сўнг биз – тўрт нафар фарзанд тоғамнинг қармоғида қолдик. Тоғам мени уйлантирди ва ҳозирги вақтда бир фарзандим бор. Оила катта: тоғам, янгам, уларнинг тўрт нафар фарзанди, мен, рафиқам, фарзандим, укам ва сингилларим бор. Ҳаммамиз бир ҳовлида яшадик.

2014 йили мен ёш оилаларга берилаётган ипотека кредитини олдим. Сизга хат ёзганимдан сўнг ушбу масала тез ва осон ҳал бўлди.

Бундан оиламиз, икки синглим ва укам жуда хурсанд бўлдик, сабаби – ота-онамнинг ўлиmidан сўнг ҳаммамиз қийналиб қолган эдик. Етимларнинг бошини силайдиган Сиздек одам бор эканига минг шукур, ота-онамиз йўқлигини билдирмадингиз. Илоҳим, бутун Ўзбекистон халқи бахтига соғ ва омон бўлинг!

Мен яхши бир ташкилотда ишлаб келмоқдаман. Ватанимиз равнақи учун ўз ҳиссамни қў-



шиб, элим деб, юртим деб ёниб яшашга аҳд қилганман. Менга билдирган ишончингизни албатта оқлайман!

Ниятим – ҳамма болалар ота-оналари бағрида ўсиб-улғайсин.

**Шухрат Чўллийев,
Навой вилояти, Кармана
тумани, Аҳмад Дониш
кўчаси, 18-уй**

2014 йил 16 апрель

Хурматли Ислом Абдуғаниевич!

Сизнинг ташаббусингиз билан 2015 йил юртимизда «Кексаларни эъзозлаш йили» деб эълон қилинди. Бунинг аҳамиятини баҳолаб бўлмайди, албатта. Лекин яқинда бир хорижий мамлакат матбуотида кексалар ҳақида қуйидаги мавзуларда чоп этилган материалларни ўқиб, дилим оғриди:

қариялар – бу «ишлатиб бўлинган насл» ва «бюджетга оғирлик қиладиган юк».

Ана шу давлатда итлар ва ёввойи ҳайвонларга қарияларга нисбатан яхшироқ муносабатда бўлинар экан. Яъни, ҳайвонларни қонунлар ҳимоя қилади, бунинг учун алоҳида маблағ ажратилади. Кекса авлодни эса ҳокимият ҳимоя қилмайди.

Бу давлатдаги юридик олий ўқув юртлари учун мўлжалланган дарсликлардан иқтибос келтираман: «Кекса ота-оналарга ғамхўрлик қилиш ва уларга ёрдам бериш – бу тўғридаги декларация мамлакат қонунчилиги ва бошқа ҳужжатлар билан мустаҳкамланмаган». Бунга изоҳ ҳам келтирилган: «агар бадавлат фарзанд, шунингдек, амалдорлар эҳтиёжманд қарияларга ўз ихтиё-

ри билан ёрдам бериш ва таъминлашни истаса, уларга ҳеч ким тўсқинлик қилмайди, аммо уларни мажбурлашнинг иложи йўқ».

Шунингдек, ўша давлатда фарзандлар кекса ота-онасини совуқ кунларда кераксиз бўлиб қолгани учунгина кўчага ҳайдаши мумкин, қарияларнинг ўлдирилаётгани, талон-тарож қилинаётгани, дўконларда уларни хафа қилиб, муттаҳамлик билан пенсия ва жамғарма маблағлари тортиб олиниши ҳеч кимни ажаблантирмайди ва ғазабини келтирмайди.

Кекса авлодга нисбатан бундай эътиборсиз муносабат ёш авлоднинг маънавий қадриятларга сурбетларча муносабатини юзага келтирмоқда. Улар ўз манфаати йўлида ҳеч нарсадан тап тортмайди ва ҳатто истаган одамнинг орқасидан ўқузиши мумкин.

Айрим хорижий давлатларда шундай ачинарли ҳолатлар кузатилаётган бир даврда Ўзбекистонда қарияларга алоҳида ғамхўрлик кўрсатилмоқда. Сиз ўз чиқишларингизда барчани, авваламбор, раҳбар ва мутасаддиларни кекса авлод вакилларига доимо эътиборли бўлишга чақирасиз.

Ўзбекистон мустақилликка эришгач, инсонпарварликка асосланган юксак маънавий қадриятларимизни тиклаш ва ривожлантириш, ёш авлодни шу руҳда тарбиялаш биринчи галдаги вазифа сифатида белгилаб олинди.

Ўзбекистонда ҳар йили иқтисодий ўсиш суръатлари юксалмоқда, халқимиз фаровонлиги янада ошиб бормоқда.

Мен Зарафшон қурилиш бошқармасида 40 йил меҳнат қилдим. Ўтган йили касаллик туфайли ҳар икки товонимда гангрена ва атеросклероз пайдо бўлди. Зарафшон қурилиш бошқармаси Бирлашган касаба уюшмалари кўмитаси раиси А.Ярашевнинг ёрдами билан оёқларимни сақлаб қолдим.

Шу йил туғилган куним арафасида Зарафшон қурилиш бошқармаси Бирлашган касаба уюшмалари кўмитаси ходимлари уйимга озиқ-овқат маҳсулотлари ва кийим-кечак билан тўлдирилган иккита катта сумка олиб келишди. Бу ёрдам учун улардан жуда миннатдорман.

Муҳтарам Ислом Абдуғаниевич, мамлакатимиздаги тинчлик-осойишталик, миллатлараро ва динлараро тотувлик, кекса авлод вакилларига кўрсатилаётган эътибор ва ғамхўрлик учун Сиздан беҳад миннатдорман.

**Т. Сисуюва,
Навоий вилояти, Зарафшон
шаҳри, 7-кичик туман,
10-уй, 24-хонадон**

2015 йил 12 март

Ассалому алайкум, хурматли Ислом Абдуганиевич!

Сиз юритаётган сиёсат, амалга ошираётган ислохотлар халқимизнинг тинчлиги ва фаровонлигини мустаҳкамлашда, мамлакатимизнинг ривожланишида катта самара бермоқда.

Ўзбекистон хотин-қизларининг жамиятдаги нуфузини оширишга қаратаётган эътиборингиз бизнинг кадр-қимматимизни янада юксалтирди, деб ишонч билан айта оламан.

Мен – Садаҳат Шалабаева, миллатим – қозоқ. Навоий вилоятининг Нурота туманидаги Чуқуркудук қишлоғида яшаб, неча йиллар мобайнида бош чўпонлик хизматини ўтаб келганман.

Мактубни йўллашимдан мақсад – Сизга ўз миннатдорлигимни билдирмоқчиман. 2013 йил 15 сентябрь куни бошимга оғир ташвиш тушди. Умр йўлдошим юрак хасталигидан вафот этди. У киши ҳам неча йиллар мобайнида ферма бошқарувчиси лавозимида ишлаб келган эди. Олти қизим ва бир ўғлим билан ёлғиз қолдим. Болаларим билан қандай ҳаёт кечираман, деб қаттиқ саросимага тушдим. Уч ой мобайнида ўзимни тиклай олмасдан, фарзандларимга ҳам

эътибор бермасдан, рухий тушкунликка тушиб қолдим.

2013 йил декабрь ойида телевизор кўриб ўтириб, Сизнинг нутқингизни эшитиб қолдим. Бундай деб таъкидлаган эдингиз: «Мен аёлларимизни қаттиқ ҳурмат қиламан. Улар хафа бўлса, мен ҳам хафа бўламан, аёлларни ардоқланг, эъзозланг, кадрланг».

Бу сўзларингиз менга жуда катта рухий далда берди. Шундан кейин ўзимнинг соғлиғимни тиклаб, болаларимнинг тарбияси ва ўқишига кўнгил бердим. Сизнинг менга қилган яхшилигингиз умрбод ёдимда қолади.

Сизга ҳар доим Яратгандан сиҳат-саломатлик, тинчлик-хотиржамлик сўрайман. Болаларим билан Сизга шуни тилаймиз: дунё тургунча туринг, бахтимизга соғ-омон бўлинг!

Сиздек Юртбошимиз борлигидан фахрланамиз.

**Садахат Шалабаева,
Навой вилояти,
Нурога тумани,
Чуқурқудук қишлоғи**

2015 йил 24 март

Истиклол шарофати билан юртимизда она ва бола саломатлиги, ёш авлодни маънан ва жисмонан соғлом қилиб тарбиялашга алоҳида эътибор бериб келинмоқда.

Сизнинг раҳбарлигингизда жонажон диёримизда яшаётган аҳоли, айниқса, биз каби ижтимоий ҳимояга муҳтож оилаларнинг фарзандларини соғломлаштириш, саломатлигини мустаҳкамлаш, келажакда ўзлари хоҳлаган бир касбнинг эгаси бўлиши учун етарли шароитлар яратиш йўлида улкан ишлар амалга оширилмоқда.

2015 йилнинг 25 ноябрь куни «Соғлом авлод учун» халқаро хайрия фонди ва Ҳиндистон Республикасининг «Артемис» клиникаси ҳамкорлигида Тошкент шаҳрида хорижлик юқори малакали шифокорларнинг туғма юрак нуқсони билан туғилган болалар учун беғараз тиббий кўриги ташкил этилди. Ушбу тиббий кўрикда менинг 2000 йили туғилган фарзандим – Ҳаётхон Алиева ҳам шифокорлар кўригидан ўтиб, Ҳиндистонда 2015 йил 21 декабрдан 2016 йил 9 январгача жарроҳлик йўли билан даволаниб қайтди. Ҳозир у маҳаллий врачлар назоратида, соғлиги яхши тикланмоқда.

Болаларимизни соғломлаштириш имкониятини яратиб бераётганингиз учун, мамлакатимизда ногирон болаларга кўрсатаётган амалий ёрдамнингиз учун Сизга оиламиз, қолаверса, ўз номидан оналик миннатдорлигимни билдираман.

Ўзбекистонимизда оналар ва болаларни соғломлаштириш, юртимиз ободлиги, халқимиз фаровонлиги йўлида олиб бораётган машаққатли ва шарафли ишларингизда муваффақиятлар тилаймиз, бахтимизга Сиздек инсонлар омон бўлсин!

**Юлдуз Шодиева,
Навой вилояти,
Навбахор тумани,
«Ўзбекистон» маҳалласи**

2016 йил 15 февраль

Ассалому алайкум, хурматли Ислом Абдуғаниевич!

Мен – Иванова Нина Александровна, Улуғ Ватан уруши ва меҳнат фахрийси, Ленинград шаҳри камалини бошидан кечирган фуқароман. Ўзбекистондаги кўп йиллик меҳнатим қадр топиб, олий тоифали ўқитувчи, Ўзбекистон халқ таълими аълочиси бўлдим. Ҳозирги кунда ёлғиз пенсионерман. Лекин, Сизнинг «Ҳеч ким меҳр ва эътибордан четда қолмасин» деган даъватингиз туфайли мен ўзимни асло ёлғиз деб ҳис қилаётганим йўқ.

Сизни ўз номимдан, шунингдек, шаҳримизда яшаётган 15 нафар Улуғ Ватан уруши фахрийси номидан буюк Ғалаба байрами, Хотира ва қадрлаш куни билан чин қалбимдан табриклайман.

Мана, ҳаёт оқар дарёдек ўтиб, биз каби уруш қатнашчиларининг сони йилдан-йилга камайиб бормоқда.

Кўрсатилаётган доимий эътибор ва ғамхўрлик, давлатимиз томонидан тақдим этилаётган совғалар учун биз – фахрийларнинг самимий миннатдорлигимизни қабул этгайсиз.



Сизга мустаҳкам соғлик, шарафли ва масъулиятли меҳнат фаолиятингизда омад, она Ўзбекистонимизга тинчлик-осойишталик ва янада равақ, халқимизга фаровонлик тилайман.

Бизга кўрсатаётган барча яхшиликларингиз учун Сизга раҳмат!

**Фарғона вилояти,
Марғилон шаҳри,
Бурҳониддин Марғиноний
кўчаси, 88-уй, 17-хонадон**

2015 йил 3 июль

ХАЛҚ СЎЗИ – ҲАҚ СЎЗ

Ҳаётдаги яхши кунлар, қутлуг саналар, қувончли воқеалар муносабати билан бир-бирини қутлаш, эзгу тилаклар билдириш – эл-юртимизнинг азалий одатидир.

Мустақиллик йилларида бундай шукуҳли айёмлар ҳаётимизда кўпайиб, улар жамиятимизда меҳр-оқибат, ҳамжиҳатлик, тарихга, миллий қадрият ва анъаналаримизга ҳурмат руҳини кучайтиришга, ўзлигимизни англаб, она Ватанимизга меҳр ва садоқат билан яшашимизга хизмат қилмоқда.

Китобнинг мазкур бўлиmidан жой олган хатларни ўқир эканмиз, бундай хурсандчилик кунлар яна бир муҳим мақсадга – давлатимиз раҳбари ва фуқаролар ўртасидаги самимий мулоқот, фикр алмашиш, ўзаро ишонч муҳитини янада мустаҳкамлашга хизмат қилаётганига гувоҳ бўламиз.

Ассалому алайкум, мухтарам Ислом Абдуғаниевич!

Авваламбор, Сизни яқинда бўлиб ўтган Президентлик сайловида мутлақ ғолиб чиққанингиз билан чин қалбимдан муборақбод этаман. Бу ёрқин ғалабангиз халқимизнинг ўз келажагини Сиздек оқил ва доно раҳбарсиз тасаввур қила олмаслигини яққол англатиб турибди.

Мана, бугун жонажон Ўзбекистонимизда тинчлик ва осойишталик ҳукм сураётган замонда яшаётганимиздан Яратганга беадад шукроналар айтмоқдамиз. Албатта, ҳеч бир иш ўз-ўзидан бўлмайди. Ўтган қарийб чорак аср мобайнида Ватанимизнинг бошига не-не кулфатларни ёғдириш ниятида бўлган ғаламисларга мардона қарши туриб, халқимизни мамлакатимиз мустақиллигини ҳимоя қилиш ва янада мустаҳкамлаш йўлидаги тарихий ва улуғвор ишларга руҳлантирингиз. Ўзбекистонимиз Сиз туфайли мустақилликка эришди, энди биз билан бутун жаҳон ҳисоблашмоқда.

Собиқ СССР таркибида бўлган бошқа республикалар ҳам ўз мустақиллигини эълон қилди. Лекин уларнинг кўпчилигида бизнинг диёримизда-

ги каби тинчлик ҳукмрон эмас, ҳозир ҳам айрим давлатларда беқарорлик давом этмоқда. Барчамиз яхши тушунамизки, ана шу нотинчликнинг сабаби уларда бизнинг Ватанамиздаги каби давлатнинг узоқ келажагини чуқур ўйлаб тузилган аниқ бир мақсадли режанинг йўқлигидадир.

Баъзи давлатларда ҳокимият тепасига келаётган турли кучлар фақат ўз манфаатларини кўзлаб кураш олиб бормоқда, десам, адашмаган бўламан. Улардаги сиёсий беқарорлик, бошланган ишларнинг охиригача етказилмай қолаётгани оқибатида оддий аҳоли, халқ жабр кўрмоқда.

Болалигим урушдан кейинги даврларга тўғри келган. Ёшлигимда қарияларимизнинг «Оллоҳ таоло ер юзида ҳукмронлик қилиш учун ҳар бир юртга ана шу заминда яшовчи инсонларнинг феъл-атвориغا мос бир раҳбар юборади», деб айтган гапларини эшитганман. Ёши улуғ инсонларнинг қанчалик тўғри гапирганини мана энди тушунапмиз. 2015 йилнинг юртимизда «Кексаларни эъзозлаш йили» деб эълон қилингани ана шундай донишманд, пири бадавлат зотларга эътибор ва ҳурматни оширишга қаратилгани билан барчамиз учун қадрлидир.

Ҳурматли Президент!

Сиз олиб бораётган сиёсат энг одил, энг тўғри сиёсат эканини халқимиз бугунги кунга келиб янада теран англамоқда.

Сизнинг бошчилигингизда озод ва обод юртимизда тарихий адолатни тиклаш ва маънавий ҳаётимизни юксалтириш соҳаларида амалга оширилаётган ишларни кўриб, чексиз қувончга тўламиз. Халқимизга миллатимизнинг энг кўхна китоби – «Авесто»нинг қайтарилиши, «Алпомиш» достонининг 1000 йиллиги катта тантаналар билан нишонланиши, буюк аждодимиз Соҳибқирон Амир Темурнинг муборак номи қайта тикланиши, узоқ тарихга эга бўлган шаҳарларимизнинг юбилейлари ЮНЕСКО билан ҳамкорликда ўтказилгани, 2007 йилда Тошкент шаҳрининг Ислоҳ маданияти пойтахти деб эълон қилиниши, шулар қаторида юртимизда турли-туман нуфузли халқаро анжуманлар бўлиб ўтаётгани – буларнинг барчаси, албатта, истиқлолимиз шарофатидир.

Сизнинг «Юксак маънавият – енгилмас куч» китобингизда инсон, халқ ва жамиятнинг қадрқиммати, аввало, унинг маънавияти билан белгиланиши чуқур очиб берилган. Бу китоб ҳозир халқимиз, айниқса, ёшларимиз учун дастуруламал бўлиб хизмат қилмоқда.

Мен ўзим кўп йиллар санъат соҳасида фаолият олиб борганман. Аввал Алишер Навоий номидаги Ўзбекистон давлат академик катта театрида опера хонандаси бўлиб ишладим. Ҳозирги вақтда шу соҳада ёшларга таълим-тарбия бериб келяпман. Шогирдларим орасида мамлакатимиз

ва жаҳон миқёсида ўтказиб келинаётган кўрик-танловлар ғолиблари, «Ниҳол» мукофоти совриндорларининг борлиги мени беҳад қувонтиради.

Бугунги кунда мамлакатимизда янги-янги болалар мусиқа ва санъат мактабларини барпо этиш, мавжудларини замон талаблари асосида реконструкция қилиш ишлари кенг кўламда амалга оширилаётгани ва бундай ўқув масканларида миллий мусиқа меросимиз билан бирга, жаҳон классикасининг нодир асарлари ўргатиб келинаётгани мусиқа соҳасида таълим бераётган устозларнинг қалбини севинчга тўлдирмоқда.

Бундан бир неча кун аввал ойнаи жаҳон орқали Наврўз тантаналарини томоша қилдим. Сиз байрам табригингизда: «Биз ҳеч қачон ҳеч кимдан кам бўлмаганмиз ва ҳеч қачон кам бўлмаймиз! Кўзлаган мақсад-муддаоларимизга албатта етамиз!» деб барчамизга, айниқса, ёшларимизга уқтириб ўтдингиз. Ана шу байрам тантанасида ўзимизнинг мумтоз миллий мусиқа асарларимиз, фольклор-этнографик жамоаларнинг чиқишлари билан ҳамоҳанг тарзда жаҳон опера санъатининг энг ёрқин намуналари ижро этилди. Байрамга ташриф буюрган хорижлик меҳмонлар бу кўшиқларни ўзбек опера хонандалари юксак профессионал даражада куйлаганидан бениҳоя хурсанд бўлиб, уларга тан берди.

Бир пайтлар айрим калтабин кимсалар «опера ва балетнинг ўзбек миллатига нима кераги бор?»

деб уни йўқ қилишга уриниб кўрди. Аммо Сизнинг санъатга, жумладан, опера санъатига бўлган эътиборингиз ва меҳрингиз туфайли жаҳон маданиятининг ажралмас бир қисми бўлган ушбу ноёб йўналиш нафақат сақлаб қолинди, балки ўз тараққиётининг янги даврига қадам кўйди. Истиклол йилларида ўзбекистонлик ёш операчилар жаҳоннинг энг машхур сахналарини забт эта бошлади. Келажакда бу соҳада юртимизнинг довруғини кўкларга кўтарадиган янада катта натижалар кўрсатишга тайёرمىз.

Қадрли Ислом Абдуғаниевич!

Сизга мустаҳкам соғлиқ, узок умр ва эзгу ишларингизга улкан зафарлар тилайман. Илоҳим, Оллоҳ таоло жонажон Ўзбекистонимизни турли бало-қазолардан асраб, тинчлик-хотиржамлик, осойишталик, фаровонлик, файз ва қут-барака, қувончни бардавом ва зиёда этсин.

**Йўлдош Ёқубов,
Тошкент шаҳри, Шайхонтохур
тумани, Марказ-14 мавзеси,
19-уй, 16-хонадон**

2015 йил 10 апрель

Ассалому алайкум, мухтарам Юртбошимиз!

Ушбу мактубимни Бош қомусимизнинг 23 йиллик байрами ҳамда кириб келаётган 2016 йил – Янги йил байрами билан Сизни чин қалбдан ва самимий табриклашга жазм қилган оддий фуқаролардан бирининг дил сўзлари, деб қабул қилишингизни сўрайман.

Ҳурматли Ислон Абдуғаниевич, Сизга яхши маълум, башарият пайдо бўлибдики, одамлар инсон деган улуғ номга муносиб ва лойиқ бўлишга, яъни камолотга қараб интилади. Лекин фақат айрим инсонларгина Тангри ато этган истеъдод ва ақл-заковат туфайли, адолатпарварлик, ҳалоллик, меҳнатсеварлик, жонкуярлик, меҳр-муҳаббат ва шафқат, сабр ва матонат, метин ирода, ўзига нисбатан ҳам, ўзгаларга нисбатан ҳам талабчанлик каби инсоний фазилатларни ўз табиатида мужассам эта олгани сабабли мана шундай юксак даражага кўтарилади. Бундай инсонларнинг ҳар бир иши бошқалар учун ўрнак ва намунага айланиб кетади.

Ана шундай фазилатлар эгаси бўлган Сиз, мухтарам Президентимиз билан Ўзбекистон

халқи ҳақли равишда фахрланади. Шахсан ўзим халқимизнинг бир вакили, оддий фуқаро сифатида, ўз тафаккурим, билим ва ҳаётий тажрибамга таяниб, бундай фахр туйғуси жамиятни бирлаштирадиган омиллардан бири, деб ҳисоблайман.

Бундан салкам чорак аср муқаддам тақдир тақозоси билан бир асрдан ошиқ вақт давомида минг йиллар мобайнида узлуксиз шаклланиб келган буюк давлатчилигимиз тажрибаларидан узоқлашиб қолган эл-юртимиз олдида мустақилликка эришиш, уни сақлаб қолиш ва мустаҳкамлаш, халқаро миқёсда ўзимизни муносиб намоён этиш, жаҳон аҳлига, худди ўзингиз айтганингиздек, биз ҳеч кимдан кам эмаслигимизни ва кам бўлмаслигимизни исботлаб бериш каби улуғвор вазифалар билан бир қаторда, халқимизнинг нонини бутун қилишдек долзарб вазифа турар эди. Биз билан деярли бир пайтда мустақиллигини эълон қилган қўшни давлатларнинг бирида ўзаро низолар фуқаролар уруши даражасига кўтарилган, жамиятда беқарорлик авж олган, бизнинг юртимизда ҳам ана шундай нотинчлик юзага келишини жуда-жуда истаган, бизга қарши бўлган, мустақиллигимизни, тинчлик ва фаровонлигимизни кўролмайдиган ички ва ташқи ғаразли кучлар фаол ҳаракат олиб борган бир пайтда ёш давлатимиз учун бундай оғир ва мураккаб вазифаларни бажариш осон эмас

эди. Бундай пайтда йўл кўйилган битта кичик хато ҳам оғир оқибатларга олиб келиши ҳеч гап эмасди.

Сизнинг раҳбарлигингизда давлатимиз танлаган сиёсий йўлнинг тўғрилиги, халқимизнинг Сизга бўлган юксак ишончи ва садоқати туфайли ҳам ўша оғир синовлардан деярли беталофат ўтдик. Ўтган чорак аср давомида Сизнинг раҳбарлигингизда давлатимиз томонидан бундай доvonларнинг яна қанча-қанчаси забт этилди, ҳозирги кунда ҳам янги-янги марралар сари бормоқдамиз.

Менинг олтмиш уч йилдан ошиқ умримнинг қирқ йилга яқини собиқ шўро даврида кечди, қолган чорак асрини эса мустақил Ўзбекистонда яшаб ўтказмоқдаман. Оддий фуқаро сифатида ҳар икки давр ўртасида ер билан осмонча фарқ борлигини чуқур тушунаман. Мустақиллик бизга Оллоҳ томонидан берилган улуғ неъмат эканини ўз ҳаётим, фарзандларим, набираларим ҳаёти мисолида тўла англаб етганман. Бу улуғ неъмат учун чин дилимдан Яратганга шукроналар, Сиз, мухтарам Президентимиз Ислом Абдуғаниевич Каримовга ташаккурлар айтаман.

Мустақиллик туфайли биз ўз қадр-қимматимизни топдик, тенглар ичра тенг бўлдик. Тўқлик ва тўқинликка эришдик. Ўзбек бўлиб, ўзлигимизни ангадик. Мустақил миллат бўлиб, мустақил давлат бўлиб оламга танилдик.

Айтишларича, буюк давлат арбоби ва енгилмас саркарда, бобокалонимиз Амир Темур одамлар билан бўлган суҳбатлар чоғида ўзларига Тангри таоло томонидан берилган улуғворлик ва юксаклик хислатларини намоён қилиб, барчани ўзларига мафтун этиш қобилиятига эга бўлган. Бундай улуғ хислатни Сиз, азиз Юртбошимиз тимсолида ҳам кўришимиз мумкин. Сизнинг ҳам одамлар билан суҳбатларингиз чоғида, хоҳ у Ўзбекистон фуқароси бўлсин, хоҳ чет эллик давлат арбоби бўлсин, улуғворлик ва самимият билан ҳар бир суҳбатдошни дўстга айлантира олиш қобилиятингиз бор эканини минглаб инсонлар катори мен ҳам кўриб, ўз тафаккурим билан идрок қилиб келаман. Бу хислат ўтган чорак аср мобайнида давлатимизда олиб борилаётган ички ва ташқи сиёсатда, қанчадан-қанча мураккаб вазиятларда биз учун беқиёс аҳамият касб этиб келмоқда.

Ҳурматли Ислом Абдуғаниевич, мен – мамлакатимизнинг оддий бир фуқаросиман, тadbиркорлик билан шуғулланаман. Шу халқнинг, шу миллатнинг вакили сифатида мустақиллик йилларида эришган улкан ютуқларимизни кўриб қувонаман, завқланаман, дилим яйрайди. Мустақиллигимиз бизга берган сон-саноксиз неъматларни санашдан чарчамайман.

Қўлга киритилаётган бу муваффақиятлар замирида аввало юртимизда ҳукм сураётган тинч

ва осойишта ҳаёт мужассам эканини барчамиз яхши англаймиз.

Мустақиллик йилларида шаклланган, ўз Ватанига, халқига, Президентига садоқатли, юртимиз тинчлиги, чегараларимиз дахлсизлигини, мусаффо осмонимизни ҳар қандай ёвуз кучлардан ҳимоя қилишга қодир бўлган миллий армиямиз, унда хизмат қилаётган мард ва жасур ўғлонларимиз билан фахрланамиз.

Бугунги кунда, халқаро иқтисодий инқироз ҳамон давом этаётгани ва тобора чуқурлашиб бораётганига қарамасдан, Сиз асос солган тараққиётнинг «ўзбек модели» туфайли барча соҳаларда янги-янги ютуқларга эришмоқдамиз.

Иқтисодиётнинг барча тармоқларида, саноатда ҳам, қурилишда ҳам, қишлоқ хўжалигида ҳам, спорт, соғлиқни сақлаш, маданият ва санъат соҳасида ҳам катта-катта ўзгаришларга гувоҳ бўлмоқдамиз.

Ҳурматли Ислом Абдуғаниевич, чет эллик нуфузли эксперт ва таҳлилчилар ҳам Сиз олиб бораётган сиёсий ва иқтисодий ислохотларни эътироф этиб, ютуқларимизни тан олаётганини кўриб, бундан ғурурланамиз.

Бугунги кунда мамлакатимизда ўтадиган байрамларимизнинг барчаси бизга алоҳида хуш кайфият, юксак шодиёна, кўтаринки руҳ бағишлайди. Чунки бу байрамларнинг деярли ҳар бирида мамлакатимиз Президенти халқ

орасига кириб келади. Эл-юртимиз билан бир-га байрам қувончидан баҳраманд бўлади. Ўз халқининг ҳар бир вакилини самимий сўзлари билан муборакбод этади.

Ҳурматли Ислом Абдуғаниевич!

Сизнинг халқимизга йўллайдиган самимий табрикларингизни тинглаб, бундан тўлқинланиб, мен ҳам озод ва обод юртимнинг фуқароси сифатида ўз Президентимни самимий табриклашга аҳд қилдим.

Сизни янги – 2016 йил билан чин қалбимдан муборакбод этиб, Сизга мустаҳкам соғлиқ ва узоқ умр тилаб қоламан.

**Абдулла Юсупов,
Тошкент шаҳри, Бектемир тумани,
Ўрмон хўжалиги кўчаси, 108-уй**

2016 йил 5 январь

**Ўзбекистон Республикаси Президентига
Тошкент шаҳрининг Миробод тумани,
Шаҳрисабз кўчаси, 11-уй, 7-хонадонда
яшовчи Алимовлар оиласи номидан**

Табрикнома

Хурматли Ўзбекистон Республикаси Президенти ва Қуролли Кучлар Олий Бош Қўмондони Ислам Абдуғаниевич, Сизни янги – 2016 йил билан чин қалбимиздан самимий табриклаймиз.

Бутун дунёда турли уруш-жанжаллар юз бераётган, тинч аҳоли жабр чекаётган, ҳалок бўлаётган бир пайтда биз айнан Сизнинг саъй-ҳаракатларингиз туфайли мусаффо осмон остида тинч ҳаёт неъматларидан баҳраманд бўлмоқдамиз.

Ўзбекистон Республикасида – инсон ҳар томонлама ишончли ҳимоя қилинган, унинг ҳуқуқ ва манфаатлари олий қадрият даражасига кўтарилган шундай кучли ва буюк давлатда яшаш ҳақиқатан ҳам катта бахтдир.



Биз, меҳнат кишиларига жуда зарур бўлган олийжаноб ишда – қудратли ва буюк, адолат устувор бўлган мамлакатимизда давлат бошлиғи вазифасини бундан буён ҳам самарали адо этишда, Сизга сиҳат-саломатлик, узоқ умр тилаймиз.

Сизга чуқур ҳурмат-эҳтиром билан:

Алимовлар оиласи

2015 йил 30 декабрь

Ассалому алайкум, қадрли Ислом Абдуғаниевич!

Мен бир аёл, она сифатида Сизни кириб келган 2015 йил билан чин қалбимдан табриклайман. Бу йилни юртимизда «Кексаларни эъзозлаш йили» деб номлаганингиз мени жуда хурсанд қилди. Қалбимда илҳом пайдо бўлди ва мана бу сатрларни қоғозга туширдим:

Кексаларни эъзозлаш йили – тилак йили бу,
Наволарга тўлган юрак йили бу,
Тарихнинг ардоқли, керак йили бу,
Дўстларим, Янги йил муборак бўлсин!

Сизга ушбу мактубимни ёзар эканман, қимматли вақтингизни олаётганим учун узр сўрайман. Мен – Юнусова Ойимжон 1958 йил 26 июнда Хоразм вилоятининг Хонқа туманидаги Олажа қишлоғида туғилганман. Раҳматли онам 1938 йилда туғилган. Лекин мен 15 яшар пайтимда эгизак фарзандлар туғиб, оламдан бевақт кўз юмганлар.

Онамнинг вафотидан кейин тўрт нафар укам менинг қўлимда қолиб, жуда қийналганман ва уларни тарбия қилганман. Кичик укам уч яшар эди, мен қийналган пайтларим укаларимга қараб:

агар мен турмушга чиқиб, она бўлсам, ҳаётда ўлмайдиган она бўлиб, фарзандларимга бор меҳримни бериб тарбиялайман, деб йиғлар эдим. Укаларимни одобли, эсли-хушли қилиб тарбияладим.

Афсуски, Бозоржон исмли укам 40 ёшга тўлганида ҳайдовчининг эҳтиётсизлиги туфайли вафот этди. Мени тақдир Боғот туманидаги Хўжалик қишлоғида яшовчи олий маълумотли ўқитувчи билан боғлади. Оллоҳга шукур, 85 ёшни қаршилаган қайнонам менга онадек бўлдилар. Турмуш ўртоғим ўқиган, тушунган инсон бўлгани учун мени Бухоро маданият техникумига сиртдан ўқишга йўллади. 1979 йилда шу қишлоқда жойлашган собиқ Курчатов номидаги мактабга кутубхоначи бўлиб ишга жойлашдим. Аёлнинг жони қирқта бўлади, деганлари рост экан. Ишим билан бир қаторда пудрат асосида уч гектар пахта экиладиган ерни шартнома асосида олиб, ҳалол меҳнат қилдим. Олти нафар фарзандимни эл корига ярайдиган инсонлар қилиб тарбиялайман, деб туну кун тиним билмадим. Шу орада фарзандларим бирин-кетин мактабни тамомлаб, олий ўқув юртига ўқишга кирди. Уч нафар фарзандим давлат гранти асосида, бир нафари тўлов контракти асосида талаба бўлди.

2005 йил 18 август куни бетоб бўлиб ётиб қолдим. Мени Урганч шаҳар нейрохирургия бўлимига олиб бордилар. Танамнинг бел қисми

операция қилинди. Қўлтиқтаёкда юрдим. Дунё кўзимга қоронғу кўриниб кетди. Сабр қилдим, шукур қилдим, оёққа турдим.

Мен яна севимли касбим – мактаб кутубхоначилигига ишга қайтдим. Сизнинг «Юксак маънавият – енгилмас куч» асарингизни қайта-қайта ўқиб чиқиб, ҳаётга қайтдим. Ушбу китоб учун Сизга минг раҳмат.

Мактаб кутубхонаси мен учун муқаддас даргоҳ. Агар Оллоҳ менга иккинчи умрни берса ҳам, яна кутубхоначилик касбини танлар эдим.

Ҳурматли Юртбошим, мен Сизни эртаю кеч дуо қиламан. Доимо соғ-саломат юришингизни, азиз бошингиз омон бўлишини Оллоҳдан сўрайман. Кўнглимда Сиз, азиз инсон учун айтадиган жуда кўп яхши ниятларим бор.

2015 йил 29 март куни Ўзбекистон Республикаси Президентлиги учун бўлиб ўтган сайловда оила аъзоларимиз билан Сизга овоз бердик.

Фурсатдан фойдаланиб, Сизга мустаҳкам соғлик, оилавий бахт, масъулиятли вазифангизда муваффақиятлар тилайман. Оллоҳ сизни ўз паноҳида асрасин. Ҳамиша бардам ва тетик бўлишингизни тилаб, сизга таъзим ва эҳтиром билан:

**Ойимжон Юнусова,
Хоразм вилояти, Боғот тумани,
Хўжалик қишлоғи**

2015 йил 22 декабрь

Ассалому алайкум, мухтарам Ислом Абдуғаниевич!

Аввало, Сизни 9 май – Хотира ва кадрлаш куни билан муборакбод этаман.

Мен 1923 йил 12 майда туғилганман. Айни кучга тўлган йигитлик чоғим бутун дунёга хавф солган фашизм балосига қарши кураш даврига тўғри келди. 1941–1946 йилларда урушда бўлдим. Разведкачилар сафида Сталинград остонасида, кейинчалик Украина, Берлин учун кечган оғир жанглarda ва ниҳоят, Узоқ Шарк frontiда жанг қилдим. Тинчлик, озодлик деган буюк неъматларнинг кадрили ана шу даврда чуқур англаб етганман. Ўзбекистон Республикасизнинг Мустақиллик куни эълон қилинганда бу қувончни кўзимда ёш билан кутиб олганман.

Ўз мамлакатининг фуқароларига ҳеч қандай зиён-заҳмат етказмасдан халқини, юртини истиклолга олиб чиққан раҳбар Оллоҳнинг назари тушган инсон бўлади. Сиз ана шундай буюк инсонсиз, мухтарам Юртбошимиз. Мен Сизнинг улуғ хизматларингиз олдида доимо таъзим қиламан.

Ҳозирги кунда мён тўққиз нафар фарзандим, юзга яқин невара ва чевараларим ардоғида осойишта ҳаёт кечиряпман. Умр йўлдошим 2014 йилда вафот этди. Ўз фарзандларим қаторида яна бир нафар фарзандни асраб олганмиз. Болаларим турли соҳаларда элу юртимизга хизмат қилмоқда.

Урушдан қайтиб келгач, чорвачилик соҳасида меҳнат қилдим. Ҳозир иккинчи гуруҳ ногирони-ман. Кексалик ва фахрийлик нафақаларини ўз вақтида олиб турибман. Сизнинг юксак эътиборингиз туфайли «Шухрат», «Жасорат», «Иккинчи жаҳон урушидаги ғалабанинг 70 йиллиги» каби медал ва нишонларни олганимдан фахрланаман.

Биз каби кексаларнинг меҳнатларини шунчалик эътиборга олиб, моддий ва маънавий қўллаб-қувватлаб келаётганингиз учун Сизга яна бир бор миннатдорлик билдираман. Шу билан бирга, ушбу муборак кунларда хонадонимга таклиф этаман.

Самимий ҳурмат ва эҳтиром билан:

**Нормурод Бердиев,
Сурхондарё вилояти, Денов тумани,
Гулобод маҳалла фуқаролар
йиғини, Отқамар қишлоғи**

2016 йил 20 апрель

Ассалому алайкум, мухтарам Президентимиз!

Сизни қардош Туркменистоннинг Махтумкули номидаги нуфузли халқаро мукофотига сазовор бўлганингиз муносабати билан оиламиз, қариндошлар, ёру дўстлар ва ўз номимдан чин юракдан муборакбод этамиз.

Мустақил Ўзбекистонда маънавий-маърифий соҳа ривожига устувор аҳамият бериб келинаётгани дунё ҳамжамияти томонидан кенг эътироф этилмоқда. Сиз асослаб берган ва ҳаётга жорий этилаётган, «ўзбек модели» деб ном олган тараққиёт стратегиясининг муҳим таркибий қисмини, жавҳарини юксак маънавият масаласи ташкил этади.

Сиз ўз чиқишларингизда ҳамиша ўзбек халқининг Алишер Навоий, Мирзо Улуғбек каби, тожик халқининг Рудакий ва Абдурахмон Жомий, туркман халқининг Махтумкули, қозок халқининг Абай, қирғиз халқининг Тўхтағул, қорақалпоқ халқининг Бердақ каби улуғ сиймоларини муштарак маънавий бойлигимизнинг буюк вакиллари сифатида таърифлайсиз. Бугун-

ги кунда кўпгина хорижий тилларга таржима қилинган машҳур «Юксак маънавият – енгилмас куч» китобингизда Ўрта Осиё халқларининг қадимий илдизлари бир бўлгани ва улар умумий мақсадлар билан яшагани чуқур ва батафсил таҳлил қилинган.

Улуғ туркман шоири ва мутафаккири Махтумкули Давлатмамат ўғли Фироғийнинг мардона шахсиятига, шеъриятига бўлган юксак ихлосингиз маънавий етук, адабиётни севадиган кишилар қалбини ҳайратга солади, десам, муболаға бўлмайди.

Сизнинг ташаббусингиз билан 1996 йил 28 ноябрда Хива шаҳрида қад ростлаган Махтумкули ҳайкалининг очилиш маросимида сўзлаган нутқингизда айтган «Махтумкули ўзбек халқига ҳам, туркман халқига ҳам бирдек азиз ва суюкли сиймодир» деган сўзларингиз халқларимиз қардошлигининг шиори ва ҳикмати сингари қимматли аҳамиятга моликдир.

Дарҳақиқат, ҳазрат Баҳоуддин Нақшбанд ва унинг маърифий ғоялари ихлосманди бўлган Махтумкули дастлаб Бухоро шаҳридаги Кўкалдош, сўнгра Хива шаҳридаги Шерғозихон каби нуфузли мадрасаларда таълим олган, ўзбек элининг Бухоро, Хоразм, Кармана, Нурота, Самарқанд, Тошкент, Фарғона, Марғилон, Наманган, Андижон каби шаҳару қишлоқларида

неча бор саёҳатларда бўлган, халқ ҳаёти билан яқиндан танишган, Аҳмад Яссавий, Алишер Навоий, Заҳириддин Муҳаммад Бобур, Бобораҳим Машраб сингари мумтоз шоирларни ўзининг устозлари сифатида эъзозлаган.

Айтиш жоизки, ушбу халқчил шоирнинг асарлари ўзбек мактаб-мадрасаларининг қўлланмаларидан бири бўлиб, маърифий давраларда махтумқулихонлик мушоиралари ўтказилган. Ўзбек ва туркман халқлари ўртасидаги бундай маърифий ва адабий анъаналар ҳозир ҳам изчил давом этмоқда.

Мустақиллик йилларида Ўзбекистонда туркман мумтоз шоири Муллонафаснинг 200 йиллик, Туркманистон халқ ёзувчиси, академик Берди Кербобоевнинг 100 йиллик юбилейлари катта эҳтиром билан тантана қилинди. Бинобарин, 130 дан зиёд миллату элат вакиллари бағрида меҳр билан ардоқлаб келаётган, бугунги кунда элликдан ортиқ миллий маданий марказлар фаолият кўрсатаётган мустақил Ўзбекистонда қардошлик-қондошлик қўшиқлари кенг ёйилиши табиий ҳолдир.

Истиклол даврида Махтумқулининг ўнга яқин шеърӣ мажмуалари ўзбек тилида нашр этилди.

Албатта, бундай эзгу саъй-ҳаракатлар Сиздек адолатли Президентнинг туркман қардошларга, уларнинг тарихи ва маънавиятига, жумладан,

Махтумқули Фирӯғийга бўлган беқиёс муҳаббатингиз ва ҳурматингиз белгисидир.

Сиз «Янгича фикрлаш ва ишлаш — давр талаби» номли китобингизда: «Одам баъзан оғир кунларда руҳан тушкунликка тушади, ҳаёт муаммоларидан чарчаб-толиқиб қолади. Менинг назаримда, инсон бундай кезларда иймон-иродасини чиниқтирмоқ учун Махтумқули ижодига мурожаат қилса, албатта, таскин топади ва мадад олади», деб таъкидлагансиз.

Асл шеърият дурдоналарига бўлган бундай юксак эҳтиром туйғуси аввало Махтумқулидек улкан шоир ижодининг маърифий ва маънавий аҳамиятини чуқур англаш ҳосиласидир.

Характерли жиҳати шундаки, Махтумқулини Ўзбекистонда қанчалик севсалар, туркман элида Алишер Навоийни ҳам шунчалик ардоқлаб, ўз шоирлари сифатида кадрлаб келадилар. Ҳазрат Навоий Туркманистоннинг Марв шаҳрини ўзига ғоят яқин ва файзли макон сифатида ардоқлаган. Ул зот бу шаҳарда Хусравия мадрасасини барпо этиб, унда таҳсил кўрадиган уч юздан ортиқ толиби илмни ўз маблағи ҳисобидан таъминлаб турган. Шунингдек, улуғ шоир бу ерда яна бир қатор сардобалар, работлар, хонақоҳлар, кўприклар, ҳаммомлар, савдо дўконлари, чойхоналар ҳам қурдирган.

Туркман халқи томонидан Навоий – Мирали ҳақида ўнлаб ривоят ва кўшиқларнинг яратилгани, улар ўз фарзандларига Мирали исмини кўйишлари, Алишер Навоий басталаган «Қари наво» мусиқаси асосида бахши ва ҳофизларнинг сокин кўшиқларни куйлаб келаётгани бу улуғ шоирнинг туркман халқи учун нақадар суюкли сиймо эканидан ёрқин далолатдир. Чунончи, Махтумқулининг беқиёс эъзоз билан «Улуғлик тахтада устоз Навоий» дея таърифлагани ва бошқа бир қатор самимий эҳтиром билан йўғрилган сатрлари айна вақтда барча туркман ижодкорларининг ҳам дил сўзларидир.

Мен ҳам мана шундай беқиёс маънавий мадад кўмагида «Махтумкули – эзгулик куйчиси» (2000), «Махтумкули Фироғий ибратлари» (2005), «Ҳазрат Махтумқулидан сабоқлар» (2011) номли мақола ва суҳбатлардан иборат тўпламларни нашрга тайёрладим. «Дунёси бир ўзбек билан туркманнинг», «Махтумкули – инсоний қадриятлар куйчиси», «Ҳазрат Алишер Навоий ва туркман эли», «Махтумкули шеърляти ва комил инсон тарбияси масалалари» каби монографиялар, «Махтумкули дея номим тутсалар...» деб аталган суҳбатлар китобини нашр эттирдим. Махтумқули меросидан амалга оширилган «Ғофил бўлманг, ёронлар» деб номланган янги таржима куллиёти эса бугун нашрдан чиқиш арафасида турибди.

Муҳтарам Юртбошимиз!

Сизнинг Туркменистоннинг «Хурматли эл ёшуллиси» унвонига, халқаро Махтумқули мукофотига сазовор бўлганингиз, Туркменистон Президенти Гурбангули Бердимухамедовнинг Ўзбекистон Республикасининг «Буюк хизматлари учун» ва «Мустақиллик» орденлари билан тақдирланиши чиндан ҳам улкан сиёсий ва маънавий ҳодисадир.

Сўзимнинг якунида Сизга мустаҳкам саломатлик, узок умр тилаб қоламан.

Сизга самимий ҳурмат ва юксак ихлос билан:

Абдуғаффор Ҳонов,
Ўзбекистон – Туркменистон дўстлик
жамияти фаоли, Бухоро давлат
университети фахрийси.
Бухоро вилояти, Бухоро тумани,
Янги турмуш қишлоқ фуқаролар
йиғини, Кечқўноқ қишлоғи

2014 йил 29 декабрь

Муҳтарам Ислом Абдуғаниевич!

Сизнинг раҳнамолигингиз остида юртимизда барча соҳалар қатори илм-фан тармоқлари ҳам изчил тараққий этиб, Ўзбекистон олимлари дунё миқёсида тан олинган назарий ва амалий илмий натижаларни қўлга киритмоқдалар, буюк олим ва мутафаккир аждодларимизнинг анъаналарини муносиб давом эттирмоқдалар. Бевосита Сизнинг ташаббусингиз билан жаҳон илм-фани ва маданияти ривожига беқиёс ҳисса қўшган, тарихимизда ўчмас из қолдирган улуғ аллома ва мутафаккирларимизнинг номлари, бебаҳо илмий мероси қайта тикланиб, уларни ҳар томонлама теран тадқиқ этиш ва тарғиб қилиш бўйича улкан ишлар амалга оширилмоқда. Улуғ алломаларимиз томонидан яратилган кашфиётлар замонавий илм-фан ва тараққиёт учун нақадар долзарб ва зарур экани, уларнинг моҳияти ва аҳамияти очиқ берилмоқда.

Юртимизда истеъдодли ёшларни илмий-тадқиқот ишларига янада кенг жалб этиш бора-сидаги топшириқларингиз асосида олиб борилаётган тадбирлар ижобий натижалар бермоқда. Сизни ишонтириб айтамикки, Ўзбекистон олим-



лари юртимиз равнақи, халқимиз фаровонлиги, мустақиллигимизни янада мустаҳкамлаш йўлида ҳар қачонгидан ҳам кўламли ва самарали фаолият олиб бордилар.

Сизни Ўзбекистон Республикаси Президенти этиб сайланишингиз муносабати билан мамлакатимизнинг олимлари, илмий жамоатчилиги номидан чин дилдан табриклайман. Сизга узоқ умр, мамлакатимизни дунёдаги энг қудратли ва илғор давлатлар қаторига олиб чиқишдек олийжаноб фаолиятингизда муваффақиятлар тилайман.

Шавкат Солихов,
Ўзбекистон Республикаси
Фанлар академияси президенти

2015 йил 3 апрель

Мухтарам Ислом Абдуғаниевич!

Сизнинг бевосита ташаббусингиз билан 2014 йилнинг 15–16 май кунлари Самарқанд шаҳрида бўлиб ўтган «Ўрта асрлар Шарқ алломалари ва мутафаккирларининг тарихий мероси, унинг замонавий цивилизация ривожигаги роли ва аҳамияти» деб номланган халқаро илмий конференция ва ушбу конференциянинг очилиш маросимидаги Сизнинг сермазмун маърузангиз бутун дунёда буюк аждодларимиз меросига бўлган қизиқишнинг янада ошишида муҳим аҳамият касб этди.

Ушбу халқаро илмий-амалий анжуман улук аждодимиз – Заҳириддин Муҳаммад Бобур номи билан аталадиган бизнинг халқаро жамоат фондими фаолиятига ҳам кучли туртки берди. Фондимиз томонидан мамлакатимиз олимлари иштирокида Бобур Мирзо ҳаёти ва фаолиятига оид «Заҳириддин Муҳаммад Бобур энциклопедияси» тайёрланиб, нашрдан чиқарилди.

Шуни алоҳида таъкидлаш жоизки, Сизнинг ўтмиш меросимизни ҳар томонлама чуқур ўрганишга қаратилган саъй-ҳаракат ва даъватларингиз, Сиз томонингиздан яратиб берилаётган

улкан имкониятлар натижасида ана шундай кенг қамровли, йирик асар дунёга келди.

Муҳтарам Ислом Абдуғаниевич, Сизни Бобур халқаро жамоат фонди, барча бобуршунос олимлар номидан муборак таваллуд кунингиз билан самимий табриклаб, Сизга узок умр, сиҳат-саломатлик, яна кўп йиллар халқимизга, Ўзбекистонимизга бош бўлиб юришингизни тилаймиз.

«Бобур энциклопедияси» китобининг илк нусхасини Сизга эҳтиром билан тақдим қилишни ўзимиз учун катта шараф деб биламиз.

Ҳурмат билан:

**Зокиржон Машрабов,
Бобур халқаро жамоат фонди раиси,
Ўзбекистонда хизмат кўрсатган
маданият ходими**

2015 йил 26 январь

Азиз ва мухтарам Ислом Абдуғаниевич!

Авваламбор, озод ва обод Ўзбекистонимиз Президентлигига қайта сайланганингиз билан чин юракдан табриклайман. Сизга соғлик-саломатлик, узок умр тилайман.

Мен оддий ишчиман, Фарғона вилоятининг Қўқон шаҳридаги автомобиль йўллари қурилиши корхонасида 35 йилдан бери машинист-автокранчи бўлиб ишлаб келаман. Сизнинг Ўзбекистон Республикаси Президенти этиб сайланганингиздан, 29 март куни бўлиб ўтган сайловда Сизга овоз берганимдан жуда бахтиёрман. Мен бу билан юртимиз, давлатимиз, халқимиз келажагини белгилашга ўз камтарин ҳиссамни қўшдим, деб ҳисоблайман.

Мен – собиқ шўролар даврида яшаган ва ишлаган оддий ўзбек ишчиси ўша замон билан ҳозирги давримизни солиштирсам, ўртадаги фарқ шундай каттаки, менда мустақилликка нисбатан ҳурмат, уни ардоқлаш туйғулари янада кучаяди. Собиқ совет даврида машинист-автокранчи сифатида 1980–1991 йилларда республикамизнинг турли вилоятларида, жумладан, қўриқ ва бўз ерларни ўзлаштириш бўйи-

ча «Янгиерсувқурилиш» ташкилотида, сўнг 20-қурилиш-монтаж бошқармасида ишладим. Яхши эслайман, ўша йиллари, энг аввало, кўлимдан келганича оиламни моддий жиҳатдан таъминляпман, ҳамма қатори ишляпман, бекорчи эмасман-ку, деб, ўзимга тасалли бериб, меҳнат қилдим.

Энди мустақиллик шарофати билан юртимизни обод қилишда, замонавий магистраль йўл ва кўприклар қурилишида кўтаринки руҳда, жонбозлик билан меҳнат қилаётганимдан беҳад мамнунман. Нафақат моддий манфаат топиш учун, балки юртимизда бўлаётган улкан ўзгаришларга ўзимнинг кичик бўлса-да, ҳиссамни кўшишга улгуриб қолиш учун, юртимиз меҳмонлари ва дўстларимиз бизнинг меҳнатимиз натижаларини кўриб, обод Ватанимиз ҳақида илиқ таассуротларга эга бўлишини хоҳлаб меҳнат қияпман. 1991 йилдан ҳозирга қадар «Шарқий» халқаро магистралга ва давлат аҳамиятига молик автомобиль йўлларига хизмат кўрсатишга ихтисослашган таъмирлаш ва фойдаланиш корхонасида ишлаб, юртимизнинг турли ҳудудларида олиб борилган кўпгина қурилиш ишларида иштирок этдим. Жумладан, Сизнинг ташаббусингиз билан Қамчиқ довонида амалга оширилган қурилишда, Тошгузар – Бойсун – Қумқўрғон темир йўлини барпо этишда, Тошкент шаҳридаги

Кўйлик кўприги, Чилонзор кўприги, Ғазалкент халқа йўлидаги кўприк, Самарқанд, Жиззах, Сирдарё вилоятларидаги бир қатор кўприклар, Кўқон халқа йўлидаги кўприк қурилишида, Фарғона ва Кўқон шаҳарларида автомобиль йўллари кенгайтириш ва ободонлаштириш ишларида қатнашдим. Ватанимизни обод қилиш, йўлларимизнинг жаҳон андозалари даражасида бўлиши учун шу қадар қаттиқ эътибор берилаётгани ва бу борада юқори талаблар қўйилаётганидан фахрланаман.

Ислом ака, барча миллатдошларим қатори менинг ҳам ниятим шуки, юртимиз тинч, обод, кучли ва қудратли, гўзал, дўстлари кўп бўлсин. Энг эзгу орзуим эса Сизнинг барча мақсадларингиз, ўғитларингиз амалга ошсин, халқнинг дарду ташвиши билан яшашингиз барчага ибрат бўлсин, ёшларимиз шу азиз Ватанимизга муносиб бўлиб етишсин.

Айниқса, бу йилни «Кексаларни эъзозлаш йили» деб эълон қилганингиз суяғи меҳнатда қотган биздек минглаб ишчи ва хизматчиларга гўё қанот бўлдики, қани энди, бошқа юртларда ҳам Сиз каби халқпарвар, олийжаноб, қатъиятли ва мард инсон раҳбар бўлса-ю, бутун дунё халқлари ўзаро дўст, биздагидек меҳр-оқибатли, эзгу орзу-ҳавасли, кексалари эъзозда, ёшлари эса хизматда бўлса, деб орзу қиламан.

Биз – йўл қурувчилари, оддий ишчилар Сизни Ўзбекистон Республикаси Президенти лавозимига қайта сайланганингиз билан яна бир бор чин юракдан табриклаймиз. Сизга узок умр, ишларингизда муваффақиятлар тилаймиз. Илоҳим, юртимиз Сиз орзу қилгандек озод ва обод, қудратли бўлсин, ҳеч кимдан кам бўлмайлик. Биз эса Сизга муносиб фарзанд, мустаҳкам суянчиқ, ватанпарвар ўғлонлар бўлайлик.

Сизга чуқур ҳурмат билан:

**Салоҳиддин Раҳматов,
Фарғона вилояти, Ўзбекистон тумани,
Қораёзбобо қишлоқ фуқаролар
йиғини, Давлатботир қишлоғи**

2015 йил 1 апрель

Мухтарам Ислом Абдуғаниевич!

Авваламбор, Сизни кириб келган Янги йил билан оиламиз номидан табриклайман. 2015 йилни «Кексаларни эъзозлаш йили» деб эълон қилганингиз биз – Фарғона вилояти халқини қувонтирди.

Мен – Санобархон Муҳаматхонова 1954 йилда туғилганман, беш ўғлим, беш келиним, ўн икки неварам ва бир чеварам бор. Оиламиз катта. Болаларим ҳаммаси тадбиркор, ўз ишининг устаси, фарзандларига меҳрибон ота. Ўғилларим бир-бири билан аҳил-иноқ, нима иш қилишмоқчи бўлишса, бамаслаҳат қилишади. Фарзандларим, невараларим ҳар доим ишга кетиш олдидан мендан дуо олиб, кейин кўчага чиқишади.

Турмуш ўртоғим Абдурашид Муҳаматхонов 1998 йили вафот этган. У киши фарзандларимизни келажакда давлатимизга, халқимизга нафи тегсин, деб яхши ўқитганлар. Ўзбекистонимизнинг чекка худудларида, қишлоқ жойларда коллежлар ва ёш оилаларга замонавий уйлар қурилишини раҳматли турмуш ўртоғим орзу қилар эди. Мана энди, Сизнинг саъй-ҳаракатингиз ва меҳнатингиз

туфайли, ўша кунлар келиб, қишлоқларда ёш оилаларга намунавий уй-жойлар ва ўқувчи ёшларга коллежлар қуриб бериляпти.

Куни кеча телевизорда кўрдик, Сиз Олий Мажлис Сенатидаги нутқингизда ёшларимиз пухта таълим олиши, коллежларда ўқиб, хунар эгаллаши шарт, деб айтдингиз. Биз буни эшитиб, жуда таъсирландик, хурсанд бўлдик. Ёшларимиз – Ўзбекистонимизнинг келажаги, улардан умидимиз жуда катта. Менинг невараларим ҳам ҳарбий хизматни ўташини ва олий ўқув юртида ўқишини орзу қиламан.

Бугун дунёнинг турли жойларида нотинчликлар, урушлар бўляпти. Мана шундай даврда Ўзбекистонимизда тинчлик, осудалик ҳукм сурмокда. Бунинг учун биз Оллоҳга шукурлар қилиб, Сизга раҳматлар айтамыз.

Ушбу мактубимнинг охирида Сизга соғлиқ-омонлик, бахту саодат, қут-барака, масъулиятли ишларингизда омадлар тилаб қоламан.

**Санобархон Муҳаматхонова,
Фарғона вилояти, Марғилон шаҳри,
Тинчлик кўчаси, 127-«А» уй**

2015 йил 26 январь



Азиз Ислом Абдуғаниевич!

Муродимга етказганига шукур! Яна Сизни Худойим бизга йўлбошчи қилиб қолдирганига шукур. Мен, бир ғариб, куну тун фақатгина шуни илтижо қилиб сўрадим. Чунки Сиз борлигингиз учун ёлғизлигим, ногиронлигимни сезмасдан яшаяпман, бағрим бутун.

Мен ва мен кабиларнинг бахтимизга соғ бўлинг, илоҳим.

Юрак-юрагимдан сезиб турибман, менга ўхшаганлар жуда кўп. Чунки рўшноликни Сизнинг раҳнамолигингиз остида кўрдик, кўряпмиз ва кўрамиз, Худо хоҳласа.

Сизни қизғин табриклаб, тани сиҳатлик, хотиржамлик тилайман.

**Лейла Зарнишанова,
Фарғона вилояти,
Қўқон шаҳри,
Муқимий кўрғони,
32-уй, 1-хонадон**

2015 йил 3 апрель

Ассалому алайкум, ҳурматли Ислом Абдуғаниевич!

Сизга мактуб йўллаш учун кўлимга қалам олар эканман, беихтиёр олис болалик дамларим хотирамда гавдаланди. Ўшанда уруш йиллари эди. Отам – Азимжон Маматқулов 1941 йилда урушга кетиб, қайтмадилар. Онам – Шарофатхон ая 23 ёшида бева қолиб, уч нафар фарзандни оқ ювиб, оқ тараб, не-не қийинчиликлар билан вояга етказдилар, уйли-жойли қилдилар, қора меҳнатда эзилдилар. Ота нонини емадик, ота кийимини киймадик, отаси борларга ҳавас қилиб ўсдик.

Орадан йиллар ўтиб, хур ва фаровон замон келганини онаизорим кўрдилар. Сиз туфайли Ватанимиз узра истиқлол куёши нур сочди, онам сингари минг-минглаб эзилган аёллар, заҳматкаш инсонларнинг бағрига шамол тегди. 101 ёшга кирган онам тоабад Сиздан миннатдор бўлиб, ҳаётидан, эл-юртнинг хотиржам ва фаровон турмушидан мамнун бўлиб, боқий дунёга рихлат қилдилар. У киши «Мана, болаларим, Юртбошимиз пенсия пулларимизни кўпайтириб, бизни бой қиляпти. Илоҳим, Юртбошимизни

ровон, бахтли ҳаёт кечириши учун кўрсатаётган юксак ғамхўрлигингиз, халқимиз, миллатимизнинг шаъни, қадр-қиммати ва ғурур-ифтихорини асраш йўлида ўз жонингизни ҳам фидо қилишга тайёр бўлганингиз ва эл-юртимизга бўлган чексиз меҳр-муҳаббатингизга жавобан халқимизнинг билдирган ишончи ва самимий миннатдорлиги деб баҳолаш мумкин.

Сизнинг олиб бораётган сиёсатингиз туфайли юртимизда турли миллат ва элат вакиллари тинч-тотув ва иноқликда ҳаёт кечирмоқда, виждон эркинлиги таъминланган, ижтимоий келиб чиқишидан қатъи назар, ҳар бир инсоннинг таълим олиши, касб-хунар эгаллаши ва ўз иқтидорини тўла намоён этиши, давлат томонидан ижтимоий ҳимоя қилиниши, бир сўз билан айтганда, эркин ва фаровон ҳаёт кечириши учун барча шарт-шароит ва қонунчилик асослари яратилган.

Бу имкониятларнинг шахсан менинг ҳаётимда тутган ўрни ҳақида тўхталмоқчиман.

Отам Жамол Камолов тақдир тақозоси билан 1982 йили 32 ёшида автоҳалокат туфайли вафот этиб, оилада беш нафар фарзанд – тўнғичи саккиз ёшда, энг кичиги мен, ўн ойлик чақалоқ – ёлғиз онам қўлида қолиб кетганмиз.

Баъзида ўйланиб қоламан, агарда мен Ўзбекистон деган муқаддас заминда туғилмаганимда,

оиламиз бошига тушган бу синовлар оқибатида биз ҳозир қай аҳволда кун кечираётган бўлар эдик? Ёки ўз жонимизни асраш, фақатгина қорин тўйдириш учун кимларнингдир кўлида тобе бўлиб ишлаётган бўлармидик?

Оллоҳга беадад шукурлар бўлсинки, ёшларнинг таълим олиши, касб-хунар эгаллаши учун яратилган шароит ва имкониятлар, шу юртда яшаётган ҳар бир ўғил-қиз – менинг болаларим, деб, уларга кўрсатаётган эътиборингиз, оталарча ғамхўрлигингиз натижасида оиламиздаги беш фарзанднинг ҳаммаси ўқиб, олий маълумотли бўлдик.

Мен ўзим Тошкент давлат техника университетида менежмент йўналиши бўйича ўқидим. Университетда «Камолот» ёшлар ижтимоий ҳаракати бошланғич ташкилоти етакчиси, «Ёшлик» талабалар шаҳарчасида ёшлар етакчиси, сўнгра «Камолот» ЁИҲ Тошкент вилояти кенгаши раиси вазифаларида ишладим. 2009 йилда Сизнинг фармойишингизга асосан таъсис этилган «Ўзбекистон белгиси» кўкрак нишони, 2011 йилда эса «Ўзбекистон Республикаси мустақиллигига 20 йил» эсдалик нишони билан тақдирландим. Бундан ортиқ бахт, қувонч бўладими?

Бугунги кунда оила аъзоларимнинг барчаси – ака ва опаларим билан жамиятда ўз ўрнимиз-

га эга бўлиб, узлуксиз таълим тизимининг умумий ўрта, ўрта махсус, касб-ҳунар ва олий таълим тизимида меҳнат қилиб, таълим соҳасидаги ислохотлар ва ёшлар тарбиясида фаол иштирок этишга ҳаракат қилиб келмоқдамиз.

Биз бутун оиламиз билан мана шу муқаддас заминда туғилиб ўсганимиз, яшаётганимиздан фахрланамиз ва Оллоҳга шукроналар айтамыз.

Ўйлайманки, бизнинг бугунги ёш авлод, умуман, барча замондошларимиз жуда ҳам бахтли бир даврда, миллатимиз, халқимиз тарихига зарҳал ҳарфлар билан битиладиган йилларда яшаб, меҳнат қилмоқда. Сиз кўп бор таъкидлаганингиздек, орадан йиллар, асрлар ўтади, келгуси авлод вакиллари бугунги кунларни, миллат тарихида туб бурилиш ясаган, шу юртни жаҳон тамаддунида ўзига хос ўрни ва мавқеига эга бўлган давлатга айлантирган даврни, инсонларни зўр мамнуният ва ҳурмат билан эслайди.

Ана шундай бахтли замонлар келиши, жонажон диёримизнинг буюк мамлакатлар қаторидан муносиб ва мустаҳкам жой эгаллаши учун бугун юртимизда яшаётган ҳар бир инсон ўз иш жойида, меҳнат жамоасида ягона бир мақсад атрофида жипслашиб, виждонан, юксак масъулият билан шу юрт тараққиёти учун меҳнат қилиши, керак бўлса, бу йўлда ўз умри, ҳаётини бағишлаши лозим, деб ўйлайман.



Хурматли Ислом Абдуғаниевич!

Эзгу фаолиятингизда Сизга мустаҳкам соғ-лик, узоқ умр тилайман, халқимиз бахтига доимо соғ ва омон бўлишингизни Яратгандан сўраб қоламан.

**Азамат Камолов,
Тошкент вилояти, Қуйичирчиқ
тумани, Майдонтол қишлоқ
фуқаролар йиғини,
Қизона қишлоғи**

2015 йил 8 апрель

Ассалому алайкум, қадрли Ислом Абдуғаниевич!

Авваламбор, Сизни яқинлашиб келаётган Янги йил билан муборакбод этаман.

Ўзбекистон Республикаси Конституцияси қабул қилинганининг йигирма бир йиллик байрамига бағишлаб ўтказилган тантанали маросимда сўзлаган нутқингизни ҳаяжон билан эшитдим. Айниқса, аёл қадри ва эъзози тўғрисидаги сўзларингиз мени тўлқинлантирди.

Мен 2009 йили Ўзбекистон Миллий университетини тамомлаб, филолог мутахассислигига эга бўлдим. Шу йили ўзим яшайдиган Сўқоқ қишлоғидаги агросаноат ва сервис касб-ҳунар коллежида ўқитувчи сифатида меҳнат фаолиятимни бошладим. Коллежимизда ўқиш ва ишлаш учун барча шароитлар яратилган. Ўқувчи ёшлар, ота-онаси бағридан узоқлашмасдан, касб-ҳунар эгаси бўляпти, юзга яқин малакали мутахассис уларга таълим-тарбия бериб келмоқда. Турмуш ўртоғим ҳам шу соҳада ишляпти.

Муҳтарам Ислом Абдуғаниевич!

Мустақиллигимизнинг йигирма икки йиллик тўйи мен учун қўшалок байрам бўлди. Яратган

эгам менга бир йўла уч фарзанднинг онаси бўлишдек бахтни насиб этди.

Ҳасан, Ҳусан, Усмон – ана шу уч ўғлим туфайли мен учун янги давр, янги дунё бошланди! Бу ажойиб хурсандчиликдан анча вақтгача ўзимга келолмасдан юрган бўлсам-да, юртимиз аёллари, оналар ва болалар учун яратилган шароитлар, ғамхўрликларни ҳис этиб турдим. Менинг бундай тўқис бахтга эришишимда бутун дунё хайратига сазовор бўлган «Соғлом она – соғлом бола» деб номланган дастур асосидаги сиёсатингизнинг аҳамияти чексиздир.

2014 йилнинг юртимизда «Соғлом бола йили» деб эълон қилингани бу инсонпарвар сиёсатингизнинг узвий давоми бўлди ва менинг эгизакларим келажагига бўлган ишончимни янада орттирди. Фарзандларимнинг соғ-саломат дунёга келишида, ўзимнинг соғлиғимни сақлашда Республика перинатал марказидаги шароитлар ва имкониятлар, у ердаги қўли енгил ва ширинсўз шифокорларнинг хизмати беқиёс бўлди. Бундай хайрли ишларнинг бошида ўзингиз турганингиз учун чексиз миннатдорлигимни билдираман.

Мен бундай ғамхўрликларингизга жавобан, фарзандларимни Ўзбекистоннинг истиқболи, буюк келажаги йўлида меҳнат қиладиган комил инсонлар этиб вояга етказишга ҳаракат қиламан.



Яна бир бор янги 2014 йил – «Соғлом бола йили» муборак бўлсин!

Оллоҳдан Сизга узоқ умр, сиҳат-саломатлик тилайман.

**Лола Икромова,
Тошкент вилояти, Паркент тумани,
Паркент агросаноат ва сервис
касб-хунар коллежи ўқитувчиси**

2013 йил 17 декабрь

Ҳурматли Ислом Абдуғаниевич!

Сизни муборак Ҳайит байрами билан табрик-лаймиз!

Сиз томонингиздан 2015 йилнинг юртимизда «Кексаларни эъзозлаш йили» деб аталиши ҳамда биз – кексаларни моддий ва маънавий рағбатлантиришга қаратилган фармонингиз шарофати билан бир гуруҳ Иккинчи жаҳон уруши иштирокчилари ҳамда фронт орти меҳнат фажрийлари 2015 йилнинг 4 – 16 июль кунлари Тошкент вилоятидаги «Умид гулшани» санаторийсида бепул даволаниб, мириқиб дам олдик.

Санатория ходимлари бизни илиқ кутиб олиб, шинам, қулай хоналарга жойлаштиришди. У ердаги сўлим табиат, энг замонавий тиббий асбоб-ускуналар ва ширинсухан ходимлар бизни лол қолдирди. Санатория ошхонасида худди ресторанлардагидек хизмат ташкил қилиниб, мазали парҳез таомлар муҳайё этилди.

Соҳа мутахассислари иштирокида ташкил этилган «Кексаларни эъзозлаш йили: мазмун ва моҳият», «Соғлом ҳаёт – обод турмуш гарови»,

«Ёз фаслида саломатликни асраш», «Миллий маънавиятимизни шакллантиришда анъанавий кадриятларимизнинг ўрни», «Сизнинг ҳаётингиз биз учун ибрат» мавзуларидаги маънавий-маърифий давра суҳбатларида, концерт дастурларида фаол қатнашдик.

Тошкент шаҳри ва пойтахт вилоятининг диққатга сазовор жойларига саёҳатлар уюштирилди. Хаста Имом, Зангиота зиёратгоҳлари, Мустақиллик майдони, Шаҳидлар хотираси хиёбони, «Қатағон қурбонлари» музейига ташрифдан бир олам таассурот олдик. Зиёрат давомида юртимизга тинчлик, кут-барака, Сизга соғлиқ тилаб дуолар қилдик. Қадримиз улуғланганидан бағримиз шукроналикка тўлди. Шу юртда яшаётганимиздан ғурурланиб кетдик. Беихтиёр Сизнинг ўзимизга «Биз кеча ким эдигу бугун ким бўлдик?» деган саволни бериб, унга ҳар биримиз муносиб жавоб топа олишимиз кераклигини бежиз такрор ва такрор таъкидламаётганингизга яна бир бор амин бўлдик.

Тўғриси, Тошкентга етиб келгунча йўлда кўрганларимиз, санаторияда дам олиш жараёнидаги сайру саёҳатларимиз давомида мамлакатимизда сўнгги йигирма беш йилдан ортиқ даврда Сизнинг раҳнамолигингизда барча соҳаларда олиб борилган ислохотларнинг мисли кўрилмаган на-

тижаларини кўриб, кўзимиз қувнади, ўзимизни ёшаргандек ҳис этдик.

Мухтарам Ислом Абдуғаниевич!

Сизга айтадиган гапларимиз кўп. Одамзод ўз сирини тасодифан дуч келган кишига очавермайди, қандай оғир вазиятга тушмасин, дарду ғамини ҳаммага ҳам баён қилмайди. Фақат ўзи ҳурмат қилган, ишонган инсонгагина дил сирларини очиши мумкин, деган фикрларингиздан руҳланиб, яна бир гапни айтмоқчимиз.

Тақдир экан, биз ва биз тенгиларнинг болалик, ёшлик пайтлари ҳавас қиладиган даражада ўтмади. Бугун фарзандларимиз, невараларимизнинг дунёқарашини, эришаётган ютуқларини кўриб, уларга ҳавас қиламиз, биз кўрмаган кунлар уларга насиб этганидан қувонамиз.

Номинг ўчгур уруш йилларида бошимиз не-не кўргуликларни кўрмади дейсиз. Ўша мудҳиш йилларда мактаб кўрмаганмиз, эртадан кечгача далада меҳнат қилганмиз. Тирик қолиш учун тарик, кунжара, чигит еганмиз. Бундай гаплар бугун баъзи ёшларга эртадек бўлиб туюлса-да, лекин бу – бор гап. Ҳозир ҳам яқин ва узоқ давлатлардаги нотинчликларни кўриб, эшитиб, Ўзбекистонимиздаги тинчлик ва фаровон ҳаётга шукрона айтамиз.



Сизга яна бир бор биз кексаларга кўрсати-
лаётган юксак эътибор учун чексиз миннатдор-
лигимизни билдирамыз.

Ҳурмат билан:

**Ҳамид Тиловов, Холиқул Рустамов,
Раҳмат Нигматов, Қорабой Янгибоев,
Жовли Ойназаров, Соат Ойназаров,
Норбўта Усмонов, Соҳоб Шошев,
Абдулла Матбоев, Турғунбой Қаршибоев,
Саид Сафаров, Мамир Ибрагимов,
Рисолат Чориева, Мажид Тожибоев,
Олимжон Ибрагимов, Боймурот Каримов,
Жуман Махатов, Олтин Махатова,
Аҳматжон Мансуров, Нарзиқул Бўрибоев,
Носир Мусаев, Сайли Миразимова,
Бойали Истамқулов, Майя Ҳасанова,
Ольга Марковская,**

Тошкент вилояти, Қибрай тумани,
«Умид гулшани» санаторийси

2015 йил 16 июль

Ассалому алайкум, мухтарам Президентимиз Ислом Абдуғаниевич Каримов!

Авваламбор, Сизни серкуёш ўлкамизга файзу барака олиб келган янги – 2016 йил ҳамда таваллуд айёмингиз билан муборакбод этаман.

2016 йилни юртимизда «Соғлом она ва бола йили» деб эълон қилишингиз ушбу миннатдорлик мактубини ёзишимга туртки бўлди.

Мен 1987 йили Қорақалпоғистон Республикасининг Эликқалъа туманида туғилганман. Отамдан эрта жудо бўлдим. Онамнинг саломатлигини тиклаш мақсадида Тошкент шаҳрига кўчиб келдик. Ўзим танлаган телевидение режиссёрлиги мутахассислиги бўйича олий таълим муассасасига ўқишга кирдим.

Ҳар бир ўзбек қизи вояга етар экан, ота-онасининг бағридан ойдин орзулар билан ўзга уйга қадам қўйишни ният қилади. Мен ҳам бир оиланинг гўзал келини, ширин фарзандларнинг меҳрибон онаси, ўктам йигитнинг суюкли ёри бўлишни орзу қилдим.

2011 йилнинг декабрь ойи эди. Ўзбекистон Республикаси Конституцияси қабул қилинганининг 19 йиллигига бағишланган тантанали тадбирни

онам билан бирга телевизорда томоша қилдик. Сизнинг нутқингизни жон қулоғимиз билан тингладик, Ватан пойдевори бўлмиш оилага бўлган алоҳида эътиборингизни ҳис этдик. Сиз 2012 йилни – «Мустаҳкам оила йили» деб эълон қилдингиз. Гўёки «Қизим, бу йил – сенинг йилинг. Бахтли бўл!», деяётгандек эдингиз.

Ўша йили Жўрабек Мардаевга турмушга чиқдим. Тақдир мени Ватанимнинг сўлим гўшала-ридан бири бўлган Сурхондарё вилоятининг Ангор туманига келин қилиб олиб кетди. Турмуш ўртоғимнинг иши ва ўқишим борлиги учун пойтахтга қайтдик.

Катта ҳаётдаги янги турмушимиз шундай бошланди. Сизнинг ташаббусингиз билан ёшлар учун яратилаётган имкониятлардан унумли фойдаланиб, Ватан ривожига кичик бўлса-да, ўз ҳиссамизни қўшиб яшай бошладик. Шу орада волидаи муҳтарамам ҳам бу дунёни тарк этди.

2014 йили Ўзбекистон давлат санъат ва маданият институтининг кино, телевидение ва радио режиссёрлиги йўналишини имтиёзли диплом билан тугатдим.

Оллоҳ бизга оиланинг мустаҳкам пойдевори бўлмиш фарзанд ато этмади. Бироқ тушқунликка тушмадик. Уч йил давомида даволандик. Яқинларимизнинг қўллаб-қувватлаши ва Сизнинг раҳбарлигингизда барча соҳалар каби тиббиётда ҳам олиб борилаётган ислоҳотлар нати-

жасида эртанги кунга ишонч, тоғдек суянчни ҳис қилиб, ишонч ва сабр-тоқат билан яшадик.

2015 йил оиламиз учун жуда хайрли келди. Йилнинг бошида Сизнинг 2014 йил 6 февралдаги «Ўзбекистон Республикасида ёшларга оид давлат сиёсатини амалга оширишга қаратилган қўшимча чора-тадбирлар тўғрисида»ги қарорингизга мувофиқ «Камолот» уйини олиш учун хужжат топширдик. Ҳаракатларимиз зое кетмади. Мамлакатимизнинг ижтимоий ҳаётида фаол қатнашаётган ёш оилаларга «Камолот» уйларини бериш бўйича 2015 йилнинг 1 июнь санасида ўтказилган «Камолот» ЁИХ Марказий кенгаши қошидаги республика комиссиясининг қарорига асосан бизга уй берилиши маълум қилинди.

Беҳад қувондим. Чунки турмуш ўртоғим билан Тошкент шаҳрида ижарада яшаб келаётган эдик. Бу орада сизнинг ташаббусингиз билан ташкил қилинган «Madaniyat va ma'rifat» телеканали ҳузуридаги «Diyor» телеканалда режиссёр сифатида ижодий фаолиятимни бошладим. Турмуш ўртоғим ҳам «Dunyo bo'ylab» телеканалига режиссёр бўлиб ишга кирди. Барча оиламизга ҳавас қила бошлади.

2015 йилнинг декабрь оyi. Ўзбекистон Республикаси Конституцияси қабул қилинганининг 23 йиллигига бағишланган тантанали маросимни турмуш ўртоғим билан бирга кўриб ўтирибмиз. Сизнинг қизларимиз, аёлларимизга қарата «Ва-

тан тақдири сизнинг кўлингизда», «Бизга соғлом келажак керак» деган сўзларингиз қалбимни тўлқинлантириб юборди. Хурматли эркакларга мурожаат қилиб, «Керак бўлса, аёлларни, айникса, ҳомиладор аёлни бошимизга кўтариб юришимиз керак», деб айтганингизда кўзларим қувонч ёшларига тўлди. Сабаби – шу кунларда шифокорлар бизга муҳим янгиликни маълум қилишган эди. Мамлакатимизда қадрланаётган, ардоқланаётган ўша бўлажак оналар орасида энди мен ҳам борман.

Худо хоҳласа, «Соғлом она ва бола йили»да туғилажак фарзандим Ватанимиз равнақи, тинчлигу хотиржамлиги, юксалиши йўлида муносиб ҳисса қўшадиган, соғлом, баркамол, иймон-этиқодли, ватанпарвар, бир сўз билан айтганда, Сизнинг ва халқимизнинг ишончини оқлайдиган инсон бўлиб етишади.

Илоҳим, бизнинг бахтимизга умрингиз узок бўлсин! Соғ-саломат бўлинг!

**Сурайё Мардаева,
Тошкент вилояти, Қибрай тумани,
Мирзо Улуғбек кўчаси, 56-уй**

2016 йил 2 февраль

Ассалому алайкум, хурматли Ислом Абдуғаниевич!

Аввало, туғилган кунингиз билан чин қалбимдан табриклайман. Сизга узок умр, сиҳат-саломатлик, бахту саодат тилайман. Яқинлашиб келаётган Президент сайловида ғолиб бўлиб, халқимизнинг бошида соябон, йўлбошчимиз бўлиб, ишингизни давом эттиришингизни Оллоҳдан сўрайман.

Мен Наманган вилоятининг Косонсой тумани, Қўқумбой қишлоғида туғилдим, шу қишлоқда яшадим, мактабни аъло баҳоларга битирдим, лекин ўша пайтлари институтларда ўқиш менга насиб этмади, турмушга бериб юборишди. Турмуш ўртоғим билан 38 йил бирга яшаб, беш нафар фарзанд кўриб, уларни олий маълумотли, эл корига камарбаста инсонлар этиб улғайтирдик. Орзуларим бир армон бўлиб қолган эди. Ичимда қолган ниятларимни бугун фарзандларим амалга оширмакда, шунисига шукур.

Катта ўғлим – Зафаржон Ортиқов Тошкент давлат иқтисодиёт университетини тамомлаб, бугунги кунда Тошкент шаҳридаги корхоналар-

дан бирида менежер бўлиб ишламоқда. Иккинчи ўғлим – Шухратжон эса Тошкент давлат тўқимачилик ва енгил саноат институтини тамомлаб, Тошкент вилоятининг Пискент туманидаги фабрикада директор ўринбосари лавозимида фаолият юритмоқда. Учинчи ўғлим – Шавкатжон «Халқ сўзи» газетасида 15 йилдан буён ишлаб келади. Бу орада у «Олтин қалам» миллий мукофоти билан, 32 ёшида эса Сизнинг фармонингиз асосида «Шухрат» медали билан тақдирланди. Тўртинчи ўғлим – Шерали Ўзбек давлат миллий академик драма театрида актёр бўлиб ишляпти. Бешинчи фарзандим – кенжа қизим эса коллежни тамомлаб, ўзига мос касбунара эгаллади.

Болаларимга, невараларимга мустақиллигимизга қийинчилик билан эришганимиз ва бу фаровон кунларнинг қадрига етишимиз кераклигини кўп таъкидлайман. Ижодкор ўғилларимга янги қурилган уйлар ҳақида, катта-катта стадионлар, маҳобатли спорт мажмуалари ҳақида, юртимиз донғини дунёга таратаётган спортчилар, замонамиз қаҳрамонлари тўғрисида ёзинглар, деб маслаҳатлар бераман.

Мен икки тузумни кўрган аёлман. Айниқса, мустақиллик арафасидаги ҳаётимизни эсласак, у пайтлари яшаш, кун кечириш ниҳоятда оғир кечар эди. Собиқ СССРдаги турли тазйиқлар,

дўконлар бўм-бўш, умидсизлик, ишончсизлик, тушкунлик... Биз – аянчли ўтмишнинг жонли гувохимиз.

Ўтган 23 йил мобайнида не-не қийинчиликларни енгиб ўтмадик. Сиз доимо бутун халқимизни ёруғ истикболимизга ишонтириб, олға бошлаб келдингиз. «Биз ҳеч кимдан кам эмасмиз» деган даъват билан байроғимизни баланд кўтариб, мана шу фаровон кунларга етиб келдик, иншооллоҳ.

Ўтган суронли ва синовли йилларда Ватани, халқи учун жонини ҳам тикиб, улкан жасорат кўрсатган, Ўзбекистондаги барча ўғил-қизларни фарзандларим, дилбандларим деб, бағрига чорлаган, меҳр ва ғамхўрлигини аямаган мухтарам Юртбошимга чин қалбимдан таъзим қиламан.

Биламан, Сиз аёлларни жуда ҳурмат қиласиз. Доимо бахтимизга соғ ва омон бўлинг, деб беш нафар фарзанднинг онаси, тўрт келиннинг қайнонаси, ўн бир нафар набиранинг бувиси:

**Умринисо Аҳмедова,
Наманган вилояти, Косонсой тумани,
Қўқумбой қишлоқ фуқаролар йиғини,
Навбахор маҳалласи**

2015 йил 28 январь

Ассалому алайкум, хурматли Ислом Абдуғаниевич!

Соғ-омонмисиз, улкан масъулиятли ишларингизда чарчамасдан, толиқмасдан юрибсизми? Таваллуд айёмингиз муборак бўлсин!

Мен – Майрамхон Холматова, Наманган вилояти, Чортоқ туманининг Короскон қишлоғи, Анорзор маҳалласиданман. Оддий қишлоқ аёли сифатида Сиз туфайли оилам ҳаётида юз бераётган хурсандчиликларни баён этмоқчиман. Турмуш ўртоғим – Асатилла Абдуллаев телеуста, мен эса туман алоқа бўлимида 33 йил телефончи бўлиб ишлаб, олти нафар фарзандни катта қилдик.

Болаларимиз мустақиллик даврида улғайишди, минг шукур, бари ўқимишли, касбу корли бўлиб вояга етишмоқда.

Катта ўғлим – Иззатилла касб-хунар коллежида ўқиди, у ҳам телеуста бўлиб, отасига кўмаклашяпти.

Иккинчи ўғлим – Неъматилла Чортоқ туманидаги иқтидорли болалар лицей-мактабида ўқиб, Тошкентга – юридик институтига ўқишга бориш учун биздан рухсат сўради. Биз эр-хо-

тин: «Кўй, ўғлим, у ерга бизга ўхшаган оддий одамларнинг болалари киролмайди», деб уни ниятидан қайтармоқчи бўлди. Аммо ўғлим: «Йўқ, менга оқ фотиҳа беринг, билимимни синаб кўрай, мен Президентимиз жорий қилган адолатли тест синовларига ишонаман», деб ўқишга отланди. Қарангки, ўғлим тест синовларидан муваффақиятли ўтиб, Тошкент давлат юридик институтига бюджет асосида ўқишга кирди. 2002 йилда ўқишини битириб, дипломли бўлди. Ҳозирги кунда у вилоятимиздаги ҳуқуқни муҳофаза қиладиган нуфузли идоралардан бирида масъул вазифада ишлаб, Ватанимизга, халқимизга холис хизмат қилиб келмоқда.

Қизим – Меҳринисо ҳам ўз кучи билан бюджет асосида Наманган давлат университетининг биология факультетига ўқишга кирди. Айни пайтда икки нафар фарзанди бор, қишлоғимиздаги 33-мактабда биология фанидан дарс бериб келмоқда.

Биз – эр-хотин пенсия ёшидамиз, қарангки, қолган фарзандларимиз ҳам бирин-кетин тест синовларидан ўтиб, олий ўқув юртларида таҳсил олишмоқда: Раҳматилла ва Муҳайёхон Наманган муҳандислик институтида бюджет асосида ўқишмоқда.

Айниқса, Муҳайёхоннинг ўқишга кириши қизиқ бўлган. У турмушга чиқиб, фарзандлари туғилгач, укаларининг университетларда таҳсил

олаётганидан қувонди. Ўзига ишончи уйғониб, тайёрлана бошлади. Мана, ҳозир у ҳам Наманган муҳандислик институти талабаси, бюджет асосида ўқимокда. Мен эса унинг фарзандларига қараяпман.

Кенжамиз – Ҳикматилла Жиззах вилоятида жойлашган ҳарбий қисмда бир йиллик хизматни яхши хулқ билан ўтаб, имтиёзли асосда Тошкент фармацевтика институтига қабул қилинди. Унинг шартнома асосида ўқишга киргани бизни бироз ўйлантирди, лекин яна бир қулайлик – таълим кредитидан фойдаланиб, ўқишни бошлаб юборди.

Фарзандларимиз, келажак авлодларимиз ҳаётини, истиқболини ўйлаб амалга ошираётган ислохотларингиз, ҳар бир қарорингиз халқимизнинг фаровонлиги, юрт осойишталигига хизмат қилмоқда.

Сизнинг халқ учун, Ватан учун қилган хайрли ишларингизни айтиб, адоғига етиб бўлмайди. Неча йиллар давомида мустабид тузумда эзилиб яшаган, «иккинчи сорт» одамларга айлантирилиб, пахта етиштиришга маҳкум қилинган халқимизга Сиз ўзлигини қайтариб бердингиз. Сизни бизга Оллоҳнинг ўзи етказди, умрингиз узок бўлсин.

Майрамхон Холматова

2015 йил 3 февраль

Ассалому алайкум, хурматли Ислом Абдуғаниевич!

Сизни таваллуд кунингиз билан оиламиз номидан чин юракдан муборақбод этаман.

Бугун кўзи очик ҳар бир инсон халқимизнинг ҳозирги тараққиёт даражасигача етиши учун камида 150–200 йиллар керак эканини чуқур англайди. Сизнинг оқилона ва ҳар томонлама пухта ўйланган сиёсатингиз туфайли бор-йўғи 24 йил ичида шундай фаровон ҳаётга эришдик.

Мен ўзимнинг тақдиримдан беҳад бахтиёрман. Узоқ йиллар Навоий вилоятида «Камолот» ёшлар ижтимоий ҳаракатида, «Маҳалла» жамоат фондида, вилоят Ёзувчилар уюшмасида фаолият юритдим. Ҳозир пенсиядаман. Ўтган йили ҳар бир мусулмоннинг орзуси бўлган ҳаж амалини бажаришга муваффақ бўлдим.

Тўрт нафар фарзандим бор. Катта ўғлим маданият соҳасида фаолият юритмоқда.

Катта қизим Жаҳон иқтисодиёти ва дипломатия университетининг магистратурасини тамомлаб, турмуш ўртоғи билан биргаликда юртимизга хизмат қилмоқда.

Кичик қизим ҳозирги кунда АҚШда тиббиёт клиникаларидан бирида болалар кардиохирургияси бўйича таҳсил олмоқда. Турмуш ўртоғи эса ўша ерда молия соҳаси бўйича докторантурада ўқимокда.

Кичик ўғлим ҳам ўзи севган касби бўйича меҳнат қилмоқда.

Ана шу фарзандларимнинг, оиламнинг тақдирида бевосита Сизнинг шарофатингиз, яратиб берган имкониятларингизнинг ўрни бекиёсдир. Умуман айтганда, юртимиздаги ҳар бир хонадон, ҳар бир оила тақдирида ҳеч нарса билан баҳолаб бўлмайдиган ўрнингиз бор.

Биз ўзимиз ва юртимиз ҳаётини Сизсиз тасаввур эта олмаймиз!

Барчамизнинг бахтимизга доимо соғ-саломат бўлинг!

**Камолиддин Юсупов,
Навоий вилояти, Кармана шаҳри,
Кармана кўчаси, 106-уй**

2015 йил 30 январь

Ўзбекистон Республикаси Марказий сайлов комиссияси раисига

Биз – куйида имзо чекувчи Ўзбекистон фуқаролари ушбу мактуб орқали Ўзбекистон Республикаси Президенти лавозимига амалдаги Президент Ислом Абдуғаниевич Каримовнинг номзодини кўрсатиш тўғрисидаги таклиф билан мурожаат қиламиз.

Биз Навоий кон-металлургия комбинатининг Шимолий руда бошқармасидаги йирик корхонада меҳнат қиламиз. Бу ерда 9 минг 800 нафардан зиёд киши ишлайди.

Мамлакатимизда жамият ҳаётининг барча жабҳаларини юксалтиришга қаратилган кенг кўламли ислоҳотлар амалга оширилаётганининг гувоҳи бўлмоқдамиз. Ўзбекистоннинг тўғри қабул қилинган ўз иқтисодий модели бугунги кунда бизга муносиб ҳаёт кечириш имконини бермоқда.

Мамлакатимиз жаҳон иқтисодий инқирози шароитида ҳам иқтисодиётимизни ривожлантириб, ажойиб ўсиш кўрсаткичларини намойиш этмоқда. Фарзандларимизнинг баркамол бўлиб

ичида Ўзбекистонни ривожланган давлатлар сирасига қўшишга замин яратиб, мамлакатимиз байроғининг янада баланд ҳилпирашига, ўзбек деган миллатнинг нуфузи тобора ортиб боришига қўшаётган юксак ҳиссангиз қалбимга чексиз ифтихор бахш этаётир.

Оллоҳ фақатгина соф ниятли бандаларининг эзгу умидларини рўёбга чиқаришига ишонч ҳосил қилдим. Президентликка сайловда Сиз ғолиб бўлишингизни миллионлаб юртдошларим қатори мен ҳам чин дилдан истагандим. Шukurки, тилагим амалга ошди.

Сиз халқимизнинг юксак ишончини қозонганингизни фарзандлар, неvara ва чеваралар қуршовида кексалик гаштини сураётган отажоним ва онажоним ҳам катта хурсандчилик билан қарши олдилар.

Муҳтарам Ислом Абдуғаниевич, Ўзбекистон Республикаси Президентидек шарафли ва масъулиятли бурчни адо этишингизда Сизга соғлик, омонлик, бахт ва омад тилаб қоламан.

**Навбахор Очилова,
Навоий кончилик касб-хунар
коллежи ўқитувчиси,
Навоий шаҳри, Жанубий кўчаси,
8-уй, 13-хонадон**

2015 йил 2 апрель

Хурматли Ислом Абдуғаниевич Каримов!

Авваламбор, Сизни таваллуд топган кунингиз билан оилам, касбдошларим ва маҳалладошларим номидан чин қалбдан табриклайман. Илоҳим, Оллоҳ куч-қувватингизни янада зиёда айласин. Сиз ғамхўрлик қилаётган, бахту иқболи ҳамда истиқболи учун қайғураётган ёш авлод орзу қилганингиздек комил инсонлар бўлиб вояга етсин.

Азиз Юртбошим, Сизни устозим ва йўлбошчим деб биламан. Устоз, дейишимга сабаб – ҳар бир маърузангиз ҳамда ёзган асарларингизни ўқиганимда ундаги пурмаъно сўзлар қалбимга гўёки нур бўлиб киради. Шундан илҳомланиб, таълим сифатини оширишда ҳар йили ўз истиқбол режамни тузиб оламан. Ижозат берсангиз, ушбу режам асосидаги айрим ютуқларимни айтиб ўтсам.

2014 йилнинг 27 ноябрида «Умумтаълим мактаблари таълим жараёнида ахборот-коммуникация технологияларидан фойдаланишнинг долзарб муаммо ва ечимлари» мавзусидаги республика илмий-амалий конференциясида «Схе-

ма асосида ўқувчиларга мураккаб масалаларни ечишни ўргатиш усули» ҳамда «Тенгламалар системасини ечишни Excel дастури воситасида ўргатишнинг афзаллиги» номли мақолаларим билан иштирок этдим. Мақолалар илмий кенгаш муҳокамасидан ўтиб, умумий маърузалар тўпламида чоп этилди.

«Соғлом бола йили» давлат дастури доирасида ўтказилган «Энг яхши электрон ахборот-таълим ресурслари» республика кўрик-танловининг вилоят босқичида ҳам фаол иштирок этиб, фахрли иккинчи ўринни эгалладим. Бундай ютуқларимда Сиз, азиз устозимнинг ҳиссангиз бекиёслигини ҳар доим ҳис этиб тураман.

Навоий давлат педагогика институтида ўқиб юрган кезларим (1993–1998 йиллар) Сизнинг Ватанимиз равнақи учун олиб борган ишларингизни ҳазрат Алишер Навоийнинг юрт равнақи ва ободончилиги учун олиб борган ишларига қиёслар эдим. Ҳазрат Алишер Навоийнинг ва Сизнинг китобларингиздаги ибратли сўзлар менинг ҳаётда ўз ўрнимни топишимда катта ёрдам берди.

Оллоҳнинг кароматини кўрингки, мен учун азиз бўлган ана шундай инсонлар таваллуд топган кунларда менга фарзанд неъматини берди. 1999 йил 30 январь куни ўғлим Исломбек, 2002 йилнинг 9 февралда қизим Фарангиз туғилди.

Улар ҳам Сиздек инсонлар бўлишини чин юракдан истаيمان.

Олдимизда муҳим сиёсий жараён – Президентлик сайлови турибди. Сайловда мен ва оилам Сизнинг номзодингизни қўллаб-қувватлаймиз. Она халқимиз, жонажон Ватанимиз истиқболи йўлида узоқ йиллар юртимизга бош бўлинг!

**Воҳид Муҳаммедов,
Навоий вилояти, Қизилтепа туманидаги
40-ихтисослаштирилган мактаб-
интернатининг математика ва
информатика фани ўқитувчиси**

2015 йил 3 февраль

Қадрли Ислом Абдуғаниевич!

Сизни, аввало, таваллуд кунингиз билан чин қалбимдан қутлайман!

Юртимизда илм-фан, маданият, тиббиёт, спорт ва бошқа барча соҳаларни ислоҳ этиб, ўзбек халқи бошқа миллатлардан, ривожланган давлатлар халқларидан кам эмаслигини исботладингиз. Бу борадаги ишларни давом эттиришда кучингизга – куч, ғайратингизга – ғайрат қўшилишини тилайман.

Мен Чортоқ тиббиёт коллежида ўқитувчи бўлиб ишлайман. Ўттиз йилдирки, шу соҳадаман. 2003 йили камтарона меҳнатимни қадрлаб, менга «Олий ва ўрта махсус, касб-хунар таълими аълочиси» кўкрак нишони берилди.

Шу муқаддас заминда туғилганимдан, устозлари улуғланадиган, аёллари қадрланадиган, кексалари эъзозланадиган, фарзандлари эса комил инсон қилиб тарбияланаётган гўзал ўлкада яшаётганимдан фахрланаман.

Ҳар тонг дарсларни бошлашдан олдин маънавият дақиқаларида ўқувчиларга бошқа мамлакатларда нотинчлик ҳукм сураётган, уруш бў-

лаётган бир пайтда биз тинч-осойишта ҳаёт кечираётганимизни, бошқа мамлакатларда барча болалар савод чиқариш имкониятига эга эмаслигини айтиб, бизда эса ҳозирги кунда боғча болалари нафақат она тилида, балки инглиз тилида ҳам сўзлаша олади, деб тушунтириб, шукрона келтириш кераклигини уқтираман. Айни пайтда тинчлигимизни асраб-авайлаб, огоҳ бўлиш лозимлигини таъкидлайман.

Бизнинг тинч-осойишта, фаровон ҳаёт кечиршимиз учун Сиз шунчалик жон куйдирыпсиз. Илоҳим, юз ёшлардан ошиб, бизнинг бахтимизга, Ўзбекистон ёшлари бахтига соғу саломат юринг, деб, ҳурмат билан муаллима:

Раъно Инатуллаева

2015 йил 27 январь

Ассалому алайкум, азиз Юртбошимиз Ислом Абдуғаниевич!

Мен Сизга соғлик ва саломатлик тилаган ҳолда дилимдаги сўзларимни изҳор этар эканман, аввало Сизни баҳор айёми – Наврўз байрами билан табриклайман.

Сиз Ватанимиз мустақиллигини эълон қилганингизда мен 15 ёшда эдим, у вақтда мустақиллик ҳақида тўлиқ тушунчага эга эмасдим. Ҳозир 38 ёшдаман. Ёшим улғайгани сайин болалик хотираларимни тиклаб, ўша давр билан ҳозирги замонни солиштирар эканман, бугунги кунимга минг бора шукурлар қиламан. Ҳар куни дастурхон атрофида дуога қўл очсак, энг аввало Сизга узоқ-умр, сиҳат-саломатлик тилаймиз. Чунки мен бугун жуда бахтлиман. Мактаб директориман, туман кенгаши депутатлигига сайландим, ўз автомашинам бор. Бу кунларни мендек оддий бир қишлоқ қизи илгари орзу қилишга ҳам қўрқарди. Сиз бизга шундай бахт бердингизки, собиқ тузумда фақат даланинг қора меҳнатига ярайди, деб қаралган қишлоқ аёли нималарга қодир эканини кўрсатишга имкон яратдингиз.



Мен Сизнинг ташаббусингиз билан курилатган намунавий уй-жойга ариза бериб, дастлабки тўловларини ҳам расмийлаштирдим, яқин кунларда бу уй битади. Бу ҳам биз учун яратилган энг зўр имкониятлардан бири ҳисобланади.

Мен Сизга бу мактубни йўллашдан олдин ҳар куни хаёлан Сиз билан суҳбатлашдим ва ниҳоят, хатни Сизнинг номингизга юборишга қарор қилдим. Сиздек олийжаноб, бағрикенг, кечиримли, оддий қилиб айтганда, ажойиб инсон менинг Юртбошим эканидан ҳамиша фахрланиб юраман.

Хатимнинг сўнгида Сизни чин дилдан қўллаб-қувватлайдиган ва қадрингизга етадиган, Сиз учун ҳамма нарсага тайёр халқингиз борлигини ва унинг ўз дилидаги туйғуларини ғойибона бўлса ҳам Сиз билан ўртоқлашишини айтмоқчиман.

Эл-юртимиз бахтига узок умр кўринг, ҳамиша соғу саломат бўлинг!

**Гулбахор Қуролова,
Наманган вилояти, Поп тумани,
Хонобод қишлоғидаги
19-мактаб директори**

2015 йил 5 апрель

ЯНГИЧА ФИКРЛАЁТГАН ОДАМЛАР

Ватанимиз мустақиллигининг бизга берган энг бебаҳо имкониятларидан бири – ҳеч шубҳасиз, онгу тафаккуримизни эски мустабид мафкура кишанларидан озод қилиб, дунёга, элу юртимизга қалбимизни очиб, эркин фикрлаш, сўзлаш ҳуқуқини берганидир.

Кўлингиздаги китобнинг ушбу бўлимида келтирилган хатларни ўқиб, бундай ҳуқуқ ва имконият турли тоифа, касбу корга мансуб юртдошларимизнинг ички дунёси, ҳаётга, меҳнатга, оила, маҳалла, жамиятга бўлган муносабати, қараши ва ёндашувларини қанчалик кескин ўзгартириб юборганини кўрамиз.

Мустақил фикрлаётган, ўз иш фаолияти, оиласи, фарзандлари тақдиридаги, шаҳар ва қишлоғидаги ўзгаришларни эркин баён қилаётган, кўпчиликни ўйлантираётган масалалар ҳақида дадил таклифлар билдираётган бундай инсонлар тимсолида юртимизда амалга оширилаётган кенг кўламли ислохотлар натижалари нафақат фуқароларимизнинг турмушида, балки уларнинг қалбида, юрагида, онгу шуурида ҳам чуқур акс этаётганини сезиш, англаш қийин эмас, албатта.

Хурматли Ислом Абдуғаниевич!

Инсоний бағрикенглик Сизга хос. 2005 йил май ойидаги Андижон воқеалари ҳали-ҳануз ёдимизда. Сизнинг шижоатингиз, қатъиятингиз, инсонлар ҳаётига бефарқ эмаслигингиз неча-неча хонадонларни, бутун юртимизни терроризм деган балою офатдан асраб қолди.

Мана, айни кунларда узоқ-яқин мамлакатларда сепаратизм, турли ихтилофлар авж олган бир даврда, ўша давлат бошлиқларида Сиздагидек шижоат, Сиздагидек узоқни кўзлаб иш тутиш етишмаётгани оқибатида минглаб оилалар хонавайрон, одамлар, болалар қурбон бўлаётганини кўриб, билиб турибмиз.

Қачонки давлат раҳбарида аниқ мақсадга интилиш, қатъият, ўзига ишонч етишмаса, ана шундай бузғунчи ғоялар жамиятни қамраб олади.

Иккинчи жаҳон уруши йилларида бир ярим миллионга яқин ўзбек йигит-қизлари фашизм деган иллатга қарши бутун дунё билан бирга курашди ва буюк ғалабага муносиб ҳисса қўшди. Халқимизнинг бундай мислсиз қаҳрамонлигини юксак қадрлаб, буни келажак авлодлар ҳеч қачон унутмасин деб, Сиз 9 май санасини юртимизда

Хотира ва кадрлаш куни деб эълон қилдингиз. Шу тариқа ўтмиш тарихимиз, Иккинчи жаҳон урушида ҳалок бўлган салкам ярим миллион ҳамюртларимиз, уларнинг жасорати ва матонатини ҳеч қачон ўчмайдиган қилиб, қалбларимиз, юракларимизга муҳрлаб қўйдингиз.

Бугун биз ўз келажагимизни ўйлаб, ўз Президентимизга, яъни Ислом Каримовга овоз бермасак, эртага, баъзи давлатлардагидек бошқаларнинг ноғорасига ўйнайдиган қандайдир «марионетка»лар бошимизга келиб қолмаслигига ким кафолат беради?

Бундай аянчли тақдирдан Оллоҳнинг ўзи асрасин. Доимо ёруғ юз билан яшашни эл-юртимизга насиб айласин.

Азиз Юртбошим, мен Сизни таваллуд кунингиз билан «Сайилжой» академик лицейи жамоаси номидан табриклайман. Оллоҳим берган куч-қудрат билан, меҳрибонлигингиз, бағрикенглигингиз, инсонпарварлигингиз билан кўп йиллар халқимизни ҳар қандай бало-қазолардан асраб, буюк келажак сари етаклайдиган йўлбошчи, сардоримиз бўлиб қолишингизда Сизга соғлик-саломатлик, узоқ умр тилаб қоламиз.

**Ш. Алимардонов,
Жиззах вилояти, Жиззах шаҳри,
«Сайилжой» академик
лицейи ўқитувчиси**

2015 йил 3 февраль

Ассалому алайкум, мухтарам Ислом Абдуғаниевич!

Мен Сизни Ўзбекистон Республикаси давлат мустақиллигининг 22 йиллик байрами билан чин дилимдан табриклайман. Умрингиз узоқ бўлсин.

Сизнинг «Ўзбекистон Республикаси давлат мустақиллигининг 22 йиллик байрамига тайёргарлик кўриш ва уни ўтказиш тўғрисида»ги қарорингизнинг 2-бандидаги 5-хатбошида кўрсатилган мавзу, яъни ҳали истиқлолга эришмасимиздан туриб, аҳолига томорқа ерлари ажратиш тўғрисидаги қарорингиз, бу ҳужжатни қабул қилиш осон бўлмагани, вазият ниҳоятда хатарли бўлгани, ўша йиллардаги ўта қалтис шароитда воқеалар ривожини ижобий томонга ўзгартиш учун қилган саъй-ҳаракатларингиз, шижоат ва қатъият билан ўз фикрингизда собит туриб, одамларга ер беришдек оғир масалани оқилона ечганингиз ҳақида мақола тайёрладим.

Менинг ёшим 57 да, қишлоқда яшаб, туманимиздаги 38-мактабда 25 йилдан буён она тили ва адабиёт ўқитувчиси бўлиб ишлаб келаман. 2013 йил 22 июль куни велосипедимни миндим-да, туман ҳокимлигининг «Бешариқ тонги» газетаси таҳририятига бордим.

Таътилда мақола ёзяман. Президентимизнинг жасорати ҳақида, атиги биттагина жасорати (бундай жасорат, шижоат ўнлаб, юзлаб бўлиб, уларнинг ҳар бири ҳақида китоблар, катта-катта публицистик мақолалар ёзиш мумкин) ҳақида ёздим, дедим газета муҳарририга ва мақоламнинг кўлига тутқаздим.

Мақолам ўша йили июль ойида туман газетасида босилиб чиқди. Газетанинг адади 2000 нуса. Газетани илова қиляпман. Ўзбекистон Президентининг ўша хатарли, оғир вазиятда кўрсатган буюк жасоратини одамларга, халққа марказий матбуот орқали етказсам, бугунги фаровон ҳаёт ўз-ўзидан келмагани, айниқса, ҳозирги ёшлар Юртбошимизнинг серқирра фаолиятининг яна бир қиррасидан хабардор бўлса, ўрта ва кекса авлод эса ўша кунларни эслаб, хулоса қилса, шундай дориламон кунларга етказганига шукур қилса, деган эзгу ўй-фикрдаман.

Мақолам Ўзбекистон Республикаси мустақиллигининг 22 йиллик байрамига кичкина тухфа бўларди.

Яна бир бор Сизни энг азиз, энг улуғ байрамимиз билан табриклайман.

**Султонали Усмонов,
Фарғона вилояти, Бешариқ тумани,
Оқтовуқ қишлоғи**

2013 йил 20 август

АҲАМИЯТИ БЕБАҲО ҚАРОР

*Тинчлик ва барқарорликни сақлаб қолган
дастлабки тарихий қадам*

1989 йил 4 июнь

Фарғона воқеалари рўй берди. Тўс-тўполон, тартибсизлик. Одамлар қони тўкилди. Уйларга ўт кўйилди. Ўзбекистоннинг ўша пайтдаги раҳбари Р. Нишонов эса хайр-маъзурни ҳам насия қилиб, Москвага жўнаб кетди.

Ўзбекистоннинг собиқ раҳбарини Москвада илиқ кутиб олишди. Дарров «иссиқ ўрин»дан жой беришди. СССР Миллатлар Советига раис этиб тайинлашди.

Ўзбекистонда миллатлар ўртасида қонли низолар келиб чиққани учун...

Фарғонада аланга бурқсиб турарди. Алангнинг республика бўйлаб ёйилиб кетиш эҳтимоли ҳам йўқ эмасди.

Ўзбекистон инқироз ҳолатига тушиб қолганди. Ижтимоий муаммолар қалашиб ётарди. Муаммолар узоқ йиллар мобайнида тўпланиб, халқнинг сабр косасини тўлдириб, ижтимоий ларзалар келтириб чиқараётган эди. 20–25 йиллаб одамларга ер берилмади. Одамлар болачақасини уйли-жойли қилиши зарур эди.

Марказ Ўзбекистондан фақат пахта сўрарди.

1989 йил 23 июнь куни Ислом Каримов Ўзбекистонга раҳбар бўлиб сайланган вақтда вазият ана шундай ниҳоятда оғир, хатарли эди. Энди халққа маъмурий буйруқлар, ёлғон ваъдалар, расмий гаплар ёқмас эди. Одамлар учун ҳақ гап, ҳаққоний сўз керак эди. Бу гап минбардан ва кабинетдан туриб айтилса, одамлар бунга ишонмас эди.

Давлатимиз раҳбари Ўзбекистонга раҳбар бўлиб сайланганининг 2-куниёқ, яъни 25 июнь куни Фарғонага етиб келди. Ёниб кул бўлган уйлар, ваҳима ва саросима ичида карахт бўлиб, қаҳр-ғазаб сочаётган одамлар ичига дадил кириб борди. Уларнинг дардларига, яраларига малҳам қўйди. Одамлар билан чин дилдан, юракдан самимий, дўстона ўзбекчасига, очикчасига гаплашди. Ота-боладай, оға-инидай гаплашди.

Одамларнинг оху фиғони, фарёдини, нолаю воласини чин дилдан ҳис қилди, тушунди. Юртбошимизнинг ўз сўзлари билан айтадиган бўлсак, «инсонни тушуниш, англаш керак» эди («Юксак маънавият – енгилмас куч», 29-бет).

Ислом Каримов одамларни тушунди, уларнинг дардини ўз дардидек ҳис қилди, англади. Халқнинг қалбида сўниб бораётган умид учкунлари яна жонланди. Юртбошимиз барча масъулиятни ўз зиммасига олди. Ўз вақтида тартиб-интизомни ўз назоратига олди. Одамлар

қони тўкилишининг олди олинди. Аниқ чоратадбирлар белгиланди.

Фарғона воқеалари ҳақида ўзимизда ҳам, Москвада ҳам шов-шувлар кўтарилиб кетди. Заҳматқаш халқимиз бошига ёғилган «ўзбеклар иши», «пахта иши» деган тухмат тошларининг жароҳатлари ҳали битмасдан, яна тухмат тошлари отила бошланди.

Юртбошимиз Ислом Каримов эса, содир бўлган фожианинг асл сабабларини тўла англаб етгани учун, унинг оқибатларини бартараф этишнинг одилona ечимларини ишлаб чиқиб, бирин-кетин амалга оширишга киришди.

Ислом Каримов халқ томонида бўлиб, халқнинг ёнини олди. Ўз фикрида собит ва қатъий турди. Тошкентда ва Москвадаги йирик анжуманларда ўзбек халқини тухмат балосидан, унга миллатчи деган ном қўйилишидан асраб қолди.

У Ўзбекистон Компартияси Марказий Комитетининг 1989 йил 19 августдаги XVI пленумида сўзланган нутқида бу ҳақда қуйидаги фикрларни билдирди.

«Ўзбек халқининг виждони пок. Фарғона воқеалари ўзбек халқининг иродаси билан содир бўлмади. Бу воқеаларга тутуриқсиз ва ғаразли мақсадларни кўзлаб, ким қандай бўёқ бермасин, тарих албатта, ўзининг адолатли ҳукмини чиқаради. Байналмилалчилик, меҳмондўстлик, яхшилик, қалб саховати ҳамиша ўзбек халқига

хос фазилат бўлиб келди. Халқимиз ҳеч қачон бошқа халқларга нисбатан душманлик кайфиятида бўлмаган. Бу қадимий ва ҳозирги тарихимиздан олинган кўпгина мисоллар билан исбот қилинган».

Юртбошимиз Ўзбекистонга раҳбар бўлиб сайланганининг 55-куни, яъни 1989 йил 17 август куни халқимиз учун алоҳида аҳамиятга эга бўлган «Қишлоқда яшовчи ҳар бир оилани томорқа билан таъминлаб, уларга якка тартибда уй-жой қуриш учун барча шарт-шароитларни яратиб бериш ҳақида»ги аҳамияти беназир ҳужжат, қарорнинг қабул қилинишига эришди. Ушбу тарихий ҳужжатда қишлоқда яшовчи ҳар бир кишига ўртача 25 сотихдан ер ажратиб бериш ва томорқа майдонларини қарийб 4,5 баробар кўпайтириш кўзда тутилган эди.

Бу – Ислом Каримовнинг пахта яккаҳокимлигини бартараф этиш йўлидаги дастлабки, аммо ўта муҳим амалий қадами бўлди.

Бу – катта ва дадил қадам эди. Мустақиллик деб аталмиш энг улуғ, энг азиз неъматга эришиш йўлидаги қутлуғ қадам эди. Бу қадам хосиятли бўлди.

Бу борадаги амалий ишлар натижасида 1989-1990 йилларда 1,5 миллиондан кўпроқ оиллага кўшимча ер ажратилди. 700 минг оиллага янги томорқа ерлари берилди. Бу ишлар такомилига етказилиб, кейинги йилларда Президентимиз-

нинг фармон ва қарорлари билан Ўзбекистон бўйича 2,5 миллион оилага, ҳаммаси бўлиб, 700 минг гектар суғориладиган ер майдонлари уй-жой қуриш ва томорқа сифатида ажратилиб, хусусий мулк қилиб берилди.

Нега энди, август ойида – Ўзбекистонда пахта қийғос очила бошлаган вақтда, уйларнинг томига ҳам пахта экилаётганда, СССР деб аталган, дунё бўйлаб ҳаммага дағдаға қилаётган қудратли империянинг раъйига қарамасдан, Ўзбекистонга раҳбар бўлиб сайланганига 2 ой бўлмасдан туриб Ислом Каримов бу тарихий, аҳамияти бебаҳо қарорни қабул қилиш учун қатъий позицияда турди, деган савол оқу қорани танийдиган, мантиқий фикрлайдиган ҳар бир одамда туғилгани рост гап эди ўшанда. Ахир, йил охирида ёки 1990 йил бошида ҳам қарорни қабул қилиш мумкин эди-ку.

Йўқ, қарорни чиқаришни кечиктириб бўлмасди. Бундай қилинса, одамлар ишонмаслиги мумкин эди. Ишлар яна аввалгидек ваъдабозликларга ўхшамаслиги учун, одамларни алдамаслик учун, таҳликали бир пайтда мавжуд вазиятни ижобий томонга ўзгартириш учун шундай қилинди. Албатта, бу қарорнинг қабул қилиниши осон бўлмаган. Юртбошимиз ўша оғир йилларда, қанчалик оғир ва қийин бўлмасин, одамларга ер берди.

Ислом Каримов икки ўт орасида қолдими ёки уч ўт орасида қолдими? Бу масалага кенг ва

чуқур назар ташлаб, узоқни кўра билган ҳолда оқилона иш юритиш катта натижалар кўрсатди.

Юз минглаб гектар суғориладиган ерларни одамларга бериб юбориш, беш ярим миллион тонна пахта планини бирданига 700 минг тоннага камайтириш Москва учун сариеғдек ёқармиди?

Бунинг учун Марказдагилар Ислом Каримовни яхши кўрармиди?

Ўзимизнинг маҳаллий раҳбарлар, совхоз директорларию колхоз раислари, райком, райижроқўм, пахта билан ишлайдиган вазирлик ва идоралар раҳбарлари ёки бадийлаштириб айтганда «пахта ишқи»да ёнган кўпчиликнинг раёйини қайтариш ва синдириш осон эмасди.

Аҳоли учун улардан ер олиш – жон сўраш билан баробар эди. Иккинчи томонда эса тушкунликка тушган, эртанги кунидан, фарзандлари келажагидан хавотирга ботган халқ турарди. Одамларнинг кўзига қарашнинг ўзи оғир эди. Юртбошимиз эса уларнинг кўзига меҳр билан қараб, уларга тасалли ва таскин берган, чин дилдан ваъда берган эди. Энди одамларнинг юзида, кўзида, сўзида, қалбида Ислом Каримовга нисбатан меҳр-муҳаббат, ишонч барқ уриб турарди. Одамлар Ўзбекистоннинг янги раҳбари ўз сўзининг устидан чиқадиган, мард, донишманд, азмушижоати баланд инсон эканини, Яратганнинг ўзи Ўзбекистонга элим деб, юртим деб жон куйдирадиган Йўлбошчини ато этганини илғаб етди.

1989 йил пахта ҳосили йиғиб олинди. Куз тугади. Қиш ҳам келди. Ҳамминг ёдида бор. Ўшанда декабрь ойида қишлоқда одамларга уй-жой қуришга 16 сотихдан ер ўлчаб беришган эди. Томорқа сўраганга томорқа бериляпти. Ҳатто, 31 декабрь куни ҳам одамларга ер ажратиб, ўлчаб берилган. Қиш кунлари қисқа, тунлари узун бўлади. Улгуришмаганидан бўлса керак, кечалари чироқ ёқиб, одамларга уй-жой қуриш учун ер ажратиб беришганди.

– Нега шунчалик, кечалари чироқ ёқиб, дейсизми?

– Чунки Юртбошимиз одамларга ер ажратиб берилишини қатъий назоратга олган эди.

Бу ҳақиқатни бугун ҳам, эртага ҳам, индинга ҳам баралла айтишга ҳақлимиз. Ўша пайтда, таҳликали даврда, одамларга ер беришдек мураккаб масала донишмандлик билан, оқилона ечилиши туфайли минг-минглаб уйсизлар уйли бўлди, ерсизлар ерли бўлди, боғсизлар боғли бўлди, ишсизлар ишли бўлди, молсизлар молли бўлди. Энг муҳими, ижтимоий кескинлик ва ларзаларнинг олди олинди.

Натижасини эса кеча – 5–10 йил олдин кўрдик, бугун кўриб турибмиз, эртага ҳам келгуси авлодлар кўраверади. Мисол керак, дейсизми?

Марҳамат. Ўзбекистонимизнинг исталган бозорига кириб кўринг. Ана тўкинчилик, ана маъмурчилик, ана серобчилик. Жаннатнинг ўзи-ку!

Қанду асалдан ширин мевалар. Кўзингиз қамашади товланишини кўриб. Нархи-чи, нархи, дейсизми? Арзон, ниҳоятда арзон. Сувтекин деса ҳам бўлаверади.

1 килограмм оққанд ёки шакарнинг пулига 20 килограмм ўрик сотиб олишингиз мумкин бўлди бу йил Фарғона томонларда. Бу ниманинг шарофати? Бу – ўша бундан 20–24 йил олдин ёки ундан кейинроқ одамларга берилган ер майдонларида, боғ-роғларда ҳосилини кўтаролмай шиғил-шиғил мева бераётган ўрик дарахтларининг инъоми. Уларнинг бари аҳолига ер ва томорқа майдонлари ажратиш ҳақидаги дастлабки қарор, кейинги фармон ва қарорларнинг амалда, реал ҳаётда ўзининг ҳаётбахш натижасини кўрсатаётганидир.

Бу ҳеч нарса билан ўлчаб бўлмайдиган улуғ ва буюк неъмат – мустақиллик деган буюк тарихий ҳодисанинг қадр-қиммати, аҳамияти яна ҳам ортиб бораётганининг ёрқин далилидир.

**Султонали Усмонов,
38-мактабнинг она тили ва
адабиёт ўқитувчиси.**

*«Бешариқ тонги» газетаси
2013 йил июль сони*

Ассалому алайкум, ҳурматли Ислом Абдуғаниевич Каримов!

Сизни 30 январь – таваллуд айёмингиз билан чин қалбдан муборакбод этаман. Сизга узоқ умр, сиҳат-саломатлик, бахту саодат тилайман.

Мен 2001 йил 2 сентябрда Жиззах вилояти-нинг Пахтакор туманидаги 1-мактабнинг 1-син-фига ўқишга борган кунимни ҳеч қачон унут-майман. Шу куни устозим тантанали вазиятда қўлимга Сизнинг сўвғангизни – дарсликлар ва ўқув куруллари солинган чиройли портфелни топширди. Ўша пайтдаги ҳис-туйғуларни таъ-рифлаш учун сўз ожизлик қилади. Энди ўйлаб қарасам, бу Сизнинг юртимиздаги барча бола-ларни ўз фарзандингиздек кўриб, улар ҳақида қилган меҳрибончилигингиз ифодаси экан.

Мен 2010 йили 9-синфни битириб, касб-ху-нар коллежининг ҳуқуқшунослик йўналишида ўқишни давом эттирар эканман, Сиз асос солган 12 йиллик мажбурий ва бепул таълим тизими нечоғлик самарали эканини ўз ҳаётимда ҳис эт-дим. 3 йил давомида касб-хунар ўрганиш билан бирга, мустақил Ўзбекистонимиз тарихи, мил-лий парламентимиз томонидан қабул қилинган



қонун ва қарорларни пухта ўргандим. Шунга амин бўлдимки, бу қонунларнинг барчасида инсон манфаати энг олий қадрият сифатида яққол намоён бўлиб турибди.

2013 йилда Сизнинг ташаббусингиз билан ташкил этилган Тошкент шаҳридаги Турин политехника университети талабаси бўлиш бахтига муяссар бўлдим ва шундай юртда яшаётганимдан жуда ҳам фахрландим. Чунки биз, Ўзбекистон ёшлари ўз юртимизда хорижий профессорлардан дунё стандартлари асосида дарс олиш, жаҳонда нуфузи баланд ҳисобланган олий ўқув юртларининг дипломига эга бўлишдек катта имкониятга эгамиз. Бунинг учун Сиздан чексиз миннатдормиз.

Келажакда мазкур университетни битиргач, Италиянинг Турин политехника университетида магистратурада ўқиб келмоқчиман ва юртимизнинг автомобилсозлик саноати ривожига ўзининг муносиб ҳиссамни қўшмоқчиман.

Сизга чексиз хурмат ва эҳтиром ила:

**Фаррух Пиримкулов,
Жиззах вилояти, Пахтакор тумани,
Пахтакор қишлоқ фуқаролар йиғини,
Абу Наср Форобий кўчаси,
34-уй, 18-хонадон**

2015 йил 29 январь

Муҳтарам Ислом Абдуғаниевич!

Сизни Ўзбекистон Республикаси Президент-лигига сайловда ғалаба қозонганингиз билан чин юракдан табриклайман. Илоҳим, дунё тургунча туринг. Сизнинг раҳбарлигингизда Ватанимиз янада гуллаб-яшнашига, унинг иқтисодий салоҳияти кучайишига, халқимиз тинч ва фаровон ҳаёт кечиришига ишончим комил.

Ҳурматли Ислом Абдуғаниевич!

Сизга бундан 21 йил олдин, 1994 йил 10 ноябрда ҳам мактуб ёзган эдим. Ўша даврлар мустақиллигимизнинг дастлабки, оғир йиллари эди. Бугунги кунга келиб ўша хатда билдирилган орзу-умидлар рўёбга чиқди. Яъни, аввало, Сиз мамлакатимиз раҳбари бўлганингиз учун юртимиз изчил ривожланмоқда, айниқса, иқтисодий мустақиллик пойдевори яратилди, аҳолининг турмуш сифати яхшиланди, Ўзбекистонимиз жаҳондаги энг тез ривожланаётган давлатлар қаторидан жой олди. Бунинг учун бутун халқимиз сингари Сиздан чексиз миннатдорман.

Сизга ёзган мактубларимни фарзандларим ва набираларим учун сақлайман. Чунки бу даврлар бизнинг буюк тарихимиздан жой олади.

Сизнинг чуқур маънога эга бўлган сўзингиз, яъни инновациясиз юксалиш йўқ, деган иборангиздан келиб чиқиб, бир фикрни билдиришга рухсат берсангиз.

Мамлакатимизнинг ижтимоий-иқтисодий салоҳиятини, унинг рақобатдошлигини янада ошириш учун иқтисодиёт тармоқларида кенг кўламли модернизация ва диверсификация жараёнларини ривожлантириш борасида 2016–2035 йилларга мўлжалланган инновацион концепция ва дастурни ишлаб чиқиш зарур, деб ўйлайман.

Фурсатдан фойдаланиб, мамлакатимизда амалга оширилаётган ажойиб лойиҳа тўғрисида гурур билан айтмоқчиман. Яъни бевосита Сизнинг ташаббусингиз ва раҳбарлигингизда куриллаётган Ангрен – Поп электрлаштирилган темир йўли мустақил Ўзбекистонимиз тарихидаги буюк воқеа, XXI аср мўъжизасидир.

Муҳтарам Ислом Абдуғаниевич!

Доимо сиҳат-саломат бўлиб, ғоят масъулиятли ва шарафли вазифангизда чарчамасдан, узоқ умр кўришингизга тилакдошман.

Чуқур ҳурмат ва эҳтиром ила иқтисодчи олим:

**Шавкат Зайнутдинов,
Тошкент шаҳри**

2015 йил 31 март

Муҳтарам Ислом Абдуғаниевич,

Қалбим тўла ҳаяжон ва ғурур билан Сизга мактуб ёзяман. Боиси – Ўзбекистон Республикаси Президентлигига сайловда энг кўп овоз олдингиз ва шундай бўлишига ҳаммамиз ишонган эдик.

Мен Андижон вилоятининг Улуғнор туманида, педагоглар оиласида туғилиб, вояга етдим. Мактабни тугаллаётган йилларим юртимизда мустақиллик нафаси кеза бошлаган эди. Ўзбек тилига Давлат тили мақоми берилгани юртдошларимизни, айниқса, зиёлиларни ҳаяжонга солгани, ёшу кекса – барчанинг қадини кўтаргани кечагидек ёдимда.

Ҳозир ўзим педагогман, ўқувчиларимга олис эмас, яқин ўтмишда ўзим гувоҳ бўлган воқеаларни, миллатимиз, муқаддас динимиз, эътиқодимиз, урф-одатларимизга бўлган беписанд ва ғаразли муносабатни мисол тариқасида келтираман. Бувимга сочларимни майдалаб ўрдириб мактабга борганимда, мажлисда «Комсомол аъзоси сочини майдалаб ўриши мумкин эмас, бу эскилик сарқити» деган даккилар эшитганим,

онам ўқитувчи бўлгани учун сумалакни ҳар баҳор кўркиб, яшириб пиширганларимиз...

Ҳозир буларни айтсангиз, ёшларимиз ишонмайди, бироқ биз – ўқитувчилар ўтмишимизнинг бундай аянчли кунлари ҳақида уларда холис ва тўлиқ тасаввур уйғота олишимиз керак.

Мустақиллигимиз замонни ҳам ўзгартирди, шунга мос ҳолда одамларимизнинг дунёқараши, фикрлаши ҳам тубдан ўзгарди.

Сиз ҳар бир чиқишингизда албатта аёлларга меҳр ва ғамхўрлик кўрсатиш ҳақида гапирасиз. Жамиятдагина эмас, оиладаги ўрнимизни ҳам юксак билиб, оналарни, хотин-қизларни эъзозлаганингиз учун ҳам бошимиз баланд, кўксимиз ғурурга тўла.

Менинг уч нафар фарзандим бор, қизларим ўзлари севган касбларни эгаллаб, эл-юртимизга хизмат қилмоқда, ўғлим академик лицей талабаси, келажакда ҳуқуқшунос бўлмоқчи.

Ҳозир ўзим келин бўлиб тушган қишлоқда мактаб директориман. Ҳар тонг иштиёқ билан ишга отланаман. Бугунги кунда давлатимиз томонидан таълим-тарбия соҳасига, ўқитувчи ва педагогларга берилаётган эътибор соғлом ва баркамол авлодни вояга етказишда, мамлакатимизни жадал ривожлантиришда, бошқалар ҳавас қиладиган юксак марраларга эришишда ҳал қилувчи омилга айланмоқда.

Хурматли Ислом Абдуғаниевич, Сизни Ўзбекистон Республикаси Президентлигига сайланганингиз билан яна бир бор табриклайман!

Сизга мустаҳкам соғлик, бардамлик, узоқ умр тилаб қоламан.

Самимий эҳтиром билан:

**Иродахон Ибрагимова,
Андижон вилояти, Улуғнор тумани,
«Тўрттол» маҳалла фуқаролар
йиғини**

2015 йил 15 апрель

Мухтарам Ислом Абдуғаниевич!

Сизнинг ҳар бир чиқишингизни, маърузаларингизни диққат ва эътибор билан кузатиб борамиз. Доимо куюнчаклик билан барчани огоҳликка чақирасиз, кимларнингдир тегирмонига сув қуядиган, ғаразли кучларнинг фойдасини кўзлайдиган «сохта демократия»дан эҳтиёт бўлишга даъват қиласиз. Тинч ва осуда ўтаётган ҳар бир кунимизнинг қадрига етиш кераклигини, Сизнинг доно ва инсонпарвар сиёсатингиз биз учун халоскор куч эканини шу юртда истиқомат қилаётган ҳар бир фуқаро яхши англайди.

Араб ўлкасини вайронага айлантириб, фуқаролар урушини келтириб чиқарган, болани отага, фуқарони ўз президентига қарши қайрайдиган сохта «демократия» бизларга асло керак эмас, десам, юртдошларимизнинг юрагидаги сўзларни айтган бўламан. Бундай таҳдидларга қарши эл-юртимиз Сиз кўп бор таъкидлайдиган: «Танлаган йўлимиздан бизни ҳеч ким қайтара олмайди» деган ўтли даъват билан жавоб қайтариши мукаррар.

Халқимизнинг буюк фарзанди Амир Темур илму маърифат ҳомийси, моҳир сиёсатчи сифатида узоқ йиллар ҳукм сургани, кудратли сал-

Мухтарам Ислом Абдуғаниевич!

Сизнинг ҳар бир чиқишингизни, маърузаларингизни диққат ва эътибор билан кузатиб борамиз. Доимо куюнчаклик билан барчани огоҳликка чақирасиз, кимларнингдир тегирмонига сув қуядиган, ғаразли кучларнинг фойдасини кўзлайдиган «сохта демократия»дан эҳтиёт бўлишга даъват қиласиз. Тинч ва осуда ўтаётган ҳар бир кунимизнинг қадрига етиш кераклигини, Сизнинг доно ва инсонпарвар сиёсатингиз биз учун халоскор куч эканини шу юртда истиқомат қилаётган ҳар бир фуқаро яхши англайди.

Араб ўлкасини вайронага айлантириб, фуқаролар урушини келтириб чиқарган, болани отага, фуқарони ўз президентига қарши қайрайдиган сохта «демократия» бизларга асло керак эмас, десам, юртдошларимизнинг юрагидаги сўзларни айтган бўламан. Бундай таҳдидларга қарши эл-юртимиз Сиз кўп бор таъкидлайдиган: «Танлаган йўлимиздан бизни ҳеч ким қайтара олмайди» деган ўтли даъват билан жавоб қайтариши муқаррар.

Халқимизнинг буюк фарзанди Амир Темур илму маърифат ҳомийси, мохир сиёсатчи сифатида узоқ йиллар ҳукм сургани, қудратли сал-

танат барпо этиб, элу элатларни, юртларни бир байроқ остида бирлаштиргани, раиятнинг бошини силагани, жамиятда тинчлик ва осудалик ўрнатиб, бунёдкорликни амалга оширгани тарихий ҳақиқат. Мирзо Улуғбек, Бобур Мирзо, Акбаршоҳ, Аврангзеб каби бобокалонларимизнинг ҳар бири 40 йил ва ундан ҳам зиёд давом этган ҳукмронлик даврида бор куч ва маҳорати, донишмандлигини эл-юрт тинчлиги ва ободлиги учун сарфлагани кундек равшан.

Сизнинг ташаббусингиз билан юртимизда ҳар янги йилни яхши ниятлар билан, ўзбекона кадриятларимизга мослаб, чиройли номлар билан атаймиз. Бу номлар шунчаки зеб бўлиб қолиб кетмайди. Уларнинг замиридаги мазмун-муддао давлат дастурларидан мустаҳкам ўрин олади. Дастурларга мувофиқ, она ва болани авайлаб, соғлом бола тарбиялаб, оилани мустаҳкамлаб, кексаларни эъзозлаб, шаҳару қишлоқларимизни обод қилиб, йилдан-йилга улкан марраларни забт этиб, илдам одимламоқдамиз.

Яратгандан сўрайманки, халқимизнинг бахтига узоқ йиллар соғ-омон бўлиб, бизга бош бўлиб юринг. Сизни Яратганнинг ўзи доимо паноҳида асрасин!

Абдумутал Атабаев,
Ўзбекистон мусулмонлари идораси
Жиззах вилояти вакили ўринбосари

2015 йил 26 февраль

Ассалому алайкум, ҳурматли Ислом Абдуғаниевич!

Баҳор айёми кунлари, 9 май – Хотира ва қадрлаш куни арафасида «Иккинчи жаҳон урушида қозонилган ғалабанинг 70 йиллиги» эсдалик нишони билан тақдирландим. Мукофотни қабул қилиб олар эканман, қувонганимдан кўзларим ёшга тўлди.

Мен Жиззах вилояти, Зомин тумани, Муғол қишлоғида истиқомат қиламан. 1943 йили Иккинчи жаҳон урушида 2-Белоруссия frontiда жанг қилдим. Бошимдан оғир яраланиб, урушдан соғлиғимни йўқотиб қайтдим. Ҳозирги кунда биринчи гуруҳ ногирониман. Мустақиллик тугайли бугун тўкин-сочин ҳаёт кечираётган оила бошлиқларидан бириман. Мана шундай дориламон кунларга етиб келганим учун Яратганга шукроналар айтаман. Ёшим 94 да, ўн нафар фарзандим, йигирма нафар неvara, йигирма беш нафар чеварам бор. Фарзандларимнинг кўпчилиги олий маълумотли.

Уларнинг ўқиши, ҳунар ўрганиши учун барча имкониятлар мавжуд. «Қариси бор уйнинг париси бор», деганларидек, бугун биз кексалар ҳурмат ва иззатдамиз.

Хотира ва қадрлаш куни муносабати билан Сизнинг номингиздан пул мукофотлари, телевизор ва қўл телефонлари беришди. Ахир, биз кексаларга бундан-да каттароқ эътибор бўлиши мумкинми? Чунки бундай совғаларни бериш баъзан ўз фарзандларимизнинг ҳам хаёлига келмайди. Шунинг учун ҳам туманимиздаги барча кексалар, Иккинчи жаҳон уруши қатнашчилари номидан Сизга чин дилдан миннатдорлик билдирмоқчиман.

Юртимиз келажаги, халқимиз бахтига ҳамиша соғ-омон бўлинг. Бу хатни неварамга айтиб ёздирдим.

Сизга самимий ҳурмат ва эҳтиром билан:

**Тошбек Ахмуродов,
I гуруҳ ногирони,
Жиззах вилояти, Зомин
тумани, Муғол қишлоғи**

2015 йил 2 июль

Ўзбекистон Республикаси Президенти Ислом Абдуғаниевич Каримовга

Сизнинг «Ўзбекистон мустақилликка эришиш остонасида» китобингизни жуда катта ҳаяжон билан ўқиб чиқдим. Аввало, сарлавҳаларнинг ўзиёқ ҳар бир кишини ҳайратга солади: «Ўзбекистон дунё харитасида ўзига муносиб жой олди», «Халқ иродаси билан танланган- йўл», «Демократия – қонунга ва шахсга ҳурмат демакдир», «Ўтмишдан сабоқ чиқариб, келажакка ишонч билан», «Халқимизнинг фикри – биз учун олий мезон», «Мураккаб вазиятда оқилона сиёсат юритайлик» ва ҳоказо.

«Мустақилликни эркинлик тўғрисидаги ширлар билан эмас, балки сиёсий, иқтисодий, маънавий мазмун билан тўлдириш керак» деган фикрингизни ўзимизга бош мезон қилиб олганмиз. «Халқ дарди – менинг дардим» каби сўзларингиздан сабоқ оламиз.

Сизнинг «Мустақиллик – энг аввало халқ бирлиги ва ҳамжиҳатлигидир» деган содда, аммо чуқур маънога эга бўлган сўзларингиз халқ учун қайғурганингиз, куюнганингиз исботи эмасми?

Бундан 23 йил аввал мен мактаб ўқувчиси, кўп нарсаларни тушунмас эдим, энди эслайман: отам раҳматли Сизнинг барча нутқларингизни кўз узмай тинглаб ўтирганини кўп бор кўрганман.

Энди кўп нарсаларни тушунапман, бобом урушда ватани учун қон кечса-да, урушдан кейин рўшнолик кўрмаган, чунки бош фарзанд, яъни дадам касал бўлиб бормаган доктори қолмаган, бу касални фақат чет элда даволаш мумкин бўлган, аммо чет элга...

Хуллас, бобом ҳам, дадам ҳам жуда эрта оламдан ўтиб кетишди...

Бу аламли оғриқни унутиш учун Сизнинг нутқларингизни тинглайман, китобларингизни ўқийман, мана, халқимиз учун чет элларда даволаниш у ёқда турсин, ўқиш, ишлаш учун яратган шароитларингиз... Айниқса, миллий армиямизга берган эътиборингиз мени қувонтиради. Собиқ СССР вақтида амаким Россияда хизмат қилган, ўшанда қишлоқ йигити рус тилини билмай қул бўлганини, кулги бўлганини эслаб жуда сиқилади. Соғлом бўлиб бориб, калтак еб, захга ташланиб, бир аҳволда қайтган.

1994 йили рус тилига ихтисослашган мактабни тамомладим. Дадам касаллиги сабабли шифокор бўлишни ният қилган эдим. Аммо дадамнинг ўртоғи «Қиз боланинг ўқигани нима бўлади», деб камситибди.

Сиз айтганингиздек, миллатнинг дунёдаги ўрни унинг аёлга бўлган муносабати билан белгиланади. Бу сўзларингиз кулоқларим остида жаранглайди. Шукурлар бўлсин, энди озодмиз, бевақт ўлимлар, кулик, зулмлар, босқинчилик ва жирканч қонсўрарлар йўқ.

Сизни давлат ишларидан чалғитиб хат ёзганим учун кечиринг, бу хатни ёзишимдан мақсад Сизнинг сиймонгизда азиз бобом ва отам қиёфасини кўришимни изҳор этишдир.

Оддий қишлоқ аёлининг бу фикрлари Сизга малол келган бўлса, аввалдан узр сўрайман.

Доимо Сизга Оллоҳ ёр, мададкор бўлсин!

**Умида Худойбердиева,
Жиззах вилояти, Жиззах тумани,
Ровот қишлоқ фуқаролар йиғини**

2014 йил 11 апрель

Янги йил табриги

Мен 1993 йил 11 февралда Андижон вилояти, Пахтаобод тумани, Пахтакор қишлоқ фуқаролар йиғини, Кўктўнлик маҳалла фуқаролар йиғини, «Янги аср» кўчасида туғилганман. Ёш бўлсамда, собиқ мустабид тузум ва ўша даврдаги халқимиз ҳаёти ҳақида аниқ тасаввурга эгаман. Менинг 1922 йилда туғилган бувим – Марзияхон Кенжабоева ўша пайтдаги ҳаёт ҳақида менга кўп гапириб берганлар. Бувим: «Болам, ҳозир одил ва фаровон замонда яшаяпмиз. Илгари мен тадбиркорликка қизиқардим ва бу фаолиятни амалга оширишга уринардим. Аммо тадбиркорлик қилмоқчи бўлганларни у даврда «чайқовчи, жиноятчи» деб айблаб, ўз қобилиятини рўёбга чиқаришига, янгиликлар яратишига йўл қўйилмас эди. Янги йилни кўсак чувиб кутиб олган йилларимиз кўп бўлган. «Хусусий мулк», «хусусий тадбиркорлик» деган иборалар ҳақида оғиз очиш ҳам мумкин эмасди. Диний маросимларимизга эса «эскилик сарқити» деб қаралиб, муқаддас қадамжоларимиз харобазор бўлиб қолган эди», деб таъкидлар эдилар.

Сиз айтганингиздек, миллатнинг дунёдаги ўрни унинг аёлга бўлган муносабати билан белгиланади. Бу сўзларингиз кулоқларим остида жаранглайди. Шукурлар бўлсин, энди озодмиз, бевақт ўлимлар, куллик, зулмлар, босқинчилик ва жирканч қонсўрарлар йўқ.

Сизни давлат ишларидан чалғитиб хат ёзганим учун кечиринг, бу хатни ёзишимдан мақсад Сизнинг сиймонгизда азиз бобом ва отам қиёфасини кўришимни изҳор этишдир.

Оддий қишлоқ аёлининг бу фикрлари Сизга малол келган бўлса, аввалдан узр сўрайман.

Доимо Сизга Оллоҳ ёр, мададкор бўлсин!

**Умида Худойбердиева,
Жиззах вилояти, Жиззах тумани,
Ровот қишлоқ фуқаролар йиғини**


2014 йил 11 апрель

Ҳақиқатан ҳам, менинг кўз ўнгимда содир бўлган катта-катта ўзгаришлар мустақиллигимиз меваси эканига шубҳам йўқ. Мисол учун, илгари мактабимиз нураб ётган, ташландиқ бинода жойлашган эди. 2001 йили – мен 1-синфда ўқиётган пайтимда мактабимиз таъмирланиб, унинг томи шифер билан ёпилди ва 2003 йили – мен 3-синфда ўқиётганимда эса капитал реконструкция қилиниб, бутунлай янги қиёфа касб этди. Маҳалламизнинг энг чекка худудигача асфальт ётқизиблиб, ичимлик суви тармоғи тортилди.

Фермерларимиз дала маданиятига ҳар томонлама эътибор беришни ўрганиб бормоқда. Эндиликда фермерлар ерни – менинг ерим, деб, ўз ҳосилларига ўзлари эгалик қилмоқда.

Туманимизда ҳозир иккита касб-ҳунар коллежи мавжуд. Мен ҳам кўплаб тенгдошларим қаторида Пахтаобод иқтисодиёт коллежини тамомлаб, туманимиздаги «Сувоқава» шўъба корхонасига ишга кирдим. Ишлаб, олий ўқув юртига ўқишга кириш учун астойдил тайёргарлик кўрдим. 2013 йилдан буён эса Андижон қишлоқ хўжалик институтида таҳсил олмоқдаман.

Бугунги барча ютуқларимиз мамлакатимизда «Ислоҳот ислоҳот учун эмас, аввало инсон учун, унинг манфаатлари учун» деган улуғ мақсадга хизмат қилаётганининг яққол ифодаси, деб биламан.



Яратгандан сўрайманки, бутун халкимиз, шулар қаторида менинг ва оила аъзоларим бахтига соғ-омон бўлинг. Кириб келаётган янги – 2016 йилда режалаштирган барча ишларингиз бекаму кўст амалга ошсин.

Янги йилингиз муборак бўлсин!

Сизга самимий ҳурмат билан:

Фаёзбек Кенжабоев

2015 йил 30 декабрь

Юртбошимга мактуб

Ассалому алайкум, мухтарам Ислом Абдуғаниевич,

Сизга анчадан буён мактуб йўллашни ният қилиб юрган эдим. Мен Андижон вилоятининг Хўжаобод туманида вояга етган бахтиёр ёшлардан бириман.

Биз – ёшлар учун кенг имкониятлар яратиб бергансиз. Мана шу имкониятлар натижасида 2011 йили адабиёт йўналишидаги кичик меҳнатларим эътиборга лойиқ кўрилгани боис Зулфия номидаги давлат мукофотига сазовор бўлдим.

Ростини айтсам, ҳаётим шундан сўнг бутунлай янгича маъно касб этди. Бобожон, мен юксак мукофотга сазовор бўлган куним йиллар мобайнида оғир хасталикдан азоб чекаётган онамнинг жонига жон, томирларига куч-қувват кирди ва кўзларида севинч ёшлари билан узок дуо қилдилар. Бу – мен учун яна бир катта мукофот эди. Онажонимнинг Сизга бўлган меҳри яна бир карра, минг карра ошди.

Давлатимиз томонидан юксак мукофот билан бирга менга берилган моддий тақдирловни

эса, ҳеч иккиланмасдан, акамнинг ўқиши учун тўладим. Шу йили у олий ўқув юртининг иккинчи босқичини муваффақиятли тамомлади. Ўзим орзу қилган олий ўқув юрти — Ўзбекистон давлат жаҳон тиллари университетига инглиз филологияси йўналиши бўйича имтиҳонларсиз, давлат гранти асосида ўқишга қабул қилиндим. Талаба бўлиш менга ифтихор туйғулари билан бирга, янада улкан масъулият ҳам юклади. Келажакда сиз истагандек кучли, билимли ва албатта, бахтли инсон бўлиш, шунингдек, бир неча чет тилларини мукамал ўрганиб, ўзбек адабиётини жаҳонга танитиш, қолаверса, юртимизнинг хорижий мамлакатлар билан алоқаларини янада мустаҳкамлашга муносиб ҳиссамни қўшиш меннинг энг олий мақсадимга айланди.

Конституциямизнинг 23 йиллигига бағишлаб Тошкент шаҳридаги «Ўзбекистон» анжуманлар саройида бўлиб ўтган тантанали тадбирда университетимизнинг иқтидорли талабалари қаторида иштирок этиш бахтига муяссар бўлдим.

Сиз шу анжуманда ўз маърузангизда белгилаб берган вазифаларни амалга оширишда мен ҳам албатта ўз ҳиссамни қўшишга аҳд қилдим. Маърузангизни тугатиб, мажлис аҳлига таъзим айлаб, қўлларингизни силкитганингизда, беихтиёр кўзларим севинч ёшларига тўлди.

Ёнимда жонкуяр ота-онам, Сиздек меҳрибон Юртбошим, қолаверса, илм-фан сирларидан са-

боқ берадиган устозларимнинг борлиги менинг бахтимдир.

Азиз Юртбошим, мухтарам бобожон, фурсатдан фойдаланиб, Сизни Мустақиллигимизнинг 24 йиллик айёми билан чин юракдан муборакбод этаман!

Бахтимизга ҳамиша соғ-омон бўлинг! Биз Сизни жуда яхши кўрамиз!

**Юлдузой Ўрмонова,
Андижон вилояти, Хўжаобод
шаҳри, Узун кўчаси**

2015 йил 13 август

Ассалому алайкум, Ислом Абдуғаниевич!

Мен Сиз олиб бораётган сиёсатни чин юракдан қўллаб-қувватлаб, она юртимизнинг равнақи йўлида меҳнат қилар эканман, 1995 йилда Сизга хат билан мурожаат қилган эдим. Хатда боғ яратиш истагим борлигини маълум қилган эдим. 1995 йил февралда 25 гектар яйлов ер олиб, уни обод қилишга киришдим. 1996 йили обод қилинган 10 гектар ерга пахта экиб, мўл ҳосил олишга эришдик. 1996 йилнинг кузида ўзимиз етиштирган пахтадан олинган даромад ҳисобидан Самарқанд туманидан мевали кўчатлар олиб, 5 гектар ерда оилам билан боғ яратдик. Кейин фермер хўжалигини ташкил этиб, 2009 йилгача – 14 йил давомида раҳбарлик қилдим ва шартнома режаларини ортиғи билан бажардик. Асрий чўл обод ва гўзал масканга айланди. Бу гўшага 150–170 миллион сўмдан ортиқ маблағ сарфладим. Бу ишни мен халқимга бўлган ҳурматим, Ватанимга бўлган садоқатим рамзи, деб биламан.

Энди ўзим ҳақимда қисқача маълумот берсам. 1930 йили туғилганман. Аммо туғилганман-у, машҳур шоиримиз ўз шеърисида айтганидек, шу

он бўғилганман. Чунки лаънати қизил империя – совет давлати отам Қосим Олимовни дин уламоси, деб – мен икки ойлик чақалоқлик вақтимда – қамаган ва ҳеч бир сабабсиз ўлдириб юборишган. Оилада икки акам, бир опам ва мен ногирон онажоним билан бирга бўзлаб қолганмиз.

1941 йили уруш бошланди. Акаларим тўла балоғат ёшига етмаган бўлса ҳам фронтга жўнатилди. Катта акам 1941 йили Москва остонасида, иккинчи акам эса 1943 йил Сталинградда қаҳрамонларча ҳалок бўлди. Оилада 15 ёшли опам ва мен қолдик. Деярли барча эркаклар (у вақтда фақат чўпон ва раис урушга бормас эди) фронтга кетди. Далада аёллар ва болалар ишлар эдик. 13 ёшимда колхозчи бўлиб не-не азоб-уқубатларни кўрмадим. Колхозда эртадан кечгача ишлатишар, нормани бажармаганлар қаттиқ калтакланар эди. Иш ҳақи сифатида яримта кулча ва бир коса ёрма беришарди. Одамлар оч, юришга мадори йўқ, дуч келган ерда узала тушиб ётар, айримлари ўлиб ҳам қоларди. Кўзим билан кўриб, бошимдан кечирган воқеаларни айтсам, набираларим ишонмайди. Бугунгидек фаровон кунларнинг кадрига етинглар, дейман набираларимга.

1956–1993 йилларда мактабда она тили ва адабиёт ўқитувчиси, 1995–2009 йилларда фермер хўжалиги бошлиғи бўлиб ишладим. 1995 йили Сизнинг имзоингиз билан «Шухрат» меда-

лини олганимда йиллар давомида кўксимни эзиб
ётган дард-алам юрагимдан чиқиб кетди.

Ҳозир турмушим, соғлиғим яхши. Сизнинг
ташаббусингиз билан 2015 йил юртимизда «Кек-
саларни эъзозлаш йили» деб эълон қилингани
биз – кексаларга куч-қувват бағишлаб, умримиз-
га умр қўшди, десам янглишмайман.

Яқинда бўладиган Президент сайловида хал-
қимиз Сизнинг номзодингизни тўла қўллаб-
қувватлашига ишонаман.

Сизга чексиз ҳурмат билан:


**Ғайбулла бобо Қосимов,
Бухоро вилояти, Қоракўл тумани,
Сайёд қишлоқ фуқаролар йиғини,
Солур маҳалласи, 33-уй**

2015 йил 26 январь

Ҳурматли Ислом Абдуғаниевич!

Сизни таваллуд топган кунингиз билан оилам ва маҳалладошларим номидан самимий табриклайман.

2003 йили менга «Матиз» автомашинаси-ни совға қилганингиз асло ёдимдан чиқмайди. Қаранг, шунга ҳам ўн йилдан ошиқроқ вақт ўтибди. Бу орада фарзандларимни ўқитдим, уйли-жойли қилдим. Кўплаб ютуқларга эришдим. Бугун бевосита Сизнинг раҳнамолигингизда амалга оширилаётган эзгу ишлардан халқимиз чексиз миннатдор, минг бор рози. Айниқса, биз аёлларга кўрсатаётган алоҳида эътибор, ҳурматингизни нафақат юртимизда, балки жаҳондаги барча эр йигитлар учун ибрат намунаси деб биламан. Ота учун бир оилани бошқариш заҳмати, масъулияти нақадар қийин эканини Сизга изоҳлашим, аслида, шарт эмас. Ўзбекистон деб аталган ва бугун ўттиз миллиондан зиёд фарзанди бор бўлган улкан оилага бош эканингиз, ҳар кунимизда бизга суянч, елкадош бўлиб турганингиздан қалбимизда фақат қувонч ҳиссини сезамиз.



Сизга Оллоҳдан мустаҳкам соғлик, икки дунё
саодатини тилаб қоламан. Халқимиз бахтига
омон бўлинг!

**Сожида Бердиева,
Бухоро вилояти, Вобкент тумани,
Мўминобод маҳалла фуқаролар
йиғини маслаҳатчиси**

2016 йил 5 февраль

Ассалому алайкум, хурматли Ислом Каримов!

Мен Фарғона вилояти, Фарғона тумани, Лоғон қишлоғи, Ўзбек кўчаси, 55-уйда яшовчи фуқаро Марямхон Ибрагимова бўламан. Ҳар йили 30 январь – туғилган кунингиз муносабати билан сизни эслаб дуо қиламан.

Янги – 2015 йилни «Кексаларни эъзозлаш йили» деб номлаган экансиз, шундан руҳланиб мактуб ёзмокқа жазм этдим.

Сизнинг чиқишларингизни телевизор орқали мунтазам кузатиб бораман. «Биз кеча ким эдигу бугун ким бўлдик?» деган гапларингизни эшитиб, ўйлаб қоламан. Дарҳақиқат, биз ўзи ким эдик? Беихтиёр отам ёдимга тушади. Отам Иккинчи жаҳон уруши қатнашчиси эдилар. 2004 йилда вафот этганлар. Ҳар сафар жангга кирар экан, «Ватаним ва ота-онам учун!» деб ўзларида куч тўплар эканлар. Жангларда қатнашаётиб, «Мендан ҳам бирор зурриёд қолармикан?» деб ўйлар эканлар. Худога шукур, отам беш нафар фарзанд кўрдилар. Мустақиллик туфайли чирой очган юртимиз жамолини кўрдилар. Умрининг охирларида фаровон ҳаёт кечирдилар. Отам дав-

латимиз томонидан бир неча бор тақдирланган, қатор медаллар соҳиби эди. Мен ҳам отам сингари юртимиз равнақига ҳисса қўшиб, «Кувасой цемент» акциядорлик жамиятида ишлаб, пенсияга чиқдим.

Ҳозирги ёшларга яратилаётган шароитларни кўриб, кўзимга қувонч ёшлари келади. Чунки улар орасида менинг набираларим ҳам бор. Сизнинг «Ёшларимизни, фарзандларимни бағримга босгим келади» деган сўзларингиз фарзандларим ва набираларимни руҳлантириб юборади.

Ҳар бир сўзингиз замирида улкан ҳаётий фалсафани англаймиз. «Биздан озод ва обод Ватан қолсин» деган даъватингизнинг амалий ифодаси сифатида бутун Ўзбекистон, жумладан, бизнинг Фарғонамиз ҳам гўзал гўшага айланди. Кенг ва равон йўллар, мухташам бинолар, Санъат саройи, янги стадион ва бошқа кўплаб объектларни айтиб адоғига етказиш мушкул.

Мен айна пайтда 64 ёшдаман. Вилоятларга ташрифларингизни кузатиб, жуда хурсанд бўлман. Бу сафарги ташрифингизда, албатта, бизнинг хонадонимизга кириб, меҳмон бўлишингизни истардим.

Биз оила аъзоларим, қариндош-уруғларим билан биргаликда 29 март куни бўлиб ўтадиган Президент сайловида фақат ва фақат Сизга овоз берамиз.

Менинг дилимдаги гапларимни набирам, 2-синф ўқувчиси Оллоёр Маъруфжонов қоғозга туширди. Унинг баҳолари беш. У келажакда дипломат бўлиб, гўзал Ўзбекистонимизнинг довруғини бутун дунёга таратмоқчи.

Сизни ҳамиша дуо қилиб, мустаҳкам соғлик ва қалб хотиржамлигини тилаб, хатимни якунлайман.

**Марямхон Ибрагимова,
Фарғона вилояти, Фарғона
тумани, Лоғон қишлоғи**

2015 йил 2 февраль

Ассалому алайкум, ҳурматли Ислом Абдуғаниевич!

Сизнинг халқимиз манфаатини кўзлаб олиб бораётган оқилона сиёсатингизни ҳамма қатори мен ҳам қўллаб-қувватлайман.

Бизнинг энг катта бойлигимиз – тинчлик. Бошқа айрим давлатларда ҳар хил можаро, миллатлараро низолар, хунрезлик давом этаётган бир пайтда бизнинг давлатимизда тинчлик ҳукмрон. Бунинг барчаси Сизнинг саъй-ҳаракатларингиз туфайли, деб биламан.

Мен кундалик ахборотни мунтазам кузатиб бораман.

Бугунги кунда Тошкент шаҳри таниб бўлмас даражада ўзгариб, гўзаллашган. Бу ердаги равон йўллар, кўприклар, кўркам иморатларни кўриб, инсоннинг завқи келади.

Сиз Бирлашган Миллатлар Ташкилоти йиғилишида сўзлаган нутқингизда терроризм, одам савдоси ва гиёҳвандликка қарши кураш масаласига алоҳида урғу бериб, барчага ушбу мавзу ўта долзарб эканини эслатдингиз. Кўп ўтмасдан, АҚШда 2001 йил 11 сентябрь куни бўлган портлатиш, кўпоровчилик ҳаракатидан дунё аҳли сер-

гак тортиб, Сизнинг асосли фикрларингизга тан берди.

Ўша минбарда туриб нутқ сўзлаганингизни телевидение орқали кўриб, кўзимга ёш олганман. Мана, бизнинг ҳам Президентимиз дунёга мустақил Ўзбекистонимизни танитар экан-ку, деб фахрланганман. «Биз ҳеч кимдан кам эмасмиз» деган иборангизнинг исботи шу деб биламан.

Мен немис миллатига мансуб бўлсам-да, Ўзбекистоннинг фуқароси эканимдан фахрланаман. Чунки бизнинг мамлакатимизда тинчлик-тотувлик ҳукмрон. Мустақил юртимизда турли миллатга мансуб кишилар фаровон турмуш кечирмокда. Конституциямизда тили, дини, ирқи, миллати ва ижтимоий келиб чиқишидан қатъи назар, Ўзбекистон Республикаси фуқаролари тенг ҳуқуқли экани белгилаб қўйилган.

Мен ишонаман, мустақил Ўзбекистонимизнинг келажаги буюк бўлади. У ривожланган давлатлар қаторига, албатта, киради.

Мактубимни яқунлар эканман, Сизга бахту саодат ва узоқ умр тилаб қоламан.

Ҳурмат билан:

**Анатолий Вернер,
Самарқанд вилояти, Каттакўрғон
тумани, Қозоқовул қишлоғи,
Дўстлик маҳалласи**

2015 йил 17 июнь

Хурматли Ислом ота!

Сизнинг меҳру эътиборингиз туфайли ўғлим Шохжаҳонга ўзи орзу қилиб юрган замонавий компьютер жамланмаси совға қилинди. Бу совғадан оиламиздаги барчанинг боши кўкка етди. Фарзандимнинг аъло ўқигани ва намунали хулқи Сиз томонингиздан юксак баҳоланди. Бундан мен – оддий бир она сифатида чексиз қувончга тўлдим. Кўрсатган марҳаматингиз учун Сизга Оллохдан узок умр, мустаҳкам соғлик, туганмас омад ва бахт тилайман. Ўзбек халқининг бахтига доимо соғ ва омон бўлинг, мустақил ўзбек элига бундан ҳам юксак марраларни забт этишда бош-қош бўлиб юринг.

Хурматли Президент, Сиз кам таъминланган оила ва ёш оилаларга манфаати тегадиган адолатли ва инсонпарвар, халқчил сиёсат олиб боряпсиз. Сизнинг келажак авлодга катта эътиборингиз, оталарча ғамхўр сиёсатингиз туфайли ўғлим Шохжаҳон адолатли тест синовларидан муваффақиятли ўтиб, туманимиздаги тиббиёт коллежи талабаси бўлди. Фарзандларимдан умидим жуда ҳам катта. Яқин келажакда улар мус-



тақил ўзбек диёри учун фойдаси тегадиган, жонажон юртимиз байроғини баланд кўтарадиган, содиқ фарзандлар бўлиб етишади, деган орзу-истаклар билан яшамоқдаман.

Сизни 8 декабрь – Ўзбекистон Республикаси Конституцияси куни билан ҳамимий ва қизғин муборакбод этаман.

**Юлдуз Имомова,
Самарқанд вилояти, Ургут
шаҳри, «Дўстлик» маҳалла
фуқаролар йиғини**

2014 йил 19 ноябрь

Ассалому алайкум, мухтарам Президент!

Мен «Кексаларни эъзозлаш йили» ниҳоясида Ўзбекистоннинг бир ёши улуғ фуқароси сифатида сизга миннатдорлик билдиришга жазм қилдим.

Ёшим 72 да. Мутахассислигим – тарих ва жамиятшунослик фанлари ўқитувчиси.

Сиз собиқ СССР даврида биринчилардан бўлиб, ҳеч кимдан кўрқмасдан, келажакка ишонган ҳолда, юртимизда мустақилликни эълон қилдингиз.

Шунинг баробарида тилимизни, динимизни, урф-одат ва қадриятларимизни қайтардингиз.

Биринчи эзгу ишингиз – ночор аҳволга тушиб қолган аҳолига уй-жой қуриш учун минглаб гектар ер майдонлари, қўшимча томорқалар бердингиз. Қисқа вақт ичида дон ва ёқилги мустақиллигига эришдик. Чет эллар билан ҳамкорликда қўшма корхоналар ишга туширилиб, саноат, ишлаб чиқариш, қишлоқ хўжалиги, фермерлик ҳаракати ривожига ҳисобидан кейинги ўн йилда ўсиш суръати 8 фоиздан ошиб келмоқда.

Янги темирйўл тармоқлари қурилиб, электропоездлар қатнови йўлга қўйилди ва қўйил-

моқда. Соғлиқни сақлаш ва таълим соҳаларида амалга оширилаётган самарали ишлар ҳеч бир ривожланган давлатдагидан қолишмайди. Тинчлик-омонлик, соғлиқ ва бирдамлик бўлса, бундан-да улкан натижаларга эришамиз. Қамчиқ до-вони орқали – Хитой, Форс кўрфази ва Каспий денгиз орқали Европа ва океанорти мамлакатла-рига чиқиб, савдо алоқаларини янада яхшилаш имкони ҳам туғилади, Худо хоҳласа, булар – ютуқларимизнинг бошланиши. Биз яқин кела-жакда дунёнинг тараққий топган мамлакатлари орасидан жой оламиз ва бунга ҳеч қандай шубҳа йўқ.

90-йилларда Сиз катта ишонч билан илгари сурган «Ўзбекистон – келажаги буюк давлат» де-ган шиор бугун ўзини батамом оқлади.

Бизнинг оиламиз ҳам Ўзбекистондаги бахт-ли оилалардан бири. Аёлим билан, мана, 46 йил биргаликда умргузаронлик қилдик. Худога шу-кур, набира, эвараларнинг бобоси, момосимиз. Қорнимиз тўқ, устимиз бут. Яшайдиган бошпа-намиз бор. Сигир-бузоғимиз, бир нечта кўй-эч-кимиз, курка-товуқ каби парранда ва боғимиз ҳам бор.

Совет даврида менинг аёлим колхозда чо-пиқчи бўлиб меҳнат қилди. Ғўзани чопиқ қилди, суғорди, йил ўн икки ой меҳнат қилди. 25–30 йил пилла қуртини боқиш билан шуғулланди. Лекин биримиз икки бўлмади. Бу воқеалар эсдан

чикмайди: ўша йиллари ҳовлимиз устидан самолётда бутифос дориси сепиш билан бирга, бригада бошлиғимизнинг буйруғи ва тазйиқи билан аёллар ва қизларга марлига ДДТ-гексохлором дорисини тугиб, таёқ учига илдириб, ғўзага септирдди. Бечора аёлим ва бошқа хотин-қизлар ДДТ захри таъсирида доимо кўзларидан ёш оқарди. Мана сизга, совет жамиятининг аёлларга бўлган шафқатсизлиги.

Шукурки, у кунлар ортда қолди. Бугунги фаровон кунларга етиб келдик. Ҳали бундан ҳам яхши кунлар келади. Сиз таъкидлаганингиздек, тинчлик, барқарорлик, осмонимиз мусаффо бўлса, ёмонлар ўзимиздан чиқмаса, халқимизнинг ризқи доимо бутун бўлади.

Миллионлаб кексаларнинг бири ва бахтиёр инсон сифатида сизга таъзим қиламан. Бахтимизга узоқ яшанг.

**Нишон Эсонов,
Самарқанд вилояти, Пахтачи
тумани, Мисит қишлоғи,
Жаҳонобод маҳалласи**

2015 йил 3 декабрь

**Ассалому алайкум, мухтарам
Ислом Абдуғаниевич,**

Сизнинг ташаббусингиз билан 1991 йилда ўзбек адабий тилининг асосчиси, ғазал мулкининг султони ҳазрат Мир Алишер Навоий бобомизнинг 550 йиллик таваллуд тўйи юртимизда тантанали нишонланиб, азим пойтахтимиз – Тошкент шаҳрининг марказида улуғ сиймо номи билан аталадиган Ўзбекистон Миллий боғи ҳам барпо этилди, боғ марказида шоир бобомиз ҳайкали қад кўтарди.

Мустақиллик йилларида Имом Бухорий, Имом Термизий, Имом Мотурудий, Соҳибқирон Амир Темур, Мирзо Улуғбек ва яна кўплаб бошқа буюк алломаларимизнинг муқаддас қадамжолари, мақбаралари обод қилинди, уларнинг хотирасига боғ ва хиёбонлар барпо этилди. Биз буни аждодларимизга, тарихимиз ва маданиятимизга бўлган чексиз эҳтиром намунаси деб биламиз.

Сиз олиб бораётган бунёдкорлик ишларини сўз билан таърифлаб бўлмайди. Ана шу ишларнинг натижаси сифатида бугунги кунда халқимизнинг интилувчан вакиллари, айниқса, ёш ўғил-қизларимиз илм-фан, санъат, спорт, кўйингки, бар-

ча соҳаларда жаҳон миқёсида улкан зафарларга эришиб, Ўзбекистонимизнинг доврўғини дунёга таратмоқда. Бу биз, оқсоқолларга чексиз мамнуният ва ғурур бағишлайди. Бундай ютуқлар негизда истиқлолимизнинг дастлабки кунларидан бошлаб ёшларимизга яратиб берилаётган шарт-шароитлар, юксак эътибор ётганини ҳаммамиз яхши биламиз.

Юртимизда амалга оширилаётган ҳамма ишларда инсон манфаатлари биринчи ўринга қўйилган. Буларни мамлакатимизнинг барча худудларида янги автомобиль йўллари қурилиб, борлари таъмирланиб, йўловчиларга кенг қулайликлар яратилаётгани, янгидан-янги темир йўллар қурилиб, аҳолининг узоғи яқин қилинаётгани мисолида ҳам айтиш мумкин.

Бизнинг Каттакўрғон туманимиздаги Пайшанба шаҳарчасида ҳам марказий йўлларимиз тўлиқ асфальтлаштирилиб, уларга тунги ёриткичлар ўрнатилди, йўловчилар учун барча қулайликларга эга бўлган автошоҳбекат ишга туширилди. Шунингдек, шаҳарчамизда иккита боғ, стадион, ёпик спорт мажмуаси, янги савдо ва маиший хизмат кўрсатиш муассасалари бунёд этилди. Бу каби янгиликлар туманимизнинг чекка қишлоқларида ҳам амалга ошириб келинмоқда.

Мен яқинда пойтахтимизда очилган «Китоб олами» дўконини бориб кўрдим. Ушбу мухташам кошона халқимиз, фарзандларимиз маънавияти-

ни юксалтиришга хизмат қиладиган эзгулик масканига айланганига амин бўлдим. Умрим давомида Европадаги ўндан ортиқ давлатларга бориб, уларнинг кутубхонаю китоб дўконларини кўрганман. «Китоб олами» дўконимиз уларнинг ҳеч биридан қолишмайди, деб комил ишонч билан айтишим мумкин. Ёшларимиз бу дўкондан катта қизиқиш билан китоблар харид қилаётганини кўриб, очиғи, ич-ичимдан қувондим, кайфиятим жуда кўтарилди.

Муҳтарам Ислом Абдуғаниевич,

Олиб бораётган ҳамма хайрли ишларингизда Оллоҳ Сизга мададкор бўлсин. Халқимизнинг фаровон турмуши, давлатимиз равнақи ва тинчлигини таъминлаш йўлидаги машаққатли ва шарафли ишингизда улкан муваффақиятлар тилаймиз.

Бир гуруҳ оқсоқоллар номидан:

**Қ. Аҳмедов,
Самарқанд вилояти, Каттакўрғон
тумани, Пайшанба шаҳарча
фуқаролар йиғини раиси**

2016 йил 1 февраль

Ассалому алайкум, мухтарам Ислом Абдуғаниевич!

Бугун – Сиз таваллуд топган кун, ўзбекистонлик барча аёл-қизлар, оналаримиз, опа-сингилларимиз учун қалбда шукроналик, бахтиёрлик туйғуларини мавжлантирган қутлуғ сана.

Хурматли Юртбошим,

Сиз биз, аёлларга бахту саодат улашмоқ, дардимизга дармон бўлмоқ, орзу-умидларимизга қанот бағишламоқ учун туғилгансиз!

Ахир, Сиз майдонга мардона чиқиб, бизни суямаганингизда, бугунги ёруғ кунлар тафтини ҳис эта олармидик?!

Сиз Зулфияхоним, Саидахоним тимсолида ўзбек аёлига ҳайкал қўймаганингизда, юртимиздаги юзлаб истеъдод ғунчалари – истиқлол фарзандлари Ўзбекистон аёл-қизларининг нуфузли мукофотиغا сазовор бўла олармиди?!

Сиз пушти паноҳ отамиз, ғамхўр оғамиз бўлиб шаън-шарафимизни ҳимоя қилмаганингизда, нозик қўлларимиз билан трактор рули ўрнига соғлом фарзандни бағримизга боса олармидик?!

Яратганга минг шукур! Ватанимизнинг тинчлигини, она халқимизни кўз қорачиғидек асрай-

диган, унинг учун жон куйдириб, тунларни тонгларга улайдиган Сиздек раҳнамомиз бор.

Шунинг учун биз – оналар бешиклар бошида жажжи фарзандларимизга аллалар айтамиз. Тўйларга, яхши кунларга тайёргарлик кўрамиз. Ўзимизни дунёдаги энг бахтли аёллар деб биламиз. Бу ифтихор қонимиздан, жонимиздан фарзандларимизга ўтмоқда.

Бугун фарзандларимиз Сизга ўхшагиси келяпти. Сиздан ибрат оляпти. Сиздек дунё тан олган улуғ зотга муносиб ўғил-қиз бўлишга интиляпти.

Эл-юртимиз, Ватанимиз бахтига доимо соғомон бўлишингизни тилаб:

**Хосият Бобомуродова,
Ўзбекистонда хизмат кўрсатган
маданият ходими, шоира,
Самарқанд шахри**

2016 йил 30 январь

Ҳурматли Ислом Абдуғаниевич!

Бу хатни Сизга ёзиш ёки ёзмаслик ҳақида узоқ ўйладим, чунки қимматли вақтингизни олишдан қўрқдим. Лекин ёзишга қарор қилдим. Чунки Сизга бўлган чексиз ҳурматим, ишончим сабаб кундан-кунга кучига – куч, чиройига – чирой қўшилиб бораётган Ватаннинг оддий бир фуқароси сифатида ўз миннатдорлигимни билдирмасдан туролмадим.

1991 йил 31 августда киндик қонимиз тўкилган муқаддас она Ватанимиз мустақиллиги эълон қилинган кун бугунгидек эсимда. Сиз минбардан туриб Ўзбекистонни мустақил деб эълон қилиб, 1 сентябрни Мустақиллик байрами сифатида нишонлашни таклиф қилганингизни телевизор орқали томоша қилганимда, мактабни тамомлаш арафасидаги бола эдим. Ўша пайтда мустақил бўлганимизга ўзимизча хурсанд бўлган бўлсак-да, уни қанчалик машаққатлар эвазига келганидан беҳабар бўлганмиз. Собиқ Иттифоқ раҳбарларининг катта қаршилигига, тазйиқларига ва қанча қийинчиликларга қарамасдан, Ўрта Осиё давлатлари ичида бирин-

чилардан бўлиб, мустақилликни эълон қилиш учун жуда катта матонат ва жасорат керак бўлганини бугун ич-ичимдан ҳис қиламан. Сиз ота-боболаримизнинг минг-минг йиллик орзу-си бўлган мустақилликни нафақат эълон қилдингиз, балки узоқ йиллар мустамлака бўлган, фақатгина бир томонлама, қишлоқ хўжалиги-гагина ихтисослашган қоқоқ давлатни қисқа муддатда жаҳоннинг энг илғор, индустрияси ривожланган, иқтисодий имкониятлари катта бўлган, ривожланган давлатига айлантириб, бутун дунёни лол қолдирдингиз.

«Мустақиллик арафасида ёхуд шўроларнинг сўнгги талвасаси» фильмини ўқувчиларга намойиш қилаётганимизда Сиз бошдан кечирган қийинчиликларни кўриб, кўзимда ёш билан бу ҳақиқатни юрак-юракдан ҳис қилганман. Мустақиллик аталмиш буюк неъмат шунчаки ўз-ўзидан келиб қолмаганини, уни қўлга кири-тиш қанчалик машаққатлар эвазига бўлганини ўқувчиларим онгига етказишга, уни авай-лаб-асраш ҳар биримизнинг энг олий бурчимиз эканини ҳар бир дарсимда таъкидлаб ўтишга алоҳида эътибор бераман. Оддий ҳаётий мисоллар билан уларга тушунтиришга ҳаракат қиламан.

Ўқувчиларга маънавий соатларида, ота-оналар йиғилишларида мен фойдаланадиган

энг севимли адабиётим, бу – сиз ёзган «Юксак маънавият – енгилмас куч» асаридир. Бу китобингизни ҳар сафар ўқиганимда ўзимга янги бир маъно топаман. Ўқувчиларга ва ота-оналарга ундаги фикрларингизнинг маъзини доимий сингдириб боришга ҳаракат қиламан. Чунки асарни ўқиб, моҳиятини тушунган инсонда ҳеч қачон маънавий бўшлиқ бўлмаслигига ишончим комил.

Биз энди мустақил бўлган пайтларда кўпчилик жаҳон сиёсатчилари, баъзи фуқароларимиз ҳам Ўзбекистоннинг тараққиётига шубҳа билан қараган бўлса, бугун нафақат Ўзбекистон фуқаролари, балки дунё аҳолисининг кўпчилиги ҳам Ўзбекистон фуқароси бўлиб қолишни, фарзандлари шу замин тупроғида улғайиб, вояга етишини орзу қилади. Чунки Ўзбекистонда инсон азизлигини, кексалар доимо эъзоздалигини, болалар ҳамиша эътиборда эканини бутун дунё бугун жуда яхши билади.

2015 йили китобхонлар эътиборига ҳавола этилган «Она юртимиз бахту иқболи ва буюк келажаги йўлида хизмат қилиш – энг олий саодатдир» номли янги асарингизни мен барчага ўқиб чиқишни маслаҳат берган бўлардим, агар мендан сўраса. Чунки жонажон Ватанимизнинг бугуни ҳам, эртаси ҳам, Сиз айтгандек, ўзимизга боғлиқлигини барчамиз яхши англаб етсак,

бунинг учун ўзимиз бир ёқадан бош чиқариб ҳаракат қилсак, ҳеч қандай рақиб бизга хавф соломаслиги шубҳасиз.

Биргина мен яшаётган Навоий шаҳридаги ободонлаштириш, бунёдкорлик, халқ фаровонлиги йўлида қилинаётган эзгу ишларнинг санаб-саноғига етиб бўлмайди. Буни кўриб туриб қандай хурсанд бўлмаслик, ғурурланмаслик мумкин?

Баъзи бир адашган, турли оқимлар таъсирига тушиб, ўз халқига, жонажон Ватанига қарши бош кўтарган нодонларга бундай дегим келади: эй кўрнамак, сен Ўзбекистон эришаётган ютуқларни бир бошидан санаб кўр-чи, санашга умринг етармикан? Яна қаерда Ўзбекистондек юрт, ўзбеклардек халқ бор, сен ўзинг бу юртга нолайиқсан, деб айтгим келади.

Оллоҳга минг шукурлар бўлсинки, Ўзбекистонда тинчлик-осойишталик, осмонимиз мусаффо. Шу тинчлигимизга, мустақиллигимизга ҳеч қачон кўз тегмасин, юртимиз бахтига доимо соғ бўлинг, умрингиз узок бўлсин.

**Амриддин Бобоёров,
Навоий шаҳри,
Ибн Сино кўчаси,
42-уй, 31-хонадон**

2015 йил 24 ноябрь

Ҳурматли Ислом Абдуғаниевич!

Мен 1932 йил 10 июнь куни туғилганман. Олти ўғил ва тўрт қизим ҳамда невара, чевараларим ардоғидаман. Ўзим олий маълумотли тиббиёт ходимиман. 45 йил шу соҳада ишлаб, пенсияга чиққанман.

Айни вақтда пенсияларни ўз вақтида олиб, шундай гўзал, тинч диёрда кексалик гаштини суриб юрган бахтиёр-инсонлардан бириман.

Ўзбекистон Республикаси мустақилликка эришганидан сўнг шу кунгача қанча сиёсий ва иқтисодий муаммоларни фақат халқимизнинг манфаати йўлида ҳал қилиб келаётганингиздан жуда-жуда хурсанд бўлиб кетаман. Шу юрт фуқароси сифатида Сизга қойил қоламан.

Албатта, глобал муаммолар ҳеч қайси давлатни четлаб ўтмаган. Дунё бўйича қанча халқ ва уларнинг давлат раҳбарлари бор, бирон-бир давлат йўқки, муаммоларсиз бўлса. Айрим давлатлар буткул муаммолар гирдобига тушиб қолган.

Худога шукроналар бўлсинки, Сизнинг раҳбарлигингизда давлатимизда, ўйлайманки, бундай чуқур муаммоларга йўл қўйилмайди.

Муаммо бўлмаслигининг сабаби:

- ишлаб чиқарувчиларга қанчадан-қанча имтиёзлар мавжудлиги;
- тадбиркорларнинг фаолият кўрсатиши учун эркин рақобат майдони яратиб берилгани;
- фарзандларимизнинг бепул таълим олиши;
- пенсионерлар пенсиясини ўз вақтида олиши;
- кам таъминланган оилалар кучли ижтимоий ҳимояга олингани;
- энг катта бойлигимиз – халқимизнинг тинчлигини сақлаб турганингиз, деб ўйлайман.

Шу ёшга етиб келгунимча қанча азоблар кўрмадик, ушбу кунларни ўтган асрнинг эллагинчи ёки олтмишинчи йилларида тасаввур қилиш жаннатни тасаввур этиш билан тенг эди.

2015 йил 9 май куни Хотира майдонида ўтмиш тўғрисида гапирган гапларингиз менга ёшлигимни эслатди ва кўзимда ёш, бутун вужудим билан Сизнинг сўзларингизни болаларим билан биргалликда эшитиб ўтирдик.

Бундан ташқари, Қашқадарё вилояти ғаллакорлари билан дала шийпонидаги учрашувда айтган гапларингизни эшитиб, яна қайтадан яшариб кетдим.

Ваган оиладан бошланади, деганларидек, мен ҳам катта оиланинг сардориман. Мен ва mening авлодим Сиздек буюк инсон давлатимизни бошқараётганидан Худога шукроналар қиламиз.

Менинг болаларимнинг ҳаммаси ҳам ўзининг оилавий мустақиллигига эга, ҳаммасининг ўзига яраша уй-жойи бор, уларни фақат ҳалол меҳнат билан яшашга ўргатганман.

Сиз яратиб берган шароитда меҳнат қилган одам ёмон яшаши мумкин эмас, агар меҳнат қилмас экан, нима учун яхши яшаши керак?

Маҳалламиз аҳли шунчалик меҳнаткашки, уларнинг уйларида ўтказиб келинаётган турли тўй ва маъракаларни кўриб, қувнаб кетамиз, ҳеч нарсадан камчиликлари йўқ, маҳалламизда инсон яшаши учун ҳамма шароитлар муҳайё.

Оллоҳ таоло Сизни бало-қазолардан сақласин, доимо соғ-саломат бўлинг.

**Ҳасан Бобоев,
Сурхондарё вилояти, Сариосиё
тумани, Дийдор маҳалла
фуқаролар йиғини**

2015 йил 18 август

Ассалому алайкум, мухтарам Ислом Абдуғаниевич!

Сиз билан хат орқали мулоқот қилиш бахтига сазовор бўлганимдан бахтиёрман.

Ўзбекистонимизнинг гуллаб-яшнаши, кудратли давлатга айланиши Сизнинг изчил сиёсатингиз, халқимизни тўғри йўлга бошлаб бораётганингиз туфайли эканини одамлар яхши билади.

Сиз тадбиркор ва ишбилармонларни ҳар жиҳатдан қўллаб-қувватлаётганингиз нафақат мамлакатимиз иқтисодиётини мустаҳкамлашга, балки оилалар фаровонлигини оширишга ҳам хизмат қилмоқда. Биргина мисол. Маҳаллий тадбиркорларимиз дунёга доврўғи кетган Марғилон атласи ва адрасини ишлаб чиқариш анъаналарини давом эттириб, шаҳардаги ипак корхонаси ўрнида «Экспо колор принтекс» замонавий енгил саноат корхонасини ишга туширди. Шу ҳудуддаги кўплаб хотин-қизлар ишли бўлди. Улар орасида мен ҳам борман.

Корхонамиз хориждан олиб келинган, жаҳон стандартига жавоб берадиган замонавий дастгоҳлар билан жиҳозланган. Ўзбек қизлари улар-

ни моҳирлик билан бошқариб, «Ўзбекистонда ишлаб чиқарилган» белгиси билан аъло сифатли миллий маҳсулотлар ишлаб чиқармоқда. Ҳозир тадбиркорлар корхонамизни янада кенгайтиришни режалаштирмоқда.

Сиз ҳар бир чиқишингизда барча қилаётган ишларимизнинг пировард мақсади инсон манфаатларига, халқимизнинг турмуш даражаси ортиб боришига хизмат қилиши зарурлигини кўп такрорлайсиз. Бу фикр ҳаётда ўзининг амалий ифодасини топаётганига мен келтирган биргина мисол ҳам далил бўла олади.

Корхонамизнинг барча ишчилари номидан Сизга раҳматлар айтиб, азиз халқимиз, Ватанимиз бахтига доим соғ-омон бўлишингизни тилайман.

**Феруза Ҳакимова,
Марғилон шаҳар, «Қиргули»
маҳалла фуқаролар йиғини,
Янги ҳаёт кўчаси, 44-хонадон**

2015 йил 20 октябрь

ЁШ АВЛОД ЭҲТИРОМИ

Барчамизга яхши маълумки, мустақиллик йилларида мамлакатимизда Президентимиз томонидан соғлом ва баркамол авлодни тарбиялаб, вояга етказиш бўйича зарур шароит ва имкониятлар яратилмоқда. Ёшларимиз улардан баҳраманд бўлиб униб-ўсиб, бугунги кунда ҳаётимизнинг ҳал қилувчи кучи сифатида майдонга чиқаётганига гувоҳ бўлмоқдамиз. Хусусан, ўғил-қизларимизнинг касб-ҳунар коллежлари, олий ўқув юртларида таълим-тарбия олиб, икки-учтадан замонавий билим ва касб-ҳунарлар, хорижий тилларни пухта эгаллаб, турли соҳа ва тармоқларда фаолият кўрсатаётгани, ҳаётдан ўз муносиб ўрнини топаётгани ҳаммамизни хурсанд қилади. Айниқса, уларнинг илм-фан, маданият, санъат ва спорт соҳаларида нуфузли халқаро олимпиадалар, фестивалъ ва кўрик-танловлар, спорт мусобақаларида юксак натижаларни қўлга киритиб, юртимиз байрогини баланд кўтариб келаётгани таҳсинга лойиқдир.

Энг муҳими, бундай ютуқларга эришиш асосида ёш авлодимизнинг мустаҳкам ахлоқий-

маънавий олами ҳам шаклланиб бормоқда. Улар ўзлари эришаётган барча ютуқлар учун Ўзбекистонимиз мустақиллиги, халқимизнинг фидокорона меҳнати, давлатимиз раҳбарининг ёшлар ҳақидаги доимий эътибор ва ғамхўрлиги замин бўлиб келаётганини, бу муваффақиятлар фақат дастлабки қадам эканини ҳар томонлама чуқур англамоқда. Буни давлатимиз раҳбарига йўлланган, эътиборингизга ҳавола қилинаётган хатлар ҳам тасдиқлайди.

Ассалому алайкум, ҳурматли Президент!

Мен бевосита Сизнинг ташаббусингиз билан очилган Тошкент ислом университетида 2003–2007 йилларда таҳсил олганман. Ёш бўлсам-да, янги тарихимизнинг унутилмас йилларини бошимдан кечирдим.

Ўзбекистон раҳбарининг 1993 йилда, яқин орада ўз автомобиль заводимизга эга бўламиз, деган гапларини эшитиб, баъзи бировлар, худди Ватанимиз мустақиллиги эълон қилинганида айрим депутатлар довдираб қолганидек, бу сўзларга шубҳа билан қараган эди. «Биз ёрдам бермасак, бу халқ ҳеч нарса қилолмайди, яна орқага, ёғоч аравасига қайтади», деб, бизнинг устимиздан кулмоқчи бўлганлар бугун ўзбек автомобилени кўзига суртиб сотиб олмоқда.

Ўзбекистон дунёда энг тез ривожланаётган бешта кучли давлатдан бири сифатида тан олинди.

Қишлоқ инфратузилмасини яхшилаш учун комплекс тарзда замонавий турар жойлар қуришга киришдик. Бизда кредит берган ҳам, кре-

дит олган ҳам аниқ, ҳеч ким пулни бекорга со-
вурмайди.

Қани энди, бугун бизнинг одамларимиз яша-
ётган шинам ва гўзал намунавий уйларни собик
Иттифоқ даврида энергетика ва электрлаштириш
вазири бўлиб ишлаган А. Майорец деган шахс
кўриб, ўз хатосини тушунса. У эмасми, Қашқа-
дарёда вагон-вагон цементни «олинди» деб рас-
мийлаштириб, аслида уни Уралга жўнатиш па-
йида бўлган ва халқ мулкига кўз олайтирган?

Сиз эмасми, ана шу ўта оғир вазиятда бу шахс-
нинг кўзига тик қараб, бундай ҳаққоний сўз-
ларни айтган: «Мана, бутун бошли қишлоқни
ўзингиз кўряпсиз. Қани энди, цемент бўлсаю
мустаҳкам пойдевор қуйиб, мана шу уйларни
пишиқ ғишдан тикласак! Сиз бўлса, уни Уралга
жўнатаман, дейсиз. Кўряпсизми, бу ерда ҳамма
уй лойдан, пахсадан қилинган. Агар бу халқ дав-
латнинг мулкини ўмаришни билса, мана шундай
оғир шароитда яшармиди?»

Сиз ўша пайтдаёқ жон куйдириб, бугунги озод
ва обод кунлар учун курашган эдингиз.

Ҳар йили Конституциямиз байрами арафа-
сида сўзлайдиган маърузангизни бутун дунё,
айниқса, МДХ жамоатчилиги синчковлик билан
тахлил қилади. Сиз оиланинг муқаддаслигини
исботлаб берганингизда, менимча, маърузан-
гизни қулоқчин ёрдамида тинглаётган хорижий

давлатлар элчилари ўз юртларидаги демографик инқирознинг сабабларини ҳис эта бошлайди.

Юртимизда 9 майни Хотира куни эмас, айнан Хотира ва қадрлаш куни деб эълон қилганингиз замирида ўтганларнинг руҳини эъзозлаш, тирикларнинг қадрига етишдек буюк ҳаётий ҳикмат борлигини ва бу инсонни улуғлашга қаратилган энг тўғри қарор эканини улар эътироф этишмоқда.

Маданий меросимиз топталган мустабид тузум даврини эслайлик. Бугун эса тупроғи бебаҳо заминимизда Оллоҳнинг дўстлари деб тан олинган қанча-қанча авлиёларимизнинг илгари чирқираб ётган руҳлари шод бўлмоқда.

Ўтган асрнинг 80-йилларида жафокаш халқимиз бошига «десантчи»лар хуружи, «ўзбеклар иши», «пахта иши» каби балолар ёғилган, қамақамалар кучайган таҳликали даврларда ким унинг жонига оро кирди? Собик Марказда ўтирган раҳбарларми? «Юқори»нинг топшириғи билан келган терговчиларга учрашишдан кўрқиб, Чернобиль атом электростанцияси портлаган пайтда ота-онасидан хабар олишни баҳона қилганича жуфтакни ростлаб қолган, «қонун ҳимоячиси» Бутурлинми? Фарғона вилоятида бошланган жанжал-тўполонларга «бозордаги бир тарелка қулупнай можароси» деб «сиёсий баҳо» берган Рафиқ Нишоновми? «Мен буларга бас

кела олмайман. Буларга катта ваколат берилган», деб, «десантчи»ларни кўриб, нафаси ичига тушган, «адолат пешвоси» Усатовми?

Тарих гувоҳ, ўша қалтис вазиятда республика етакчилари қилмаган мардликни Қашқадарё вилояти раҳбари сифатида Ислом Каримов бажарди. У терговсиз, суд ҳукмисиз қамоқда ётган минглаб бегуноҳ одамни зулм чангалидан тортиб олди. Манбаларда кўрсатилганидек, Ўзбекистон Компартияси Марказқўмининг тўрт нафар котиби, вилоятларнинг саккиз нафар раҳбари, республика аҳамиятига молик 62 нафар масъул шахс ҳибсга олинган ана шу оғир шароитда аввал қашқадарёлик, сўнгра ўзбекистонлик қанча-қанча юртдошларимиз қутқариб қолинди. Лекин бундай жасорат учун ўша пайтда партиядан ўчириш, сўнгра «миллатчи» деган айбловлар билан қатағон қилиш мумкин эди. Асл ўзбек ўғлони учун муштипар онаизорлар ноласи, оч-наҳор гўдаклар чинқириғи, ноилож ҳассага таянган қарияларнинг мунгли чехрасини кўриб яшаш қатағондан ҳам кўра аламли мусибат эди. Шунинг учун у ҳеч нарсадан кўркмасдан, адолат учун, ҳақиқат учун дадил курашди.

Муҳтарам Юртбошимиз келажакда халқаро терроризм ва диний экстремизмнинг инсоният бошига соладиган кулфати ҳақида кўп бор куйиниб гапирди, Афғонистон муаммосини фақат

тинч йўл билан ҳал этиш таклифини ўртага ташлади.

Гоҳида ўйлаб қоламан. Афғонистоннинг ўзи ҳам ўз тинчлиги учун Ўзбекистончалик қайғурмаган бўлса керак. Бир пайтлар бизга менимай қараган давлатлар ҳам бугун Ўзбекистоннинг аниқ ва равшан ташқи сиёсатидан, унинг ҳеч қандай ҳиссиётларга берилмасдан, турли «ҳожатбарор»ларнинг «доира»сига ўйнамасдан, ўз позициясида қатъий туриб келаётганидан ҳайратда. Айрим давлатлар «шоумен»ликка ўтган бир пайтда Ўзбекистоннинг дунёдаги тинчлик ва осойишталикка доир амалий таклифлари сиёсий майдонда ижобий қабул қилинмоқда.

Ўйлаб кўрайлик, мустақил Ўзбекистон тарихида илк орден «Соғлом авлод учун» ордени деб бежиз аталмаганининг ҳикмати эмасми бу? Ўзбекистоннинг энг олий ва устувор мақсадларидан бири – соғлом миллатни, соғлом наслини шакллантириш эканининг маҳсули эмасми бу?

Кейинги беш йилда Ўзбекистон худди бутун дунёнинг эътибор марказида тургандек. Бундай юксак эътирофнинг замирида узокни кўзлаб ишлаб чиқилган, пухта ўйланган «ўзбек модели»нинг натижалари, унинг оғишмасдан амалга оширилаётгани мужассамдир. Давлатимизнинг 2015 йилда Бирлашган Миллатлар Ташкилотининг Озиқ-овқат ва қишлоқ хўжалиги таш-

килоти томонидан озиқ-овқат хавфсизлигини таъминлаш соҳасида Мингйиллик ривожланиш мақсадларига эришгани учун бериладиган мукофотига лойиқ 14 та давлатдан бири сифатида тан олингани, СССР таркибида қашшоқ ва қолоқ республика бўлган юртимиз бугун ана шу собиқ республикалар орасида бахт индекси бўйича жаҳонда 44-ўринни эгаллаган ягона давлат экани ҳаммамизни қувонтиради. Энг асосийси, ҳозирги таҳликали, турли адоват ва қарама-қаршиликлар кучайиб бораётган замонда юртимиздаги тинчлик ва осойишталик барқарор бўлиб келаётганидир.

Ҳурматли Ислон Абдуғаниевич, миллий, диний ва маданий қадриятларимиз, ҳаққоний тарихимизни, халқимизнинг шаъни ва ғурурини тиклашдаги жонкуярлигиниз, Сиздаги ақл-идрок ва куч-қудратнинг замири қаерда, деб баъзан ўйлаб қоламан. Жавобини эса «Юксак маънавият – енгилмас куч» китобингиздаги сўзлардан топаман. Унда маънавият инсонга аждодлар ўгити, ота намунаси, она сути билан сингиши ҳақида ёзгансиз. Ҳақ гап. Эл-юртимизнинг тарихи ва эътиқодини йўқотиш илинжида шўро «дохий»ларининг қиличидан қон томиб турган оммавий қатағонлар ҳақида кўп ўқиганман, эшитганман. Шундай бир қалтис шароитда ҳалол, меҳнаткаш ва камтарин бир ўзбек хонадонида

туғилган чақалокқа «Ислом» деб ном кўйилиши
чинакамига ота намунаси ва жасорати эди.


Биз – ёшларга беминнат, оталарча ғамхўрли-
гингиз учун миннатдорлик рамзи ўларок, ўз йў-
лини топган, яқинда замонавий «Камолот» уйи-
га эга бўлган ўзбек ўғлони сифатида, елкангизга
бир тўн ёпсам, деган эзгу ниятим бор. Ниятимга
етишимга сидқидилдан ишонаман.

Яратган Сизни доимо ўз назарида, ўз паноҳи-
да сақласин!

Чексиз эҳтиром ила:

**Жонибек Шухратов,
Навоий вилояти, Кармана
тумани, «Талқоқ» маҳалла
фуқаролар йиғини**

2016 йил 5 февраль



Мустақиллигимиз абадий бўлсин!



Хурматли Ислом Абдуғаниевич!

Мустақиллик йилларида мамлакатимизда қишлоқ хўжалиги соҳасида туб ўзгаришлар амалга оширилди. Собиқ колхозлар, ширкат хўжаликлари ўрнига фермер хўжаликлари ташкил қилинган ана шундай амалий ишлардан бўлди. Аграр соҳадаги бундай улкан ўзгаришлар аввало фермерлардан катта масъулият ва ҳуқуқий билимни талаб қилади. Фермер хўжаликлари халқимизнинг ризқ-рўзини яратиш беради. Бу бо-радаги ишлар тўғри йўлга қўйилгани сабабли бо-зорларимизда арзончилик ва тўкин-сочинлик.

Сизнинг тадбиркорларни, фермерларни қўл-лаб-қувватлашингиз туфайли фермер бўлдим. Хўжалигимизда 34 гектар ер майдони бор. 2014 йилда шу ердан 50 тоннадан ошиқ дон олдим, 66 тоннадан зиёд пахта ҳосилини етиштириб давлатга топширдим. Режаларни бажаряпман, келгусида фермер хўжалигини кўп тармоқли фермер хўжалигига айлантирмоқчиман. 2013 йилда интенсив боғ яратиш учун ҳар хил мевали дарахтлар эккан эдик, у 2015 йилда тўлиқ ҳосил

берди. Шу йил томорқа еримда ҳам интенсив боғ ташкил этдим. Сабзаёт экинларидан ярим гектар ерга экспорт учун пиёз экдик. Асалари-чилик билан ҳам шуғулланмоқдамиз. Бозорларимизнинг тўкин-сочинлигини таъминлашга ўз ҳиссамизни кўшяпмиз.

Мамлакатимизнинг барча жойларида бўлганидек, биз истиқомат қилаётган Олот туманида ҳам меҳнат қилган оилалар тўқ, фаровон яшаяпти. Кўпгина хонадонларда икки-учтадан автомашина бор. Энг қувонарлиси, улар Ўзбекистонимизда ишлаб чиқарилган. Дам олиш кунлари туманимизда машиналар кўплигини кўриб, одамнинг кўзи яшнайти. Бунинг учун Сизга катта раҳмат.

Мустақиллик халқимизга беқиёс имкониятларни яратиб бергани рост. Мен ҳам бу имкониятлардан фойдаланиб, оилам билан 2012 йилнинг кузида Ҳиндистон сафарига бордим. Дехли ва Агра шаҳарлари, буюк мутафаккир, шоир бобокалонимиз Заҳириддин Муҳаммад Бобур авлодлари томонидан бунёд этилган, дунёдаги етти мўъжизанинг бири деб ном олган Тож маҳални зиёрат қилиб қайтдим.

Ўн кунлик саёҳатимиз давомида шунга иқрор бўлдикки, Ватанимиз – Ўзбекистон дунёда ягона. Шу юртнинг қадрига етиб, тупроғини

кўзларимизга суртиб, шукроналар айтсак, арзийди.

Оллоҳ Сизга узоқ умр берсин. Биз, ёшлар ҳаётда Сизга ишонамиз ва таянамиз.

Сизга ҳурмат билан, ёш фермер:

**Шерали Оташов,
Бухоро вилояти, Олот тумани,
Жумабозор қишлоқ фуқаролар
йиғини, «Жонибек Оташобод»
фермер хўжалиги раҳбари**

2015 йил 27 март

Ассалому алайкум, азиз Президентимиз!

Сизнинг шарофатингиз билан юртимизда янги замонавий уй-жойлар қурилиб, қишлоқ ва шаҳарларимиз чирой очиб, гўзал бўлиб бормоқда. Яқинда бизнинг оиламиз янги уйлardan бирини сотиб олди ва унга кўчиб кирдик. У Бухоро шаҳрида жойлашган. Уйимизга меҳмон бўлиб келсангиз, бошимиз кўкка етади. Бу биз учун улкан шарафдир.

Биз оиламизда беш кишимиз. Ойим, дадам, акам, мен ва укам аҳил ва иноқ яшаймиз. Ойим ва дадам давлат ишида ишлайди. Акам Бахтиёр – 32-мактабнинг 7-синфида, мен 5-синфда ўқийман. Укам Жаҳонгир ҳали мактабга бормади, боғча ёшида.

Бобожон! Сиз биз, болаларга барча шароитларни яратиб беряпсиз. Мен ўзим инглиз тилини ўрганмоқдаман. Инглиз тили хонаси тил ўрганишга ёрдам берадиган барча замонавий жиҳозлар билан таъминланган. Бундан ташқари, сузишга қатнайман. Бассейнимиз тоза ва озода. Бу ерда яқинда катта мусобақа ўтказилади.

Мен ҳам мусобақага тайёрланяпман. Мураббийимиз бизга кунт билан сузиш сирларини ўргатмоқда.

Сизнинг биз, болаларга кўрсатаётган чексиз ғамхўрлигингиз туфайли биз соғлом бўлиб ўсяпмиз. Мен ва оиламиз аъзолари Сизни Янги йил билан чин юракдан табриклаб, самимий ташаккуримизни изҳор қиламиз.

**Гулчеҳра Расулова,
Бухоро шаҳри, Турди Фароғий
кўчаси, 3-уй, 4-хонадон**

2014 йил 25 декабрь

Ўзбекистон Республикаси Президенти Ислом Каримовга.

Бу мактубни ёзишдан аввал кўп ўйладик, шу арзимас хат билан қимматли вақтингизни олмай-мизми, деган хаёлга бордик. Охири қалбимизда бўлган дил сўзларимизни Сизга йўллашга аҳд қилдик.

Мана, бугун юртимиз, халқимиз муҳим сиёсий воқеалар қаршисида турибди. Бу жараёнда Сизга мустақкам соғлиқ, ишларингизга янада ривож, тинчлик-хотиржамлик тилаймиз.

Сизнинг ғояларингиз, лойиҳаларингиз асосида тобора кўркамлашаётган шаҳар ва қишлоқларимизни кўрганлар, осуда ва тинч ҳаётимизга гувоҳ бўлганлар бизга ҳавас қилади. Бизнинг жонажон Қарши шаҳримиз дунёнинг энг кўҳна маданият марказларидан бири эканини айнан Сиз жаҳонга билдирдингиз. Қадрдон шаҳримиз қиёфасини бутунлай ўзгартириб юборганингиз, воҳа аҳлига алоҳида меҳр ва лутф кўрсатиб келаётганингиздан таъсирланмасликнинг иложи йўқ.

Баъзида ўйлаб қоламиз, ким билсин, буюк донишманд Абу Наср Форобий бобомиз орзу қилган давлат тизими, фозиллар бошқаруви ай-

нан бугун амалдадир. Ёки Алишер Навоий бобомиз орзу қилган Фарходлар даври келгандир. Ахир, бугунги мунаввар тонгларимиз, мусаффо осмонимиз, обод маҳалларимиз чинакам бахт ва саодатдан нишона эмасми?

Қашқадарёда иш бошлаганингизда, Сиз билан кириб келган бундёркорлик ҳавосини бугун бутун мамлакат бўйлаб, ҳатто энг чекка ва олис қишлоқларда ҳам ҳис қиламиз.

Тўғри, ютуқ бор жойда, камчиликлар ҳам топилди. Буни тан олиш керак. Мисол учун, бирор фарзандимизнинг рўзгорини бўлаклаб, алоҳида уй-жойга чиқарсак ҳам, ёш оила 15–20 йилда тўқисликка эришади. Ўзбекистонимиз ҳам бамисоли янги рўзгор, шу қисқа вақт ичида қўлга киритилган муваффақиятлар салмоғидан яқин истиқболимизнинг нақадар порлоқ эканини ҳис қиламиз, бунга ишонамиз.

Пешонамизга, халқимизнинг бахтига омон бўлинг. Элу юртимиз фаровонлиги, мамлакатимиз равнақи ва тинчлиги йўлида чарчаманг. Керак бўлса, шу юрт учун, Сиз учун кўксимизни қалқон қиламиз!

Сизга чуқур ҳурмат ва эҳтиром билан:

Суннат Қаландаров, Элмурод Қаландаров,

Қашқадарё вилояти, Нишон тумани,

Пахтакор қишлоғи

2015 йил 18 январь

Ассалому алайкум, азиз ва меҳрибон Ислом бобо!

Мен – Саида Комилова Фарҳоджон қизи, 29 мартда 12 ёшни қарши оламан. Бу йил менинг мучал йилим – қўй йили юртимиз учун кут-баракали йил бўлишига ишонаман.

Мен гарчи сайловда қатнаша олмасам-да, Президент сайлови туғилган кунимда бўлиб ўтиши мени жуда қувонтирмакда. Чунки 2015 йилнинг 29 март куни юртимиз ҳаётида тарихий кун бўлиб қолади.

Мен ўз она Ватанимни севаман, Сиз айтганингиздек, унинг келажаги буюк бўлишига ўз ҳиссамни қўшиш учун кунт билан ўқиб ўрганмоқчиман.

Ўзим каби минглаб тенгдошларим ва жонажон юртимиз бахти учун Сизнинг яна Президент этиб сайланишингизни жуда ҳам хоҳлар эдим. Бу – менинг туғилган кунимга энг яхши совға бўлар эди.

Мен Сизга ва бутун Ўзбекистон халқига тинчлик-омонлик тилайман.

Менинг юртим – Ўзбекистон,
Таърифига тилим ожиз.



Президентим Ислом бобом –
Бизлар учун жондек азиз.

Боболардан бизга мерос
Соғлом турмуш, эзгу фикр.
Юртбошимиз сўзлари рост:
Демок керак доим шукур.

Хурмат билан:

**Саидахон Комилова,
Андижон вилояти,
Кўрғонтепа тумани, Чимён
қишлоғи, 27-мактабнинг
5-«В» синф ўқувчиси**

2015 йил 2 март

Президент бобомга хат

Ассалому алайкум, азиз бобожон! Мен – 1-«Б» синф ўқувчисиман. 2 сентябрь – Билимлар кунида берган совғаларингиз учун катта раҳмат. Бобожон, таваллуд кунингиз билан табриклаб, Сизга совға сифатида кундалик дафтаримдаги «5» баҳоларимни жўнатяпман. Узоқ умр кўринг. Мен катта бўлсам, Сиз ўйлаган зўр инсон бўламан. Доимо соғ бўлинг!

**Жаҳонгир Ваҳобжонов,
Андижон вилояти,
Пахтаобод туманидаги
6-мактабнинг 1-синф
ўқувчиси**

2015 йил 3 февраль

Ассалому алайкум, Ислом Абдуғаниевич!

Сизни кириб келаётган таваллуд айёмингиз билан самимий табриклаймиз. Сизга узоқ умр, сиҳат-саломатлик тилаймиз ва Яратгандан дунё тургунча туришингизни сўраймиз.

Биз – Андижон санъат коллежи мусикий-назарий фанлар йўналишининг 1-курс ўқувчиларимиз. Коллежимиздан кўплаб таниқли созандаю хонандалар етишиб чиққан. Ўтган йили академик хонандалик йўналиши бўйича халқаро кўрик-танловда биринчи ўрин соҳиби бўлган Барно Исматуллаева ҳам шу даргоҳда таълим олган. Бу опамиз ҳозирги кунда Ўзбекистон давлат консерваториясини тамомламоқда. Барно опамизнинг бундай ютуқларга эришишида аввало Сизнинг хизматларингиз, сўнгра устозларимизнинг меҳнатлари катта.

Бугун биз – ёшлар Андижон кун сайин гуллаб-яшнаётганини, бу ердаги беқиёс ўзгаришларни кўриб қувонмоқдамиз. Нафақат Андижонда, балки мамлакатимизнинг барча ҳудудларида чиройли кўчалар, кўркам бинолар, ўқув муассасалари, боғчалар, истироҳат масканлари бунёд этилиб,

она юртимиз қиёфаси кун сайин гўзал бўлаётганига гувоҳмиз. Бундай ўзгаришлар ва ҳар бир инсонга қаратилаётган меҳр-эътибор учун Сиздан миннатдормиз.

Ўз навбатида, биз ўзимизнинг аъло баҳоларимиз, намунали хулқимиз билан доимо сизнинг меҳрингизга муносиб бўлишга интиламиз. Ўзбек санъатини юқори поғоналарга олиб чиқишда Сиз бизга яратиб берган кенг имкониятлар бор, бизда куч, билим, истеъдод, қулай ижодий шарт-шароитлар етарли. Шу боис мумтоз мусиқамиз, миллий куй-қўшиқларимиз сеҳрини дунёга ёйишга ваъда берамиз.

Яна бир бор Сизга сиҳат-саломатлик тилаб:

**Сарвиноз, Буойша, Мадина,
Дилафруз, Нилуфар, Мубина,
Камола, Зилола, Гулишайдо**

**Андижон санъат коллежининг
1-босқич ўқувчилари**

2015 йил 3 февраль

Меҳрибон бобожон

Улуғ элнинг сарбони,
Озод Ватан боғбони,
Болаларга меҳрибон –
Сизсиз, Ислом бобожон.

Кундан-кун очар чирой,
Шаҳар, қишлоқ – ҳамма жой,
Бизни кутар мактаблар,
Оламиз илму ҳунар.

Озод юртда тинч, аҳил,
Соғлом, танти ва оқил
Инсон бўламиз албат,
Бобожон, сизга раҳмат!

**Диёра Норова,
Бухоро шаҳридаги
34-мактабнинг
6-синф ўқувчиси**

2015 йил 2 февраль

Президентимизга мактуб

Ассалому алайкум, муҳтарам Президентимиз Ислом Абдуғаниевич Каримов. Ушбу мактубни Янгийўл туманидаги 2-умумий ўрта таълим мактабининг битирувчилари – азиз фарзандларингиз йўлламоқда.

Мана, 9 йилдирки, Сизнинг ғамхўрлигингиз остида ўқиб, билим олиб, улғайдик. Сиз берган ўқув анжомлари тўла мактаб сумкаси, дарсликлар, компьютер ва мультимедия воситалари, ўқув жиҳозларидан фойдаланиб, барча қулайликларга эга бўлган таълим масканида таҳсил олдик. Меҳрибон устозларимиз бизга дунёвий, табиий, ижтимоий, сиёсий ва аниқ фанлардан сабоқ бердилар.

Шукурки, осмонимиз мусаффо, юртимиз тинч, биз фақат замонавий илму ҳунарларни ўрганиш, келгусида элу юртимиз учун муносиб фарзандлар бўлиш ҳақида ўйлаймиз, холос.

Ватанимиз тарихини ўрганиб, шунга иқрор бўлдикки, аждодларимиз шу пайтгача бундай дориламон кунларни, бундай обод ва фаровон замонни кўрмаган экан. Шу боис фахру ифтихор

билан «Биз – истиқлол фарзандларимиз» десак, арзийди.

Сиз доимо биз – ёшларнинг бахтимиз, келажакимиз ҳақида ғамхўрлик қилмоқдасиз. Биз учун янги-янги имкониятларни яратиб бермоқдасиз.

Биз ҳақиқатан ҳам бахтиёр ёшлармиз, етуқлик шаҳодатномаси ва Ўзбекистон Республикаси фуқаролиги паспортини олиш бизга мустақиллигимизнинг 25 йиллик қутлуғ тўйи арафасида насиб этмоқда. Аъло баҳоларимиз, намунали хулқимиз, илму маърифатда эришган ютуқларимиз ушбу тўйга тўёна бўлсин.

Буюк аждодларимизнинг руҳи поклари ҳаққи-ҳурмати биз Ватанимизни кўз қорачиғидек асрашга, уни гуллаб-яшнатишга, биздан кейинги авлодга озод ва обод Ватан қолдиришга, халқимизнинг берган нону тузини оқлашга, ҳар жабҳада Сиздек маънавий жасорат ва шижоат кўрсатишга, она юртимиз бахту иқболи йўлида хизмат қилишга ваъда берамиз.

Бахтимизга ҳамиша омон бўлинг.

Чуқур ҳурмат-эҳтиром туйғулари билан:

Тошкент вилояти Янгийўл туманидаги 2-умумий ўрта таълим мактабининг битирувчилари.

2016 йил 25 апрель

Хурматли Ислом Абдуғаниевич!

Мен болалигимдан халқимга фойдаси тегадиган фарзанд бўлишни орзу қилгандим. Мана, орзуларимга эришдим. 2014 йили Қўқон тиббиёт коллежини тамомлаб, Данғара тумани марказий тиббиёт бирлашмаси умумий жарроҳлик бўлимига ишга қабул қилиндим. Ўз касбининг фидойилари бўлган ҳамкасбларим билим ва кўникмаларини менга ўргатиб, келажақда шу соҳанинг етук мутахассиси бўлишимга ўз хиссаларини кўшмоқда.

Мен 2014 йили Ўзбекистон Республикаси Олий Мажлиси Қонунчилик палатаси ва маҳаллий кенгашларига бўлиб ўтган сайловда биринчи марта овоз бердим. 2015 йилда, Наврўз айёмини нишонлаганимиздан сўнг, 29 март куни ўтказиладиган Президентлик сайловида фаол иштирок этиб, Сиз учун овоз бераман.

Сизга ўта масъулиятли фаолиятингизда муваффақиятлар, ўз соҳамдан келиб чиқиб, инсонлар учун энг зарур бўлган сиҳат-саломатлик тилаб қоламан.

**Гулбахорхон Йўлдошева,
Фарғона вилояти, Данғара
тумани, Яшик қишлоғи**

2015 йил 29 январь



Ассалому алайкум, азиз ва меҳрибон Ислом ота!

Сизни Ўзбекистон Республикаси мустақиллигининг 24 йиллиги билан кутлашга ижозат бергайсиз.

Мен – Муроджон Кенжабоев 1992 йили Сирдарё вилоятининг Гулистон шаҳрида оддий ишчи оиласида туғилганман. Ҳозирги кунда Хитой Халқ Республикасида таҳсил оляпман. Кўп давлатларда бўлдим. Ишонч ила айтишим мумкинки, бизнинг Ўзбекистонимиздек азиз юрт бутун дунёда бўлмаса керак.

Хитой Халқ Республикасида бир йилдан бунён ўқиб келмоқдаман. Кўпинча тенгдошларим билан бахслашиб қоламан. Турли юртлардан келган, биз билан бирга таҳсил олаётган талабалар орасида Ўзбекистон ҳақида холис ва адолатли тасаввурни шакллантиришга аҳд қилдим. Ўзбекистон – она Ватаним ҳақида олган кичик хужжатли фильмни талаба дўстларимга намойиш этиб бердим. Улар юртимиз манзараларини, одамларимизни, халқимизнинг тинчлик-осойишталикда яшаётганини, давлатимиз жадал ривожланиб бораётгани ҳақидаги маълумотлардан хабардор бўлгач, бизга ҳавас қи-



лишди. Сизнинг раҳнамолигингизда халқимиз тараққиёт йўлини танлашда адашмаганини бугун ҳаётнинг ўзи исботлаб турибди.

Ҳурматли Президентимиз, халқимиз Мустақилликни осонлик билан қўлга киритгани йўқ. Шунинг учун истиқлолимизни асраш, ардоқлаш, келажак авлодларга озод ва обод Ватан қолдириш биз – ёшларнинг ҳам улуғ мақсадимиз, вазифамиз ҳамда бурчимиз, деб биламан.

Ҳурмат билан:

Муроджон Кенжабоев

2015 йил 7 сентябрь

Ассалому алайкум, ҳурматли Президентимиз Ислом бобо!

Мен 2007 йилда туғилганман. 2010 йилда ота-онам оламдан ўтишган. Ҳозирги кунда онамнинг ота-онаси ва холамнинг қарамоғидаман. Опоқим ва бувим нафақада.

Мактуб йўллашимдан мақсад – Фарғона вилояти марказида ташкил этилган Президент арчаси тадбирига таклиф этилганимдир. Ўша куни мен ва мен каби ота-она меҳрига ташна болакайлар арча атрофида қувнаб, Сиз юборган байрам совғаларини олиб қайтдик.

Ўзим Қўқон шаҳридаги 20-мактабда ўқийман. Ўқишларим яхши. 2016 йилни мамлакатимизда «Соғлом она ва бола йили» деб эълон қилганингизни эшитиб, шундай қувондимки, севинчимнинг чеки йўқ. Ҳеч қайси юртда биздек болаларга Президент томонидан ғамхўрлик бу қадар юқори эмас. Мен шундай юртда яшаётганимдан ва Сиздек бобом борлигидан ғурурланаман.



Сизни 30 январь – таваллуд топган кунингиз билан чин қалбдан опоқим, бувим, оила аъзоларимиз ҳамда ўз номимдан табриклаб, Сизга узок умр, бахт-саодат тилайман.

Барча эзгу ниятларимиз амалга ошишини тилаб, Сизга мактуб йўлловчи:

**Жасурбек Аҳмаджонов,
Фарғона вилояти,
Қўқон шаҳри, Хўқандий
мавзеси, 111-уй,
29-хонадон**

2016 йил 5 январь

Ассалому алайкум, мухтарам Ислом Абдуғаниевич!

Ушбу хатни ёзишимдан асосий мақсад биз — ёшларнинг кучли, билимли ва саодатли бўлиши йўлида шароит ҳамда имкониятлар яратиб бераётганингиз учун миннатдорлик билдиришдир.

Сизнинг ҳар бир маърузангизни тинглаб, ўқиб борамиз. Уларда турли соҳалар ривожини кўзлаб айтган сўзларингиз, йўл-йўриқларингиз бугун биз эришаётган ютуқларга туртки бўлмоқда. Ана шундай самимий нутқларингиздан бирида: «Мен ёшларимизни, болаларимизни ҳақиқатан ҳам яхши кўраман. Керак бўлса, улар учун жонимни ҳам беришга тайёрман» деган эдингиз. Сизнинг бу сўзларингиз менинг орзулар сари интилишимга қанот бағишлади.

Талабалик давримда имкон қадар изландим, билимларимни бойитишга уриндим. Бугунги кунда юртимиздаги таълим-тарбия соҳасида олиб борилаётган ислохотлар ва кўрсатилаётган ғамхўрликлар, айниқса, чет тилларни мукамал ўрганишга қаратилаётган эътибор мақсадимни янада қатъийлаштирди.

2007 йили умумтаълим мактаблари ўқувчилари ўртасида ўтказилган фан олимпиадасининг республика босқичида қатнашиб, немис тили йўналишида ғолиб бўлдим. Ўша йили имтиёзли равишда Жаҳон иқтисодиёти ва дипломатия университетига давлат гранти асосида ўқишга қабул қилиндим. 2009 йили эса мамлакатимиз миқёсида ўтказилган фан олимпиадасида ҳам иштирок этиб, иккинчи ўринни қўлга киритдим.

Ана шу кичик муваффақиятларим Сиз ва ҳукуматимиз томонидан юқори баҳоланиб, шахримизда бунёд этилган «Камолот» уйларида бирининг соҳибасига айландим. Бугунги кунда ўз оилам, фарзандларим билан ушбу уйда бахтли яшайпмиз.

Ана шундай жонкуярликларингиз учун, биз каби ёшларнинг эзгу орзу-мақсадларини қўллаб-қувватлаётганингиз учун Сиздан бениҳоя миннатдормиз.

**Нигорахон Саидова,
Фарғона вилояти,
Марғилон шаҳри,
Янги чек кўчаси, 31-уй**

2016 йил 15 январь

Ассалому алайкум, бобожон!

Сизни кутлуғ ёшингиз билан табриклаб, сиз-
хат-саломатлик тилайман.

Ойим – ўқитувчи. Сиз ҳақингизда ўқувчи-
ларига ҳам, менга ҳам доимо фахрланиб гапиради-
лар. Уларнинг айтишича, сиздек Юртбошимиз
борлиги – биз учун катта бахт.

Биринчи синфга борганимизда мен ва дўстла-
рим Сиз юборган совғаларни олдик. Бизга жуда
ёқди. Бунинг учун катта раҳмат. Ҳозир саккиз
ёшдаман. Аъло баҳоларга ўқиб, келажакда ши-
фокор бўлмоқчиман. Ойим ва ўқитувчиларимиз
айтганидек, атрофдагиларга ёрдамимиз тегади-
ган инсон бўламиз.

**Абдусаматова Эъзога Акмалжон кизи,
Фарғона вилояти, Олтиариқ тумани,
Мирфозил кўчаси, 165-уй**

2016 йил 5 февраль

2007 йили умумтаълим мактаблари ўқувчилари ўртасида ўтказилган фан олимпиадасининг республика босқичида қатнашиб, немис тили йўналишида ғолиб бўлдим. Ўша йили имтиёзли равишда Жаҳон иқтисодиёти ва дипломатия университетига давлат гранти асосида ўқишга қабул қилиндим. 2009 йили эса мамлакатимиз миқёсида ўтказилган фан олимпиадасида ҳам иштирок этиб, иккинчи ўринни қўлга киритдим.

Ана шу кичик муваффақиятларим Сиз ва ҳукуматимиз томонидан юқори баҳоланиб, шахримизда бунёд этилган «Камолот» уйларида бирининг соҳибасига айландим. Бугунги кунда ўз оилам, фарзандларим билан ушбу уйда бахтли яшайпмиз.

Ана шундай жонкуярликларингиз учун, биз каби ёшларнинг эзгу орзу-мақсадларини қўллаб-қувватлаётганингиз учун Сиздан бениҳоя миннатдоримиз.

**Нигорахон Саидова,
Фарғона вилояти,
Марғилон шаҳри,
Янги чек кўчаси, 31-уй**

2016 йил 15 январь

Ассалому алайкум, бобожон!

Сизни кутлуғ ёшингиз билан табриклаб, сихат-саломатлик тилайман.

Ойим – ўқитувчи. Сиз ҳақингизда ўқувчиларига ҳам, менга ҳам доимо фахрланиб гапирадилар. Уларнинг айтишича, сиздек Юртбошимиз борлиги – биз учун катта бахт.

Биринчи синфга борганимизда мен ва дўстларим Сиз юборган совғаларни олдик. Бизга жуда ёқди. Бунинг учун катта раҳмат. Ҳозир саккиз ёшдаман. Аъло баҳоларга ўқиб, келажакда шифокор бўлмоқчиман. Ойим ва ўқитувчиларимиз айтганидек, атрофдагиларга ёрдамимиз тегадиган инсон бўламиз.

**Абдусаматова Эъзога Акмалжон қизи,
Фарғона вилояти, Олтиариқ тумани,
Мирфозил кўчаси, 165-уй**

2016 йил 5 февраль

Табрик хати

Ассалому алайкум, ҳурматли ва қадрдон, Ислом бобом!

Мен сизни 30 январь – таваллуд топган кунингиз билан қутлайман. Сизнинг биздек жажжи болажонларга яратган имкониятларингиз, эътиборингиз туфайли мен 2014 йилнинг 14 декабрь куни Тошкент шаҳрида бўлиб ўтган ўзбек жанг санъати спорт мусобақасида биринчи ўринни эгаллаб, чемпион бўлдим. Бунинг учун Сиздан миннатдорман. Мен ҳозир «аъло» баҳоларга ўқияпман, инглиз тилини ўрганияпман. Келажакда катта ютуқларга эришишга ҳаракат қиламан.

Бобожон, 2015 йилнинг 29 март куни бўлиб ўтадиган Президент сайловида Сизга омад тилайман. Бахтимизга доимо соғ бўлинг.

**Нурзодбек Махсадов,
Сурхондарё вилояти Денов туманидаги
1-умумтаълим мактабининг
1-«А» синф ўқувчиси**

2015 йил 4 февраль

Ассалому алайкум, ҳурматли Ислом бобо!

Бугун – 2014 йил 30 январь куни шу хатни опам билан бирга ёзямиз. Авваламбор, туғилган кунингиз билан табриклайман, доимо соғ-саломат бўлинг.

Мен ҳозир Термиз шаҳридаги «Алпомиш» спорт мажмуасида гимнастика билан шуғулланаяпман. Биз, болаларга шундай чиройли ва катта спорт заллари куриб берганингиз учун катта раҳмат. Жаҳон чемпиони бўлганимда, олтин медали Сизнинг кўлингиздан олишни истайман.

Ислом бобо, биз оилада уч қиз, бир ўғилмиз. Хатимни ўқишингизни, шу билан Сизни хурсанд қилишни хоҳлайман. Насиб этса, Сизга яна хат ёзаман. Уйимизда дунё харитаси бор. Опаларим байроғимизни ва бошқа давлат байроқларини ҳам ўргатишган. Энг чиройлиси – бизнинг байроғимиз. Чемпион бўлиб, байроғимизни баланд кўтарганимда ҳам Сиз доимо соғ бўлиб юринг.

Туғилган кунингиз муборак бўлсин, ҳурматли Ислом бобо!

**Сумайя Санақулова,
Сурхондарё вилояти, Термиз шаҳри**

2014 йил 12 февраль

Табрикнома

Ассалому алайкум, азиз ва муҳтарам Юртбошимиз Ислом бобо! Сизни яқинлашиб келаётган таваллуд айёмингиз билан чин қалбимдан табриклайман.

Бобожон, мен ўтган йили биринчи синфда Сиз юборган совғаларни олдим. Бунинг учун барча синфдошларим номидан Сизга катта раҳмат айтаман. Биз бундан жуда қувондик.

Дадам, онам, оила аъзоларимиз, синфдошларим ва устозим номидан сизни яна бир бор табриклаб:

**Хадича Эргашева,
Сурхондарё вилояти,
Шеробод туманидаги
42-мактабнинг 2-«Г» синф
ўқувчиси**

2015 йил 5 февраль

Ассалому алайкум, кадрли Ислом Абдуғаниевич!

Авваламбор, Сизни туғилган кунингиз билан чин юракдан табриклайман. Сизга узоқ умр, бахт-саодат ва инсон учун ҳамиша зарур бўлган соғлик-саломатлик тилайман.

Мана, мустақиллигимизга 24 йил тўлмоқда. Шу қисқа вақт ичида жуда катта ютуқларга эришдик. Хусусан, қишлоқларимизда ҳар томонлама қулай уй-жойлар, мактаблар, лицей ва коллежлар, болалар учун стадионлар, муסיқа ва санъат мактаблари қурилмоқда.

Биз – Учқўрғон ёшлари Сиздан жуда хурсандмиз, бобожон. Биз шу азиз Ватанда туғилиб ўсганимиздан, Сиздек меҳрибон Юртбошимиз борлигидан бахтиёрмиз. 2015 йилни «Кексаларни эъозлаш йили» деб эълон қилганингиз бизни беҳад шод қилди. Айтишларича, қайсики юртда қариялар эъозланса, уларга меҳр ва мурувват кўрсатилса, ўша юртда албатта тинчлик қарор топар, хонадонларга файзу барака ёғилар экан. Сизнинг кекса авлод вакилларига билдирган ҳурмат ва эътиборингиз, дарҳақиқат, маҳаллаларга, хонадонларга файз ҳамда хотиржамлик бағишлади.



Дунёда инсоннинг бахтли яшаши учун нима керак? Ҳеч шубҳасиз, энг аввало, озодлик ва тинчлик зарур. Сиз туфайли ўзбек халқи шу икки неъматга эга бўлди.

Сиз кўп такрорлайдиган бир ҳикматли сўзингиз доим хаёлимда чарх уради: «Юртимиз тинч, осмонимиз мусаффо бўлсин!» Ушбу сўзлар замирида жуда катта маънони илғайман.

Бахтимизга ҳамиша соғ-саломат бўлинг!

**Бахтиёр Неъматов,
Наманган вилояти, Учқўрғон тумани,
Қайқи қишлоқ фуқаролар йиғини,
Аҳмад Яссавий кўчаси, 31-уй**

2015 йил 3 февраль



Ассалому алайкум, хурматли Ислом Абдуғаниевич!

Мен 1997 йили Наманган давлат университетини иқтисодиёт мутахассислиги бўйича имтиёзли диплом билан тамомладим. Мустақиллигимизнинг дастлабки йилларида Сизнинг ташаббусингиз билан ёшларнинг чет давлатларда таҳсил олишлари ва тажриба алмашиши мақсадида ташкил қилинган «Умид» жамғармаси томонидан ўтказилган танловда иштирок этиб, Америка Қўшма Штатларининг Иллинойс университетига Урбана-Шампейн иқтисодиёт таълим йўналишини муваффақиятли яқунлаб, магистрлик дипломига эга бўлдим.

Таҳсилни тугатиб, юртимиздаги бир неча ташкилотда меҳнат қилдим. Жумладан, «Саноаткурилишбанк»нинг Наманган вилояти бўлимида мутахассис, «Ўзбекинвест» миллий экспорт-импорт суғурта компаниясида катта андеррайтер ва Наманган муҳандислик педагогика институтида тўққиз йилдан зиёд халқаро алоқалар бўлими бошлиғи ва халқаро алоқалар бўйича проректор вазифаларида ишладим. Сўнгги йилларда Германия, Бельгия ва Қозоғистон каби давлатларнинг

олий ўқув юртларида иқтисодиёт ва молия йўналишлари бўйича маърузалар ўқиб келмоқдаман. Юртимизда таълим соҳасида ташкил этилган «Истеъдод» жамғармаси тадбирларида фаол иштирок этяпман.

Тадбиркорликка берилаётган кенг имкониятлардан мен ҳам фойдаланиб, яқин кунларда вилоятимизда нодавлат мактабгача таълим муассасасини очмоқчиман. Бу муассаса юқори интеллектуал салоҳиятли ёшларни жамиятимизга тарбиялаб беришга хизмат қилади, деган умиддаман. Шу билан бирга, ушбу муассаса олий ва ўрта махсус таълим муассасаларини муваффақиятли яқунлаган ёшларимизни иш билан таъминлайди.

Ҳурматли Ислом Абдуғаниевич,

Сизнинг «Пок ниятли Наманган аҳлининг меҳнати ва шижоатига мен доимо чуқур ҳурмат билан қарайман» деган сўзларингиз бизга кўтаринки руҳ бағишлайди.

Сизга юксак ҳурмат ва эҳтиром билан:

**Аҳадхон Нажмитдинов,
Наманган вилояти,
Наманган шаҳри,
Ахсикент маҳалласи**

2015 йил 16 октябрь

ЖАҲОН АҲЛИНИНГ ЮКСАК ЭЪТИРОФИ

Ушбу бўлимдан хорижий давлатлар бошлиқлари, халқаро миқёсдаги атоқли сиёсат арбоблари, чет давлатларнинг фуқаролари номидан Ўзбекистон Республикаси Президентига келган ҳамда давлатимиз раҳбарининг чет эл фуқароларига йўллаган хатлари ўрин олган.

Бу мактубларни ўқир эканмиз, аввало, улар давлатлар ва халқлар ўртасидаги дўстлик ва ҳамкорлик, иқтисодий-сиёсий ва маданий алоқаларни мустаҳкамлашда муҳим восита бўлиб қолаётганини кўрамиз. Шу билан бирга, бу хатлар мамлакатимизнинг жаҳон майдонидаги обрў-эътибори, нуфузи ва мавқеи тобора ортиб бораётганидан, Ўзбекистонда олиб борилаётган кенг кўламли ислохотлар ҳамда уларнинг натижалари халқаро ҳамжамиятнинг катта қизиқиши ва эътиборини уйғотаётганидан далолат беради.

Ўзбекистон Республикаси Президенти Ислом Каримов Жаноби Олийларига

Жаноби Олийлари,

Сизни Ўзбекистон Республикаси Президенти лавозимига киришиш тантанали маросими муносабати билан табриклашга ижозат бергайсиз.

БМТ ва Сизнинг мамлакатингиз ўртасида халқаро ва миллий даражадаги ҳамкорлик Ўзбекистон халқи ва бутун минтақа манфаатлари йўлида барча йўналишларда, жумладан, тинчлик ва хавфсизлик, терроризмга қарши курашиш, инсон ҳуқуқлари ва барқарор тараққиёт масалалари бўйича янада ривожланишига ишонаман.

Жаноби Олийлари, Сизга бўлган юксак эътиромимни қабул қилгайсиз.

**Пан Ги Мун,
Бирлашган Миллатлар Ташкилоти
Бош котиби**

2015 йил 10 апрель

Ўзбекистон Республикаси Президенти Ислом Каримов Жаноби Олийларига

Муҳтарам Президент Жаноби Олийлари,

Сиз Президент лавозимида навбатдаги муддатда иш бошлаётганингиз муносабати билан Сизга ва Ўзбекистон халқига тинчлик ва раванк тилайман.

Америка Қўшма Штатлари ва Ўзбекистон ўртасида муштарак манфаатлар мавжуд бўлиб, улар ўзаро муносабатларимизнинг мустаҳкам ва изчил ривожланишида муҳим аҳамият касб этмоқда. Шунингдек, биз кўплаб умумий таҳдидларга ҳам дуч келмоқдамиз. Ўзаро ҳамкорлигимиз икки томонлама муносабатларимиз кенгайишига, шериклигимиз халқларимиз фаровонлигини янада юксалтиришга хизмат қилади.

Бугунги таҳликали дунёда доимий барқарорлик ва хавфсизликка демократик ва масъулиятли бошқарувсиз, жумладан, асосий ҳуқуқ ва эркинликларга риоя қилмасдан эришиб бўлмайди. Президент лавозимида янги муддатдаги фаолиятингизда ушбу муҳим масалалар бўйича Сиз билан ҳамкорликни давом эттириш ниятидаман.



Америка халқи номидан Ўзбекистон халқига
эзгу истакларимни йўллаб, мамлакатингизга
тинчлик ва тараққиёт тилайман.

Эҳтиром билан:

**Барак Обама,
Америка Қўшма Штатлари
Президенти**

2015 йил 4 апрель

Ўзбекистон Республикаси Президенти Ислом Каримов Жаноби Олийларига

Мухтарам Ислом Абдуғаниевич,

Президент сайловида ишончли ғалаба қозонганингиз билан Сизни чин қалбимдан самимий муборакбод этаман.

Овоз бериш натижалари Сизнинг ўз халқингиз ўртасидаги юксак обрў-эътиборингизни тўлиқ тасдиқламоқда. Бу, ҳеч шубҳасиз, Сизнинг давлат раҳбари лавозимидаги хизматларингиз, Ўзбекистонни ижтимоий-иқтисодий ривожлантириш борасидаги долзарб вазифаларни ҳал қилишда эришилган ютуқлар кенг миқёсда эътироф этилганининг яна бир ёрқин далилидир.

Россия ва Ўзбекистон ўртасидаги иттифоқчилик ва стратегик ҳамкорлик муносабатларини мустаҳкамлашда Сизнинг улкан шахсий ҳиссангиз борлигини алоҳида таъкидламоқчиман.

Икки томонлама алоқаларимизнинг бутун тизимини, минтақавий ва халқаро ишларда конструктив ҳамкорликни янада жадал, комплекс равишда ривожлантириш бўйича дўстона

мулоқотимизни, яқин ҳамкорликдаги фаолияти-
мизни давом эттирамиз, деб умид қиламан.

Давлат фаолиятингизда Сизга чин қалбимдан
сиҳат-саломатлик, янги ютуқлар, халқингизга
равнақ ва фаровонлик тилаб қоламан.

Эҳтиром ила:

**Владимир Путин,
Россия Федерацияси
Президенти**

2015 йил 30 март

Ўзбекистон Республикаси Президенти Ислом Каримов Жаноби Олийларига

Муҳтарам Президент Жаноблари!

Ўзбекистон Республикаси Президенти этиб қайтадан сайланганингиздан ниҳоятда мамнунман. Хитой ҳукумати ва халқи, шунингдек, шахсан ўз номимдан самимий кутловларим ва эзгу тилакларимни қабул этгайсиз.

Сизнинг Президентлигингиз даврида Ўзбекистонда сиёсий барқарорлик, иқтисодий ривожланиш ва халқ фаровонлигининг ўсиши кузатилмоқда. Халқаро майдонда мамлакатингизнинг нуфузи ва таъсири муттасил равишда ортиб бормоқда. Ҳеч шубҳасиз, Сизнинг раҳнамолигингизда Ўзбекистон давлат қурилишининг барча соҳаларида янги, янада улкан ютуқларга эришади.

Хитой ва Ўзбекистон – бир-бирига самимий ишонадиган яхши дўст ва ишончли шерик. Икки мамлакат ўртасида дипломатик муносабатлар ўрнатилганидан буён ўтган 23 йил мобайнида давлатлараро муносабатларда ижобий ривожланиш динамикаси доимо сақланиб келмоқда, сиёсий жиҳатдан ўзаро ишонч ҳар томонлама

мустаҳкамланмоқда, ўзаро манфаатли ва стратегик ҳамкорлик ривожланмоқда.

Мен Хитой – Ўзбекистон муносабатлари жадал ривожланиб бораётганини ва ўртамиздаги мустаҳкам шахсий дўстлигимизни юксак қадрлайман, Сиз билан бирга мамлакатларимиз халқларининг фаровонлиги йўлида стратегик ҳамкорлик борасидаги хитой-ўзбек муносабатларини янада юқори даражага кўтариш учун куч-гайратимни сафарбар этишга тайёрман.

Сизга мустаҳкам соғлик ва иш фаолиятингизда муваффақиятлар тилайман.

Ўзбекистоннинг равнақ топиши ва куч-қудрати зиёда бўлишини, унинг халқига эса бахту саодат тилаб қоламан.

**Си Цзиньпин,
Хитой Халқ Республикаси
Раиси**

2015 йил 30 март

Муҳтарам Президент Жаноби Олийлари!

Сизга Хитой заминидан улкан саломлар йўлаш шарафига муяссар бўлганимдан бахтиёрман.

Мен хитойлик оддий бир қизман. Исмим Лю Хонг. Мен Сизнинг кўплаб тарафдорларингиздан бириман. Ушбу сатрларни ёзар эканман, Сизга мактуб орқали мурожаат қилишдан бахтиёрман.

Хитой билан Ўзбекистон халқларини кўп асрлик дўстлик ва ўзаро ҳамкорлик ришталари боғлаб туриши сир эмас. Шу боис, ўйлайманки, Сиз Жаноби Олийларига йўллаётган мактубим замирида ана ўша ўзаро ҳурмат ва эҳтиром туйғулари акс этса, ажаб эмас.

Гарчи мен Хитойда яшасам-да, замонавий технологиялар, жумладан, Интернет тармоғи орқали Сизнинг кенг қиррали фаолиятингиз, Ўзбекистон халқининг тинчлик-фаровонлиги, юқори турмуш даражаси, мамлакатнинг ҳар томонлама тараққий этишини таъминлашга қаратилган дастурий ташаббусларингизни катта

қизиқиш ва ҳайрат билан кузатиб бораман. Ушбу саъй-ҳаракатларингизда Сизга доимо куч-қудрат ва омад ёр бўлишини Яратгандан сўрайман.

Ўзбекистон қадимий тарихга ва маданиятга эга бўлган, жадал тараққий этиб келаётган гўзал мамлакатдир. Бу қадимий юртга ташриф буюриш – менинг энг катта орзуим.

Ўзбекистон етакчиси сифатида Сиз мамлакатнинг нуфузини юксалтириш, мустақиллигини мустаҳкамлаш, халқлар ва миллатлар ўртасидаги тинчлик-тотувликни таъминлаш йўлида улкан ва самарали ишларни амалга ошираётганингиз, бутун куч-қудратингиз, ғайрат-шижоатингизни ўз Ватанингиз равнақига, халқингиз фаровонлигига йўналтираётганингиз ҳам энг юксак баҳоларга сазовор деб ўйлайман.

Муҳтарам Президент Жаноби Олийлари!

Мамлакатларимиз доимо дўст ва шерик бўлиб келган. Халқларимиз эса тинчлик ва тараққиёт йўлидаги саъй-ҳаракатлари ва меҳнатсеварлиги билан дунё сахнасида ўзининг муносиб ўрни ва нуфузига эга.

Хитой ҳам худди Ўзбекистон каби қадимий ва гўзал диёрлардан бири. Юртимизда Буюк Хитой девори билан бир қаторда ажойиб панда айиқлари, ширин ва мазали таомлар ва Сизнинг миллионлаб тарафдорларингиз бор. Хитойга амалга оширадиган ташрифларингиздан бирида



Сиз билан бир зумга бўлса-да учрашиб, саломлашиб қўйиш орзуси билан Сизга ўзимнинг энг эзгу тилакларимни йўллаб, сиҳат-саломатлик, бахт-саодат, барча ишларингизда юксак омадлар тилаб қоламан.

Ҳурмат-эҳтиром билан:

Лю Хонг,
Хитой Халқ Республикаси,
Тьян Жин Ши,
Фу Шин Ли 15–101

2013 йил 15 август

Ўзбекистон Республикаси Президенти Ислом Каримов Жаноби Олийларига

Жаноби Олийлари!

Сизни таваллуд кунингиз билан самимий табриклаш менга улкан мамнуният бағишлайди.

Ўзбекистон мустақил бўлганидан буён эришган барча ютуқлар Сизнинг номингиз, Сиз узоқни кўзлаб олиб бораётган сиёсат билан боғлиқдир.

Ўзбекистон сўнгги йилларда демократик ислохотларни ҳаётга татбиқ этиш, фуқаролик жамиятининг ролини мустаҳкамлаш, мамлакат иқтисодий салоҳиятини янада юксалтиришда улкан муваффақиятларни кўлга киритди.

Ўз фаолиятини Абу Али ибн Сино ва Абу Райҳон Беруний асарларини ўрганишга бағишлаган олим сифатида шуни таъкидлашни истардимки, Ўзбекистон ўзининг буюк аجدодлари билан, уларнинг жаҳон илм-фани ҳамда тараққиётига кўшган бебаҳо ҳиссасини эътироф этган ҳолда, бугун эришаётган ютуқлари билан ҳар қанча фахрланса, арзийди.

Сизнинг оқилона раҳбарлигингизда Ўзбекистон изчил ва барқарор ривожланишда давом этиб, келажакда дунёнинг энг тараққий этган

давлатлари қаторида етакчи ўринлардан бирини эгаллашига ишонаман.

Яна бир бор таваллуд кунингиз билан мубо-
ракбод этиб, Сизга, жаноб Президент, мустах-
кам соғлик, бахту саодат, фаолиятингизда му-
ваффақият ва салмоқли натижаларга эришишни,
Ўзбекистон халқига тинчлик-омонлик, фаровон-
лик ва равнақ тилайман.

Юксак ҳурмат билан:

**Юль Янссенс,
Лувен католик университети
профессори (Бельгия)**

2015 йил 26 январь

Лувен католик университети профессори жаноб Юль Янссенга

Мухтарам жаноб Янссенс,

Таваллуд куним муносабати билан йўллаган самимий табрик ва истакларингиз учун чин дилдан миннатдорман.

Биз Ўзбекистонда Сизнинг ўрта асрлар Шарқ алломалари ва мутафаккирларининг илмий ва фалсафий меросини ўрганишга катта ҳисса қўшаётганингиз, халқаро жамоатчиликни уларнинг ҳақли равишда бутун инсоният бойлиги деб эътироф этилган бебаҳо асарлари ва ютуқлари билан кенг таништириш борасидаги саъй-ҳаракатларингизни яхши биламиз ва юксак қадрлаймиз.

Айниқса, Сизнинг Ўзбекистон ва унинг халқининг бой ўтмиши, мамлакатнинг ҳар томонлама жадал ривожланишига самимий ва дўстона муносабатингиз ҳамда катта қизиқишингиз алоҳида эътибор ва эътирофга муносибдир.

Фурсатдан фойдаланиб, Сизга тинчлик-хотиржамлик, сиҳат-саломатлик ва хайрли ишларингизда янги муваффақиятлар тилайман.

Ҳурмат билан:

Ислом Каримов,
Ўзбекистон Республикаси Президенти
2015 йил 27 январь

Ўзбекистон Республикаси Президенти Ислом Каримов Жаноби Олийларига

Жаноби Олийлари!

Сизни, саховатли ўзбек заминини қадрлай-
диган инсонлар қатори мен ҳам таваллуд ку-
нингиз билан чин қалбимдан муборакбод эта-
ман. Европа халқаро муносабатлар институти
президенти, Ўзбекистон Республикаси Олий
Мажлисига бўлиб ўтган сайловларда халқаро
кузатувчи, «Дўстлик» ордени нишондори ва
мафтункор юртингизга тез-тез келиб тура-
диган инсон сифатида Ўзбекистон сиёсий, иқ-
тисодий ва ижтимоий соҳада, модернизация,
шаҳарлаштириш, архитектура ва фуқаролар
турмуш шароитини яхшилаш борасида эри-
шаётган бемисл муваффақиятларни кузатиб
бормоқдаман.

Ушбу ютуқларга Сизнинг Президент сифати-
да шахсий хизматларингиз ва Сиз ҳаётда сама-
ралли қўллаб келаётган сиёсий санъат натижаси
бўлган мувозанатли ислоҳот ҳамда барқарорлик
туфайли эришилмоқда.

Шу билан бирга, бу марраларга, одатда, ўтиш
даври ва сиёсий жараёнларга хос бўлган тар-

тибсизлик, саросима ва ижтимоий беқарорлик вазиятида эришиб бўлмаслигини таъкидлашни истардим.

Барқарорлик шароитидаги ҳар қандай тараққиёт етакчилар хизмати бўлиб, мамлакат фуқаролари учун улкан муваффақиятдир.

Жаноб Президент, Сизга бўлган самимий ҳурматимни қабул этгайсиз, халқингиз фаровонлиги ва мамлакатингиз тараққиёти йўлида мустаҳкам сиҳат-саломатлик тилайман.

**Профессор Ирнерио Семинаторе,
Европа халқаро муносабатлар
институти президенти,
Европа дипломатия академияси
директори**

2015 йил 26 январь

**Европа халқаро муносабатлар институти
президенти, Европа дипломатия
академияси директори жаноб
Ирнерио Семинаторега**

Муҳтарам жаноб Семинаторе,

Туғилган куним муносабати билан йўллаган самимий табрик ва истакларингиз учун миннатдорман.

Сизни Ўзбекистоннинг кадрдон дўсти, катта касб ва ҳаёт тажрибасига, мамлакатимиз, минтақамиз ва умуман, халқаро майдонда рўй бераётган бугунги шиддатли жараёнларга нисбатан ўзининг теран ва холис нуқтаи назарига эга, обрў-эътиборли илмий ва жамоат арбоби сифатида яхши биламиз ва юксак қадрлаймиз.

Сиз Ўзбекистонда демократик ислохотларни ривожлантириш ва фуқаролик жамияти асосларини мустаҳкамлашга ҳар томонлама кўмаклашиб, биз учун муҳим бўлган соҳада тажриба алмашиш борасида самарали фаолиятингизни давом эттиришингизга умид қиламан.

**Европа халқаро муносабатлар институти
президенти, Европа дипломатия
академияси директори жаноб
Ирнерио Семинаторега**

Муҳтарам жаноб Семинаторе,

Туғилган куним муносабати билан йўллаган самимий табрик ва истакларингиз учун миннатдорман.

Сизни Ўзбекистоннинг кадрдон дўсти, катта касб ва ҳаёт тажрибасига, мамлакатимиз, минтақамиз ва умуман, халқаро майдонда рўй бераётган бугунги шиддатли жараёнларга нисбатан ўзининг теран ва холис нуқтаи назарига эга, обрў-эътиборли илмий ва жамоат арбоби сифатида яхши биламиз ва юксак кадрлаймиз.

Сиз Ўзбекистонда демократик ислохотларни ривожлантириш ва фуқаролик жамияти асосларини мустаҳкамлашга ҳар томонлама кўмаклашиб, биз учун муҳим бўлган соҳада тажриба алмашиш борасида самарали фаолиятингизни давом эттиришингизга умид қиламан.



Фурсатдан фойдаланиб, Сизга мустаҳкам соғлик, бахт-саодат ва фаолиятингизга улкан муваффақиятлар тилайман.

Ҳурмат билан:

**Ислом Каримов,
Ўзбекистон Республикаси
Президенти**

2015 йил 27 январь

**Индира Ганди номидаги Ҳиндистон
Миллий маданият марказининг
илмий раҳбари, профессор
Мансура Ҳайдарга**

Муҳтарама Мансура Ҳайдар хоним!

Шу йилнинг 15–16 май кунлари Самарқанд шаҳрида ўтказилган «Ўрта асрлар Шарқ алломалари ва мутафаккирларининг тарихий мероси, унинг замонавий цивилизация ривожига роли ва аҳамияти» мавзусидаги халқаро конференция ишига юқори баҳо берилган мактубингиз, ўзбек халқи ва унинг тарихий мероси ҳақидаги самимий фикрларингиз учун сизга чин қалбимдан миннатдорлик билдираман.

Сиз тухфа этган, Ўзбекистон тарихи ва маданиятига бағишланган сермазмун китобларни катта эътибор билан кўриб чикдик ҳамда бу ноёб асарлар билан кенг жамоатчиликни таништириш ва атрофлича ўрганиш мақсадида уларни адабиёт, тарих, фалсафа фанлари бўйича мамлакатимизнинг етакчи илмий марказлари-

дан бири бўлган Ўзбекистон Фанлар академия-сининг Алишер Навоий номидаги Адабиёт давлат музейи фондларига жойлаштиришга қарор қилдик.

Эҳтиром билан:

**Ислон Каримов,
Ўзбекистон Республикаси
Президенти**

Тошкент шаҳри, 2014 йил 15 июль

Ўзбекистон Республикаси Президенти Ислом Каримов Жаноби Олийларига

Жаноби Олийлари,

Фурсатдан фойдаланиб, Сизга ва «Шарқ тароналари» IX халқаро мусиқа фестивали ташкилотчиларига ушбу ноёб анжуманни юксак савияда ташкил этгани учун самимий миннатдорлигимни билдираман. Бу фестиваль, шак-шубҳасиз, бутун дунё халқлари ўртасида тинчлик-тотувлик ва дўстликни мустаҳкамлашга хизмат қилади. Ушбу байрам маданият, санъат, сиёсат ва дипломатия соҳасида дунёга машҳур кишилар қатори ёзувчи ва журналистлар, рассомлар, мусиқашунос, раққос ва раққосаларни ҳам бир жойга тўплади.

Ушбу байрамда Сизни кўрганимиздан бағоят хурсанд бўлдик. Иштирокчиларга самимий табригингиз ва муваффақиятлар тиллаганингиз учун миннатдормиз.

Мени «Шарқ тароналари» фестивалининг бош мукофоти соҳибаси, деб эълон қилишган пайтдаги ҳаяжон, хурсандчилик ва ғурур-ифтихорни сўз билан ифодалаб бўлмайди. Бундай ажойиб байрамда иштирок этиш мен учун улкан шараф бўлди. Ҳайъат аъзолари менга катта

ишонч билдириб, юксак мукофот – Гран-прини топширди. Ватаним Ҳиндистон шарафини ҳимоя қилиб, олий мукофотга сазовор бўлганимдан фахрланаман.

Ўзбекистон ҳақида бир олам унутилмас таассуротлар билан қайтдим. Ҳозир ўзим Ҳиндистонда бўлсам-да, қалбим Ўзбекистонда. Хушчақчақ ва қалби дарё халқингизнинг меҳмондўстлиги ва самимиятини ҳеч қачон унутмайман.

Ўзбекистонга боргунимча бу юртда дўстларим йўқ эди. Аммо у ердан қайтаётганимда Ўзбекистон ва дунёнинг бошқа давлатларидан кўплаб дўстлар орттирдим.

Сўзимнинг якунида мени ва гуруҳимизни қўллаб-қувватлаганингиз учун Сиз, Жаноби Олийларидан, «Шарқ тароналари» фестивали ташкилотчилари ва Ўзбекистон халқидан ғоят миннатдорлигимни яна бир бор билдирмоқчиман. Меҳмондўст Ўзбекистон заминида яна бир бор ўз истеъдодимизни намойиш этиш имкониятини интизорлик билан кутиб қоламиз.

Ҳурмат билан:

**Рашми Агарвал,
хиндистонлик хонанда,
«Шарқ тароналари» IX халқаро
муסיқа фестивали Гран-при
мукофоти соҳибаси**

2013 йил 2 октябрь

Ўзбекистон Республикаси Президенти Ислом Каримов Жаноби Олийларига

Мухтарам жаноб Президент,

Авваламбор, Сизни муборакбод этиб, ўзимнинг эзгу тилаklarимни изҳор этмоқчиман. Озарбайжон халқи Сизни ҳар доим яқин дўст деб билади ва чин дилдан ҳурмат қилади. Бу бежиз эмас. Чунки қардош Ўзбекистон оғир дамларда Озарбайжонни қўллаб-қувватлаб келган. Айниқса, Тоғли Қорабоғ масаласидаги адолатли ва принципиал позициянгизни алоҳида қайд этмоқчиман. Барча расмий музокараларда Сиз Ўзбекистон Озарбайжоннинг худудий яхлитлигини тан олишини ва масалани тинч йўл билан ҳал этиш тарафдори эканингизни таъкидлайсиз. Бу биз учун катта аҳамиятга эга.

Мен Озарбайжон Миллий Мажлиси аъзосиман. Парламентга журналистика соҳасидан ўтганман, касбим тақозоси билан турли давлатларда тез-тез бўламан. Аммо, шуни тан олишим керакки, ўзимни ҳеч қачон Ўзбекистондагидек эркин ва хотиржам ҳис қилмаганман. Мамлакатингизда собиқ Иттифоқ даврида ҳам, мустақиллик йилларида ҳам бўлганман. Ўзбекистон мен учун бо-

лалигимдан кадрли ва кизиқарли мамлакатдир. Ушбу саховатли заминнинг мафтункор табиати, бағрикенг ва меҳр-оқибатли одамлари, бетакрор маданияти мени ҳамиша ўзига ром этиб келган. Буюк шоир Алишер Навоийнинг шеърлари, «Ўзбекфильм» киностудиясининг самимийлиги билан ажралиб турадиган фильмлари хотирамда абадий сақланиб қолган. Шу боис мамлакатингизга ҳар бир сафарим кизиқарли ва бетакрор воқеаларга бой бўлади. Кўз ўнгимда ривожланаётган давлат, ажойиб табиат, самимий инсонлар намоён бўлади. Мамлакатингизга ҳар сафар келганимда буюк саркарда Амир Темур мақбараси, қадимги маҳобатли ёдгорликлар ва масжидларда бўламан. Ва ҳар сафар халқингиз ва мамлакатингизни дуо қиламан. Юртимга қайтаётганимда бу ерга яна ва яна келишни ният қиламан.

Ҳурматли Президент, бугунги кунда Ўзбекистон ривожланиб бораётган демократик давлат экани мени қувонтиради. Шунини таъкидламоқчиманки, бугунги мураккаб ва таҳликали даврда бундай мақсадларга эришиш қанчалик қийин ва оғир эканини яхши биламан. Бугун Ер шарининг тўртдан бир қисми, жумладан, мусулмон олами ўт ичида қолган. Айни пайтда Ўзбекистонга қараганда аҳолиси, ҳудуди ва табиий ресурслари анча кўп бўлган бу давлатлар фуқаролари қочқинларга айланган. Улар чодирларда яшаб, бир бурда нон ва бир қултум сувга муҳтож.

Ўзбекистоннинг оддий фуқароси кечираётган ҳаёт уларга тушдек туюлади. Буларнинг барчасининг кадрига етиш керак, деб ҳисоблайман. Мен буни барча учрашувларда гапираман. Чунки буларга машаққатли меҳнат, адолатли, доно сиёсат туфайлигина эришиш мумкин. Бу фазилатларга ўз халқини беҳад севадиган, унга таянадиган давлат раҳбари, ҳақиқий етакчи ва маҳоратли сиёсатчигина эгадир. Шунини тўлиқ ишонч билан ва самимий айтишим мумкинки, Сизда бу фазилатларнинг ҳаммаси мужассам. Сиз нафақат хароб бўлган мамлакатни қайта тикладингиз, балки уни замонавий демократик давлатга айлантирдиз. Шунинг учун Ўзбекистон давлати, халқи ва келажак авлоди Сизнинг хизматларингизни муносиб баҳолашига ишонаман.

Муҳтарам Президент,

Мен Озарбайжон – Ўзбекистон дўстлик жамиятининг ҳам аъзосиман. Яқинда Самарқандда ўтказилган «Шарқ тароналари» мусиқа фестивалида иштирок этдим. Сизнинг қизиқарли ва мазмунли нутқингиз, самимийлигингиз менинг қалбимда ўчмас из қолдирди. Нафақат фестиваль, балки унинг юксак савияда ташкил этилгани ҳам мени лол қолдирди. Шу боис ушбу ажойиб мусиқа байрамини юксак даражада ташкил этганингиз учун ўз миннатдорлигимни билдираман. Бу ҳақиқатан ҳам юксак профессионал даражада ташкил этилган байрам бўлди. Айниқса, Чет

тиллер институтининг ёш кўнгиллилари фаолиятини алоҳида қайд этмоқчиман. Биз Ўзбекистондан эзгу тилаклар, катта таассуротлар билан юртимизга қайтдик.

Мактубим якунида сизга узоқ умр, жонажон Ватанингиз фаровонлиги йўлида амалга ошираётган хайрли ишларингизда муваффақиятлар тилайман. Сиз туфайли дўст Ўзбекистон янада юксак муваффақиятларга эришишига ишонман.

Хурмат ва эҳтиром билан:

**Эътибор Гусейнов,
Озарбайжон Миллий
Мажлиси депутати,
Озарбайжон–Ўзбекистон
дўстлик жамияти аъзоси**

2013 йил 19 сентябрь

Жаноби Олийлари,

2015 йил 8 май – 19 май кунлари мамлакатингизда сайёҳ сифатида бўлганимни Сизга маълум қилиш мен учун катта шараф. Бундан аввал – 1971 йили Москва шаҳрида бўлиб ўтган Нефть бўйича халқаро конгрессда иштирок этиб, Ўзбекистоннинг Тошкент, Бухоро, Самарқанд шаҳарлари ва табиий газ конларига бой Қашқадарё вилоятида бўлган эдим.

Мен бугунги Ўзбекистонни ўша пайтлардаги аҳвол билан таққосламоқчи эмасман. Шундай бўлса-да, 1971 йил мамлакатдаги, айниқса, Бухоро шаҳридаги аҳвол ачинарли ҳолатда эди. Сизнинг бевосита раҳнамолигингизда амалга оширилган кенг кўламли бунёдкорлик ишлари таҳсинга лойиқдир. Айниқса, ўша даврда Имом Бухорий мақбараси ташландиқ ҳолда, қабр жойлашган битта хужрадан иборат бўлганини алоҳида қайд этмоқчиман. Бу ерда Сизнинг раҳбарлигингизда амалга оширилган беқиёс ишлардан барча мусулмонлар, шу жумладан, мен ҳам миннатдорман.

Ўтган 24 йил мобайнида Сиз улкан муваффақиятларга эришдингиз, мамлакатингизда бар-



қарорликни таъминлаб, халқингиз қалбида ўз Ватани билан фахрланиш туйғусини шакллантирдингиз ва бунинг учун барча имкониятларни яратиб бердингиз. Келажакда Сизга ислохотлар жараёнини изчил давом эттириш, мамлакатингизни янада ривожлантиришингиз учун узок умр ва саломатлик тилайман.

Ҳурмат билан:

**Мустафо Тала,
Франция, Париж шахри**

2015 йил 23 июнь

Муҳтарам Ислом Абдуғаниевич,

Сизни дўст Ўзбекистоннинг Президенти лавозимига қайта сайланганингиз билан самимий табриклайман.

Сизга ўз мамлакатингизни бугунги мураккаб даврда фаровонлик сари ва барча давлатлар билан яхши кўшничилик йўлида ишончли бошқаришингиз учун мустаҳкам соғлик тилайман. Айниқса, Ўзбекистон ва Россия ўртасидаги дўстлик муносабатлари янада мустаҳкамланиши тарафдориман.

Хурмат билан Россиянинг оддий фуқароси:

Константин Морозов

2015 йил 3 апрель

Ўзбекистон Республикаси Президенти И.А. Каримовга

Мухтарам Ислом Абдуғаниевич,

Шимолий Кавказ мусулмонларининг мувофиқлаштирувчи маркази Сизни Ўзбекистон Республикаси Президенти этиб қайта сайланганингиз муносабати билан муборакбод этади. Самимий табригимизни қабул қилишингизни сўраймиз ва юксак лавозимдаги самарали ишларингизга муваффақиятлар тилаймиз.

Сизнинг обрў-эътиборингиз, қатъиятингиз ва мақсад сари интилувчанлигингиз мамлакатингизнинг ижтимоий-иқтисодий жиҳатдан янада ривожланиши, халқаро позицияларини мустаҳкамлашнинг муҳим кафолатидир. Ўзбекистон Республикаси Президенти этиб сайланганингиз Сизнинг давлатчиликни мустаҳкамлаш борсидаги улкан хизматларингиз, кўп миллатли халқингиз орасида юксак обрў ва ҳурматга сазовор эканингиз эътирофи, ўз халқи ва мамлакати манфаатини ҳамма нарсадан устун қўядиган инсонга билдирилган умумий ишонч ифодасидир.

Сизнинг ишчанлик ва инсоний фазилатларингиз бундан буён ҳам олдингизда турган кенг

кўламли вазифаларни бажаришда доимий ҳамроҳ ва Ўзбекистон равнақи йўлидаги масъулиятли ишингизда муваффақият кафолати бўлсин.

Мамлакатингизнинг ҳар бир фуқароси фаровонлигини таъминлаш йўлидаги куч-ғайратингиз ва самарали ишларингиз халқингиз томонидан тўла кўллаб-қувватланди. Сизнинг маҳоратингиз, катъиятингиз, тажрибангиз, одамлар билан ишлаш қобилиятингиз, халқингиз маданияти ва тарихига бўлган муҳаббатингиз кўп миллатли халқнинг муносиб Йўлбошчиси эканингиздан далолат беради.

Кўпчилик фуқароларнинг сайловда Сизга овоз бергани уларнинг Сизга бўлган юксак ишончидир ва бу ишонч зиммангизга миллионлаб одамлар тақдири учун алоҳида масъулият юклайди. Оллоҳ бундан буён ҳам ўзининг чексиз марҳамати ва мурувватини Сиздан аямасин, мамлакат учун муҳим вазифаларни ҳал этишда куч-қувват, сабр-матонат берсин!

**Исмоил хожи Бердиев,
Шимолий Кавказ мусулмонлари
мувофиқлаштирувчи
маркази раиси**

2015 йил 8 апрель

Ўзбекистон Республикаси Президенти Ислом Каримов Жаноби Олийларига

Хурматли Ислом Абдуғаниевич,

Мен Могилёв машинасозлик техникумини тамомлагач, 1957–1960 йилларда Андижондаги «Строймашина» заводида муҳандис-технолог, экспорт маҳсулоти бўйича назоратчи уста, техник назорат бюроси бошлиғи бўлиб ишладим. Шу кунгача Ўзбекистондаги дастлабки меҳнат фаолиятим ҳақида ажойиб таассуротлар сақланиб қолган.

Сизни Ўзбекистон Республикаси Президенти этиб қайта сайланганингиз муносабати билан самимий табриклайман. Иқтисодчи ва таҳлилчи сифатида ғалаба қозонишингизга ишонгандим. Ўз ҳаёт йўлингиз давомида ақл-идрокингиз, меҳнатингиз ва куч-ғайратингизни намоён этдингиз. «Ташсельмаш» заводи устасидан давлат раҳбаригача бўлган машаққатли йўлни босиб ўтдингиз. Сизнинг жўшқин ва серқирра фаолиятингиз, ишлаб чиқариш, иқтисодий ва бошқарувчилик тажрибангиз обрўли ҳамда эътиборли давлат етакчиси сифатида шаклланишингизга ёрдам берди.

Сиз бундан буён ҳам меҳнатсевар халқингизга садоқат билан хизмат қилишга ва мамлакатингизнинг янада равнақ топишига кўмаклашиш учун барча зарур фазилатларга эгасиз.

Мухтарам Ислом Абдуғаниевич, Сизга мустаҳкам соғлик, Ўзбекистон иқтисодиётини ривожлантириш йўлидаги барча ишларингизга муваффақиятлар тилайман.

Хурмат билан:

**Александр Галаков,
Беларусь Республикаси,
Могилёв шаҳри,
Пушкин проспекти, 47-уй,
31-хонадон**

2015 йил 30 март

Ўзбекистон Республикаси Президенти Ислом Каримовга

Муҳтарам Ислом Абдуғаниевич,

Қардош Қирғизистондаги кадрдон дўстларингиздан бири сифатида Сизга, кеч бўлса-да, сайловда ишончли ғалаба қозонганингиз муносабати билан ушбу табрик мактубимни йўллайман. Голиб чиқишингизга шубҳам йўқ эди ва амалда ҳам шундай бўлганидан жуда хурсандман. Чунки Сизни нафақат Ўзбекистон, балки бутун минтақада барқарорлик, фаровонлик ва хавфсизлик кафолати деб биламан. Сизнинг донишмандлигингиз ва қатъиятингиз менинг мамлакатимга ҳам икки марта – 1990 ва 2010 йилларда, яъни ички экстремистларнинг ақлсизлиги ва ташқи кучларнинг аралашуви сабабли катта фожиа – қардош халқлар бўлган қирғизлар ва ўзбеклар ўртасида этник тўқнашув юз берганда ёрдам берди. Мен раҳбарлик қилган Миллий комиссия 2010 йилги воқеалар ҳақидаги ўз хулосасида ушбу масала юзасидан Сизнинг позициянгизни юксак баҳолаб, ҳатто номзодингизни Нобель мукофотига кўрсатмоқчи бўлди. Аммо буларнинг ҳаммаси бизга боғлиқ эмасди.

Ҳурматли Ислом Абдуғаниевич,

Мен ҳамиша – бош вазир ўринбосари, Ўш вилояти раҳбари, парламент спикери бўлганимда ва Миллий фанлар академияси президенти бўлиб ишлаётган бугунги кунда ҳам Сизнинг Марказий Осиё иттифоқи ёки ҳамжамиятини ташкил этиш ва мустаҳкамлаш тўғрисидаги ғоянгиз ва ташаббусингизни қўллаб-қувватлаганман.

Қирғизистон–Ўзбекистон муносабатлари бўйича қайғуришимнинг шахсий сабаблари ҳам бор. Ҳаёт кийинчиликлари туфайли қариндошларим бир пайтлар Фарғонага кўчишга мажбур бўлган. Уларникига тез-тез бориб турардим. Болалигимдан қирғизлар ва ўзбекларнинг биргалликда ҳаёт кечиришини кузатиш имкониятига эга бўлганман. Талабалик ва аспирантурада ўқиган йилларимда, кейинчалик докторлик илмий ишимни ёзишда ўзбек адабиётини яхши ўрганганман, Тошкентда ўзбек устозларим ва адабиётчи дўстларим кўп эди. Яъни, маънавий жиҳатдан мен ўзбек маданияти билан боғланган эдим. Сўнгра, мустақиллик йилларида турли юқори лавозимларда ишлаган пайтларим Сиз билан Бишкек, Ўш ва Тошкентда бир неча бор суҳбатлашиш бахтига муяссар бўлдим. Мана шунинг учун Сизнинг навбатдаги ғалабангиздан чин дилдан хурсандман. Сизнинг дўст халқлар – қирғизлар ва ўзбеклар ўртасидаги ўзаро му-



носабатларни янада мустаҳкамлаш ва чуқурлаштиришга хизмат қиладиган хайрли фаолиятингизга бундан буён ҳам омад тилайман.

Ҳурмат билан:

А. Эркебаев,
Қирғизистон Республикаси
Миллий фанлар академияси
президенти

2015 йил 27 апрель

**Ассалому алайкум, ҳурматли
Ислом Абдуғаниевич,**

Мен Иккинчи жаҳон урушида фашизм устидан қозонилган ғалабанинг 70 йиллиги муносабати билан собиқ Иттифокдан турли миллатга мансуб икки юз мингга яқин (аслида уч юз мингдан зиёд) болани ўз бағрига олиб, парваришлаб тарбия қилган ўзбек халқининг қаҳрамонлигига бағишланган «Кадр ортида» китобини тайёрладим.

Мени ўша пайтда журналист сифатида Украина хроника-ҳужжатли фильмлар студияси Бухоро вилоятига хизмат сафарига юборди. Бухорода нафақат «уруш болалари» ва уларнинг халоскорлари, балки уларга бошпана бериб, яқин кишисига айланган инсонлар билан суҳбатлашиб, кўплаб ҳужжатлар тўплادим. Бу материалларим асосида «Урушнинг узок садоси» ва «Худойберди – Оллоҳ берган» номли ҳужжатли фильмлар суратга олинди. Афсуски, киночилар тили билан айтганда, аксарият ишларим кадр ортида қолиб кетди.

Тақдир тақозоси билан Германиянинг Мюнхен шаҳрига доимий яшаш учун кетишимга

тўғри келди ва ҳозир ҳам шу ерда истиқомат қилмоқдаман. Мен ўз вақтида Ўзбекистонда ажойиб инсонлар сўзлаб берган ушбу хикоялар кадр ортида қолиб кетишига чидай олмадим ва «Кадр ортида» китобини (унда фотосуратлар ҳам кўп) тайёрладим.

Муҳтарам Президент, энг сўнгги нонини «уруш болалари» билан баҳам кўриб, уларга ғамхўрлик ва меҳр-муҳаббат кўрсатган ўзбек халқига ушбу камтарона совғамни Ўзбекистон оммавий ахборот воситалари орқали етказишда ёрдам беришингизни сўрайман. Агар китобимни юртингизда чоп этиш истаги пайдо бўлса, бошим осмонга етарди.

Энг муҳими, Ер юзида Сиз каби адолатли, тинчлик ва барқарорлик учун курашиб, уни ҳимоя қилиб келаётган инсоннинг борлиги учун шукур қиламан.

Ҳурмат ва эҳтиром билан:

**Валентина Петроченкова,
Германия,
Мюнхен шаҳри**

2015 йил 20 май

Хурматли Ислом Абдуғаниевич!

Мен Сизни Ўзбекистон Республикаси Президенти лавозимига қайта сайланганингиз билан чин кўнгилдан табриклайман. Ўзбекистон Республикасини ривожлантириш, халқ фаровонлигини ошириш ва мамлакатингизда тинчлик-барқарорликни таъминлаш йўлидаги машаққатли ишларингизда Яратгандан Сизга мустаҳкам соғлик ва узоқ умр тилайман. Оллоҳ Сизни улуғ ёшларга етказсин.

**Одил Қаюмов,
Гвинея Республикаси
тоғ-геология институти
эксперт-профессори**

2015 йил 30 март

Муҳтарам Президент жаноблари,

Мен «пантера» деб номланган ва дунёда йўқолиб кетиш хавфи остида бўлган катта мушукларни муҳофаза қилиш билан шуғулланувчи гуруҳ аъзосиман. Бугун гуруҳимиз томонидан эълон қилинган пресс-релизда Ўзбекистоннинг Ҳисор табиий қўриқхонасида илк маротаба қор леопарди суратга олингани ҳақидаги хабарни ўқиб, жуда хурсанд бўлдим.

Ёшим анча катта бўлгани боис ажойиб мамлакатингиз ва қўриқхонанинг ўзини бориб кўриш бахти менга, афсуски, насиб қилмаса керак. Шу боис Сизнинг раҳбарлигингиз остида Ўзбекистонда табиатни муҳофаза қилиш, унинг хилма-хиллигини сақлаб қолиш борасида амалга оширилаётган улкан ишлар учун самимий миннатдорлик изҳор этиб қоламан.

Фурсатдан фойдаланиб, Сизга мустаҳкам соғлик ва янгидан-янги зафарлар тилайман.

Самимий ҳурмат ила:

**Н. Лаура Миддлетон,
Америка Қўшма Штатлари, Вермонт
штати, Эссекс Жанкшн қишлоғи,
Виндбриж Роуд кўчаси, 8-уй**

2014 йил 16 январь

МУНДАРИЖА

Сўзбоши ўрнида.....	3
Миннатдор қалблар шукронаси.....	11
Халқ сўзи – ҳақ сўз	81
Янгича фикрлаётган одамлар.....	154
Ёш авлод эҳтироми	216
Жаҳон аҳлининг юксак эътирофи	255

ПРЕЗИДЕНТГА МАКТУБЛАР

Тошкент «Маънавият» 2016

Нашр учун масъул *Х. Султонов*

Тўпловчи *З. Мирзақулов*

Муҳаррир *М. Қаршибоев*

Нашриёт муҳаррири *С. Аҳмедов*

Рассом *М. Аглям*

Мусахҳих *С. Тошқулова*

Компьютерда тайёрловчи *Ш. Соҳибов*

Лицензия АИ №189, 10.05.2011 йилда берилган.

Босишга 22.07.2016 йилда рухсат этилди. Бичими 84x108 ¹/₃₂.
«Таймс» гарнитураси. Офсет босма усулида босилди. Шартли босма
табоғи 15,54 + 0,84 рангли вкл. Нашр табоғи 9,25 + 1,47 рангли вкл.
Буюртма №16-39. Адади 50 000 нусха. Нархи шартнома асосида.

«Маънавият» нашриётида чоп этилди.

100047. Тошкент, Тараққиёт 2-берккўча, 2-уй. Шартнома № 32–16.